


BAO BA TLODITŠWEGO NAKONG YA BOFELO

 Mosong, batheeletši. A re boleleng le Morena wa rena bjale. Modimo yo Mogolo, Mohlodi wa magodimo le lefase, Yo Bokgethweng a re beetšego nako ye mosong wo, ya bodiredi go Wena. Gomme a nke re, Morena, ka dipelong tša rena re inneele ka borena ka go felela go thato ya Gago ye Kgethwa le go šomeng ga Moya wo Mokgethwa ka go rena, go tliša pele seo Wena o nyakago re se tseba. Tumo ya rena ke go ba Bakriste ba bakaone le baemedi ba bakaone ba Gago. A O ka fa se go rena mosong wo, bjale ge re letetše Wena, ka Leina la Jesu Kriste. Amene.

Dulang. [Yo mongwe o re, “Tšea go tloša mašela a thapelo?”—Mor.] Eye.

2 Re thabile kudu go ba mo gape mosong wo, ka gare—ka gare ga tirelo ya Kgoši ye kgolo. Gomme re bohloko, re, gape, gore ga re na le kamora ya batho, eupša re no ba le. . . Re tla leka gomme re dira bokaone bjo re ka bo kgonago, ka fase ga mabaka.

3 Bjale, ba bantšhi ba na le disakatuku le dikgopelo di robotše godimo fa gore di rapelelwe. Gomme ke nno di robotša thoko e tee; e se gore ga ke iše felo ka tšona, eupša ke di rapelela ka morago ga ge gagolo. . . go swana, le bošegong bjo. Ke tla dira mosong wo, gomme le gona bošegong bjo gape, ge. . . Ka gona ke tla rapela gomme ka leta go Moya wa Modimo go fodiša, gomme ke fao ge ke rata go rapela godimo ga—ga disakatuku le dilo.

4 Gomme ka dikgopelo tša go ikgetha, Billy o di file, ye nngwe le ye nngwe, go nna. Go na le tše e ka bago makgolo a mararo, gomme ke sa tšwa go tlogela dikamora nakong yeo. Le a bona, ke no di hwetša ka pela, le ye nngwe le ye nngwe, ye ke kgonago go fihla go yona. Gomme ke tla ya go tšona ka pela ka fao nka kgonago. Nka se kgone go fihla go tšona ka moka. Go no fihla ka gare, ke swanetše go hwetša setee, gomme ke re, “Morena, a e ka ba se tee *se*, gomme le setee *se*?” Feela ka mokgwa woo, ka baka la gore di, se sengwe le se sengwe, se na le senyakwa, dikgopelo tša mmakgonthe; se sengwe, ntle le go kamaka, seo re swanetšego go bolela mmogo ka sona. Gomme ke. . . Ntle lege, le a tseba, nako ye nngwe Moya wo Mokgethwa o ka no bolela se sengwe setee seo ke se badilego, seo se dulago pelong ya ka; ke ya morago go seo gape, gomme ka tsoma go kgabola fao go fihla ke se hwetša. Go sego bjalo, ka go se ele šedi ke a di tšea.

5 Bjale, gape re nyaka gore, mosong wo, gomme re dumediša bao ba lego ntle ka dikarolong tše dingwe tša naga. Re nyaka

go dumediša ditšhaba mosong wo ka tsela ye ya kgokagano ya mogala, go ya Toropokgolong ya New York; Beaumont, Texas; Prescott, Arizona; Tucson, Arizona; San Jose, California; Connecticut; Gainesville, Georgia; le New Albany, Indiana; go kgabola setšhaba. Re le dumediša ka Leina la Morena Jesu.

⁶ Mosong wo, ka Indiana, ke moso wo mobotse. Re bile le pula bošego bja go feta yeo e fodišitšego tša leratadima. Gomme re. . . Tabarenekele e bipetšwe, gomme yo mongwe le yo mongwe o letetše, ka ditetelo kgolo, sekolo sa Lamorena. Gomme ke a tshepha gore tša go humahuma ditšhegofatšo tša Modimo di tla ba godimo ga lena ntle fao.

⁷ Gomme re holofetše, ka pela ka mo go kgonegago, go dira tse—tse tsela ye re ka kgonago go ba le yona, fao re ka kgonago go tliša rena ka moka mmogo, mohlomongwe ka fase ga tente ye kgolo, moo ke ikwelago gabotse ka nnete ke hlahliwa go rera ka Meruswi ye Šupa ye ya mafelelo ka Beibeleng.

⁸ Ka fao bjale, gore re seke ra tla ra ba ba batelele kudu ka thuto ye kgolo ye mosong wo. . . Ke nyakile Morena, ke nagana, “Nka kgona go reng?” ke tseba gore ye e ka no ba tirelo ya rena ya mafelelo yeo re ka bago le yona. Gotla ga Morena go kgauswi kudu mo seatleng!

⁹ Ke a bona, ka morago ga polellopele yela ka go e dira ka California, go na le dintlong ntle kua, le mafelo, tšeo di nwelelago ka lebelo la diintšhi tše masometharo ka iri, mapolanka a phatloga gomme a robegela ka gare. Gomme ga ba tsebe seo se e dirago. Re mo mafelelong. Dintlo tša ditolaro tše dikete tše lekgolo, di a nwelela. Ke hweditše hlogo tša ditaba ka kuranteng, diswantšho, tšeo ke holofelago go ditliša bošego bjo, bjalo ka ge ke nyaka go bolela ka se sengwe ka seo bošego bjo.

¹⁰ Gomme, ka gona, bošego bjo re na le thapelo ya balwetši. Etlang ka gare ka morago ga sekgalela se, ya bohano, ya botshelela iri, goba e ka ba neng e ka bago yona. Re ya go thoma ka pela, ke a tshepha, gore batho ba kgone go tloga ka pela, gomme le amogele dikarata tša lena tša thapelo. Gomme re tla be re rapelela balwetši bošegong bjo, Morena ge a rata.

¹¹ Bjale, ka morago ga go gopola ge ke rapetše kudu, “Ke tla dira eng?” Ke a tseba gore letšatši le lengwe ke swanetše go araba ka seo ke se bolelago mo. . . Gomme ke tšere sephetho, goba ke ikwetše ke hlahliwa ke Moya wo Mokgethwa go bolela mosong wo ka seporofeto, ka mokgwa wa go re sedimoša. Le a bona? Ke se sengwe seo re. . . Ge re se ra sedimošwa, gomme se sengwe sa direga ka go no se elešedi, re swanetše go tseba ka se. Moya wo Mokgethwa o re file sona, go sebotša batho ka go tla. Le a tseba, Beibele e rile, gore, “Modimo a ka se dire selo ntle le gore pele A bontšhe bahlanka ba Gagwe, baporofeta.” Gomme—gomme ka fao Jesu a seboditšego batho, ka seo se tla

tšeago sebaka, ka fao baporofeta ba sebotitšego batho, seo se tla tšea sebaka. Gomme go a re swanela bjale, ka iring ye kgolo yeo re phelago ka go yona, gore re bone lebaka le re re phelago ka go lona, le seo se diregago, le seo se yago go direga ka gare ga lebaka le. Ka fao ye nngwe ya dithuto tše tša go se tsebje tšeo mohlomongwe re re badilego ka tšona makga a mantšhi, e wetše godimo ga pelo yaka go—go bolela le batho ka yona mosong wo.

¹² Bjale a re phetleng ka kua ka Dibeibeleng tša rena go Mateo ya 24 tema gomme re bale karolo ya Lentšu. [Ngwanešu Branham o dira sehuba tloga mogolong wa gagwe—Mor.] Ntshwareleng. Bjalo ka tsela ya go—go hwetša kgwekgwe ya tema le thuto ya rena.

¹³ Bjale, elelang re ya go ruta se bjalo ka tlelase ya Beibele, ka go nanya. Hwetša dipentshele le pampiri tša lena. Ke na le Mangwalo a mantšhi a ngwadilwe fase mo, gore—gore le ka kgona go bea a fase. Ka gona le ya gae gomme la ithuta wona, ka baka la gore ye e no swana le tlelase ya sekolo sa Lamorena, gore le tsebe, gomme re sebotšwe gomme re lokišetšwe diiri tšeo re phelago ka go tšona.

¹⁴ Ka Pukung ya Mokgethwa Mateo. [Ngwanešu Branham o dira sehuba tloga mogolong wa gagwe—Mor.] Ntshwareleng. 24 temana . . . Goba, 24 tema, ke ra gore, go thoma ka ya 15 temana, ke duma go bala karolo ya Lentšu la Gagwe.

Gomme ge ka fao le tla bona makgapa a tšhwalalanyo, ao a boletšwego ke Daniel moporofeta, a ema ka lefelong le lekgethwa, (yo a balago, a a kwišiše:)

Ka gona ba ba lego ka Judea ba tšhabele ka dithabeng:

A nke yo a lego godimo ga sehlowa sa ngwako—sehlowa sa ngwako a seke a tla fase go tšea eng kapa eng go tšwa ntlong ya gagwe:

Le yo a lego ka tšhemong a se ke a boela morago go tšea diaparo tša gagwe.

Gomme ba madimabe ke bao ba nago le masea, le bao ba amušago ka matšatšing ao!

Eupša le rapele gore motšhabo wa lena o seke wa ba wa marega, le ge e ka ba ka letšatši la sabata:

Ka gore e tla ba nako ya tlaišego ye kgolo, ye e sego ya ke ya ba gona go tloga go thomeng ga lefase go fihla nako ye, ao, le bile e ka se tsoge ya ba gona.

Gomme ge nkabe matšatši ao a se a kgaotšwa, go be go ka se be nama ye e phologago: eupša kabaka la bakgethiwa matšatši ao a tla kgaotšwao

Ka gona ge monna yo mongwe a ka re go lena, Bonang, Kriste a šo, goba kua; le seke la dumela.

Ka gore go tlo tsoga Bokriste ba maaka, le baporofeta ba maaka, gomme ba tla laetša dika tše kgolo le mehlolo; go fihla mo e lego gore, ge go be go kgonega, ba tla fora le bona bakgethiwa.

Bonang, ke le boditše pele.

Ka fao ge ba ka re go lena, Bonang, o ka leganatheng, le seke la ya gona: bonang, o ka phapušing ya sephiri; le seke la e dumela.

Ka fao bjalo ka legadima le etšwa bohlabela, gomme le phadimela le ka bodikela; ka fao le mabowo a Morwa wa motho a tla ba bjalo.

Ka gore fao go lego setoto, ke fao dintšhu di kgobokanaga...

¹⁵ Bjale, tabeng ya thuto, ke nyaka go tšea ya 24 temana, go gatelela go temana ye e le ya thuto ya sekolo sa Lamorena mosong wo. Gomme theeletšang sekgauswi ge ke bala ye leboelela, gape.

Ka gore go tla tsoga Bokriste ba maaka, le baporofeta ba maaka, gomme ba tla laetša dika kgolo le mehlolo; go fihla mo e lego gore, ge go be go kgonega, ba tla fora le bona bakgethiwa.

¹⁶ Bjale ka thuto ya mosong wo, goba hlogotaba, ke ra gore, ke nyaka go tšea: *Bao Ba Tloditšwego Nakong Ya Bofelo*. Yeo ke thuto ye ke nyakago go bolela ka yona, goba hlogotaba: *Bao Ba Tloditšwego Nakong Ya Bofelo*.

¹⁷ Ke a dumela gore re phela nakong ya bofelo. Ke a nagana gore bontšhi yo mongwe le yo mongwe yo... Mmadi wa Mangwalo, goba le ge e le mo—mo modumedī, o a tseba gore bjale re mafelelong a histori ya lefase. Go ka se be le mohola go e ngwala, ka gore go ka se be le yo mongwe yo a tlogo go e bala. Ke mafelelo a nako. Gore neng, ga ke tsebe. Gore e tla ba botelele bjang, le Barongwe ba Legodimo ga ba tsebe motsotso woo le iri. Eupša re boditšwe ke Morena Jesu, gore, ge dilo tše re di bonago bjale di thoma go tla phethagalong, ka gona re emišetše dihlogo tša rena godimo ka gore topollo ya rena e batamela kgauswi. Bjale, seo “go batamela kgauswi” go se bolelago, ga ke se tsebe. Se ka no ra...

¹⁸ Bjalo ka ge borasaentshe ba boletše letšatši le lengwe, mo thelebišeneng, ba bolela ka go phatloga mo go golo ga dikete-tša -dimaele ka lefaseng tšeo di yago go nwelela. O be a botšišitšwe potšišo, “Le ka kgona go nwelela fao?” Ye ke Los Angeles, Lebopo la Bodikela. Ba bantšhi ba lena ba bone ka fao ba le latetšego ka rada, gomme la ya godimo go kgabola... la phatlogela ka gare ka fase ga San Jose, la ya go putla godimo go ya ka Alaska, ka ntle go kgabola Dihlakahlake tša Aleutian, e ka bago dimaele tše makgolo pedi ka ntle go ya

ka lewatleng, gomme ya tla morago tlase ka go San Diego, ya ya go dikologa ka gare morago ga Los Angeles, gomme ya tla godimo fao, potla ye kgolo.

Gomme ka moka ditšhišinyego tša lefase tše re bego re na le tšona ke bolokheno e itia lenga le legolo le botebotebong, go swana le, ka kua. Ga ke kgone go bitša leina leo ba—ba bego ba e bitša ka lona. Go le bjalo, ge yeo e šišinyega, yeo e fa ditšhišinyego tše tše re bilego le tšona lebaka la mengwaga ka Lebopong la Bodikela. Bjale le palegile tsela ka moka go dikologa. Gomme borasantshe ba rile, o tee . . .

19 Monna o rile go yo mongwe, “Leo le tla wela ka gare?”

A re, “E sego ‘le tla kgona,’ eupša le tla dira.”

A re, “Eupša e sego ka lelokong la rena, mohlomongwe?”

A re, “Mo metsotsong ye mehlano e latelago, goba mengwaga ye mehlano ye e latelago. Re no se tsebe gore neng.”

20 Beke ye, ke rometšwe dihlogo tša ditaba ka kuranteng, tša ye megolo ya dikete-tše-lekgolo tša ditolare mengwako e palega e phatloga, batho ba a tloga. Gomme ga ba tsebe gore ba ka e emiša bjang. Ga go tsela ya go e emiša. Bona, Modimo o kgona go dira se sengwe le se sengwe A se nyakago, gomme ga go motho a kgonago go Mmotša gore a se dire bjang.

21 Le aga magae, le kgona go dira dilo tša saentshe, gomme Modimo ke Mohlodi wa saentshe. O ya go Mo emiša bjang? A ka kgona go fediša lefase mosong wo ka matsetse ge A nyaka. A le a lemoga, A ka kgone go bolela matsetse gore a be gona, gomme a ka ba dimaele tše masomenne go subeletša ka nako ya seripa sa iri, bona, ga go na le . . . gomme a ja batho thwi go tloga mobung. Ke Yena Modimo. O no dira ka mo A ratago. O a buša, ka go Yenamong.

22 Bjale, go boneng kgoboketšo ye ya bohlatse ka moka, gore iri yeo bjale re phelago ka go yona, ke a nagana ke selo se se botse go ithwasiša dilo tše, gomme re di gogele ntle, ka ge Mahuto a butšwe, gomme re hwetša ntle therešo ya dilo tše, bjalo ka ge Modimo a bile wa potego go rena, ka mogau wa Gagwe, go re laetša dilo tše.

23 Ke rata lena le ele hloko fa ka go Mateo 24, Jesu o šomišitse lentšu “Bokriste,” B-o-k-r-i-s-t-e, “Bokriste.” E sego Kriste, eupša “Bokriste,” bontšhi, e sego botee. “Bokriste.” Ka fao, lentšu *Kriste* le ra gore, “Yo a tloiditšwego.” Gomme ka gona ge e le “motlotšwa,” go ka seke gwa ba o tee feela, eupša ba bantšhi, batlotšwa, “bao ba tloiditšwego.” Le a bona?

24 Go sego bjalo, ge A be a nyaka go le tswikaganyetša fase gore kudu goba gannyane re kgone go le kwišiša bokaone, O be a ka re, “Matšatšing a bofelo go tla tsoga ba maaka, bao ba tloiditšwego.” Bjale, seo se bonala gabotse se sa kgonege, bona, mantšu a “batlotšwa.” Eupša ela hloko wona mantšu a a latelago, “le baporofeta ba maaka,” b-a-p-o-r-o-f-e-t-a, bontšhi.

²⁵ Bjale, *yo a tloditšwego*, ke, “yo a nago le molaetša.” Gomme tsela e noši ye molaetša o ka kgonago go tlišwa ntle ke ka yo a *tloditšwego*, gomme yoo e tla ba moporofeta, motlotšwa. “Go tla tsoga ba maaka, baruti ba ba tloditšwego.” Moporofeta o ruta se molaetša wa gagwe o lego sona. Baruti ba ba tloditšwego, eupša ba tloditše batho ka thuto ya maaka. Bao ba tloditšwego, “Bokriste,” bontšhi; “baporofeta,” bontšhi. Gomme ge go na le selo se se bjalo ka—ka Kriste, botee, gona ba babe ba tla swanelwa ke go ba “bao ba tloditšwego,” gore seporofeto sa seo ba bego ba se ruta e tla ba phapano, ka baka la gore ke bao ba tloditšwego, batlotšwa.

²⁶ Bjale, ke thuto ya sekolo sa Lamorena, re nyaka go—go leka go tliša se go makgaolakang a nnete, ka Mangwalo, e sego ka seo yo mongwe gape a se bolelago ka yona, eupša go no bala Mangwalo.

Le ka no re, “Na se se ka ba bjang? Na bao ba tloditšwego . . .”

²⁷ E be e le bo mang? “Bokriste,” B-o-k-r-i-s-t-e, batlotšwa, “Bokriste, le baporofeta ba maaka.” Bao ba tloditšwego, eupša baporofeta ba maaka!

Jesu o boletše, gore, “Pula e nela godimo ga baloki le ba ba sego ba loka.”

²⁸ Bjale, yo mongwe a ka no re go nna, “A o dumela gore tlotšo yela godimo ga batho bale e ra gore ke tlotšo ya Moya wo Mokgethwa?” Eye, mohlomphegi, wa mmannete Moya wo Mokgethwa wa Modimo godimo ga motho, gomme le ge go le bjalo ke ba maaka.

Bjale theeletša sekgauswi gomme o bone seo A se boletšego. “Gomme ba tla laetša dika le matete, gore ge go be go kgonega e tla fora le bona Bakgethiwa.” Gomme ba tloditšwe ka wa mmakgonthe Moya wo Mokgethwa. Ke a tseba se se kwagala bošilo, eupša re ya go tšea nako re se hlatholla ka Lentšu, gore ke ka go felela GO RIALO MORENA, Therešo.

²⁹ Bjale a re phetleng ka Dibeibeleng tša rena, motsotso feela, go Mateo ya 5 tema, gomme re thome ka ya—ya 45 temana, gomme re bone bjale ge re bala dinako di se kae go Mangwalo a. Gomme ka gona, ka morago ga ge re fihla fa, ka baka la eng, re tla le . . . Ka fao le, ge re palelwa go a bala ka moka ga wona, gona o tšee Beibele; gomme—gomme gape o tla kgona go a bala ka morago ga ge re tloga mo gomme o eya gae, gomme—gomme o bala seo Beibele e se bolelago ka sona.

³⁰ Bjale go tšea nako ya rena, go hwetša ya—ya motheo ntlha, ka baka la gore ke dira setatamente mo seo se tlabago. Moya wo Mokgethwa o ka kgona bjang go tlotša moruti wa maaka? Eupša seo ke se Jesu a boletšego gore se tla direga.

Bjale, Mateo, ya 5 tema, ya 45 temana, a re baleng bjale. A re hwetšeng, thome ga—ga nnyane morago ga yona, ya 44.

Eupša Ke re go lena, Ratang manaba a lena, šegofatšang bao ba le rogago, dirang go loka go bao ba le hloyago, . . .rapelelang bao ba le šomišago ka go le nyefola, le go le tlaiša;

Gore le be bana ba Tataweno yo a lego legodimong: ka gore o dira letšatši la gagwe gore le hlabele ba babe le . . .ba go loka, gomme o romela pula godimo ga baloki le . . .ba ba sa lokago. (Pula etla godimo ga ba babe go swana le ba ba lokilego.)

³¹ Bjale go latelela se godimo, go ya go se sengwe seporofeto se se amanago le se, a re ka phetla bjale go Baheberu ya 6 tema, mabapi le ye e latelago e latelelago godimo ga ye temana, fao Paulo a tlišago morago kgopolong selo se se swanago le seo Jesu a se boletšego. Paulo, o a bolela bjale. Ge le sa e tsoma . . .Gomme lena ka ntle ka kgašong, beang Dibeibele tša lena kgauswi le lena le ntsekana ya pampiri, gomme lebelelang godimo se bjale. Baheberu, ya 6 tema, Paulo o ngwalela Baheberu, o ba laetša merithi le diswantšho, o ba tliša go tšwa ka fase ga Bojuda go ya ka Bokristeng, o ba laetša le ka fao ka moka dilo tša kgale di bego e le merithi ya dilo tšeo di bego di tlile go tla. Paulo o a bolela bjale, Baheberu 6.

Ka fao a re le seng tša thuto ya Kriste ya mathomo (K-r-i-s-t-e, botee), a re yeng pele go tša phethagalo; re se bee gape motheo wa tshokologo . . .medirong ye e hwilego, wa tumelo go Modimo.

Wa . . .thuto ya kolobetšo, le wa go bea diatla, le wa tsogo ya bahu, le wa kahlolo ya ka go sa felego.

Gomme fao re tla dira, ge Modimo a dumelela.

Ka gore ga go kgonege gore bao ba šetšego ba kile ba bonegelwa, gomme ba lekile neo ya legodimo, gomme ba ile ba dirwa batšeakarolo ba Moya wo Mokgethwa.

Ke nyaka go bitša kelohloko ya lena motsotso feela. A le kile la lemoga, seo ke “mpho”; e sego “dimphe,” batšeakarolo ba “dimphe tša legodimo”? Eupša, “mpho ya legodimo,” botee; “Krisite,” botee; “mpho,” botee.

. . .mpho ya legodimo, gomme . . .ba dirwa batšeakarolo ba Moya wo Mokgethwa.

Gomme ba lekile la . . .lentšu la Modimo, . . .(ba lekile eng?) . . .lentšu la Modimo, le maatla a lefase le le tlogo,

Ge ba ka wa, go ba mpshafatša ka bobona gape go ya tshokologong; ka go bona gore ba ipopoletše ka bobona Morwa wa Modimo ka boswa, gomme ba mmeile dihlongeng tša phatlalatša.

Gobane (theeletša) lefase...le le nwago pule ye e tlogo godimo ga lona gantšhi, la medišetša beng ba lona bao ba le hlokomelago merogo, le amogela tšhegofatšo go tšwa go Modimo:

Eupša leo le medišago meetlwa...ditshehlo le gannwe, gomme le rogakilwe; gomme pheletšo ya lona ke go tshungwa.

³² Bjale bapetša yeo le Mateo 5:24 gape. Ela hloko, Jesu o rile pula le letšatši di tla godimo ga lefase, yeo Modimo a e romelago go lokišetša batho ba lefase dijo le dilo. Gomme pula e romellwa dijo, dimela. Eupša mefoka, ngwang, di le ka tšhemong, di amogela selo se se swanago. Pula ye e swanago ye e dirago gore korong e gole ke pula ye e swanago ye e dirago gore ngwang o gole.

³³ Ka fao ke ilego ka ba le thuto ya mohuta wo nako ye nngwe, ge la mathomo ke kopana le batho ba Mapentecost! Gomme e be e le thuto ye kgolo go nna. Ke bone banna ba babedi, yo mongwe...Ke be ke se nke ka kwa go bolelwa ka maleme peleng. Yo motee o be a bolela ka maleme, yo mongwe a a hlatholla, ka mokgwe wo le wola. Gomme ba be ba bolela therešo, ba re, "Go na le ba bantšhi ka mo ba swanetše go sokologa bošegong bjo. Go na le basadi le banna, mmogo." Gomme batho ba be ba emelela gomme ba e ya aletareng.

Ka nagana, "A go tagafala!"

³⁴ Gomme ka gona ka mpho ye nnyane ya Moya wo Mokgethwa, ke ile ka bolela le banna bao, feela, le a tseba gore bjang, ka go hlola dikgopolo, feela tsela ye nnyane go hwetša. Gomme yo motee wa bona e be e le Mokriste wa mmakgonthe, gomme e be e le mohlanka wa Kriste ka nnete, gomme yo mongwe e be e le moikaketši. Gomme yo motee wa bona, yo mongwe yo e bego e le moikaketši, o be a dula le hlogo-swana ya mosadi, gomme a gerema go dikologa le hlogo khulwana le bile a na le bana le yena. Go lokile, e be e le thwi fao ka ponong; e sa kgone go ganwa. Gomme ke ile ka bolela le yena ka yona. O ile a ntebelela gomme a sepelela go rarela le moago.

³⁵ Bjale ke be ke gakanegile, ka nnete go lekanela. Ke be ke nagana gore ke be ke tlile ka go barongwa, ka gona ka makala ge e ba ke be ke se magareng ga bodiabolo. Na se se ka ba bjang? Ke ile ka se kgone go se kwišiša. Gomme lebaka la mengwaga ke ile ka boloka diatla tšaka go tšwa go sona, go fihla letšatši le lengwe fao... .

George Smith, mošimane yo a sepelago le morwedi waka, re ile maabane, godimo lefelo la tšhilo ya kgale fao ke yago go rapela.

Gomme ka morago ga go ba ka fao matšatši a se makae, Moya wo Mokgethwa wa tliša Lengwalo le morago go nna. "Ka

gore pula e tla godimo ga lefase go le apeša ka digwere, eupša meetlwa le ditshehlo di phela ka yona pula yeo e swanago, gomme tše mafelelong e lego go fišwa.” Di phela ka wo o swanago o fago-bophelo mothopo wa Modimo. Ka gona ka kwišiša seo. “Ka . . .” Jesu o rile, “Ka dienywa tša bona ba a tsebja.”

³⁶ Bjale, ka fao, pula ye e welago fase godimo ga dimela tša tlhago tša lefase, ke seswantšho sa pula ya Semoya ye e fago Bophelo bjo Bosafelego, e wela fase godimo ga Kereke, ka gore re e bitša pula ya pele le pula ya morago. Gomme ke pula, e tšhologela go tšwa go Moya wo Modimo, godimo ga Kereke ya Gagwe.

³⁷ Ela hloko, ke selo se se sa tsebalegego fa. Le a bona? Ge tšona dipeu di ile ka mobung, go le bjalo di ile tša ya fao, di be di le meetlwa sa mathomo. Eupša fao korong ye e ilego ka mobung, le digwere, e be e le digwere sa mathomo. Gomme se sengwe le se sengwe segwere se itšweletša ka bosona, godimo gape, se be se laetša gore se be se le ka setlogong sa mathomo.

³⁸ “Gomme ba tla fora le Bakgethiwa ge go be go kgonega,” ka baka la gore ba hwetša pula ye e swanago, tšhegofatšo ye e swanago, ba laetša dika tše di swanago, dimaka tše di swanago. Le a bona? “Ba tla fora, goba ba tla fora le Bakgethiwa ge go be go kgonega.” Bjale, mootlwa ga o kgone go thuša go beng mootlwa, gomme le korong ga e kgone go thuša go beng korong; ke seo Mohlodi wa se sengwe le se sengwe a se thomilego mathomong. Bao ke Bakgethiwa. Pula ye e swanago!

³⁹ Letšatši le hlababisa mosong gomme la atlalala go kbaganya lefase, bjalo ka ge le bile lefase le le letšatši le re le phelago. Gomme letšatši, letšatši le le swanago le le hlabago ka Bohlabela ke letšatši le le swanago le le phirimago ka Bodikela. Gomme letšatši leo le rometšwe go tla go buduša leroro godimo ga lefase, leo mebele ya rena e dirilwego go tšwa go lona.

⁴⁰ Re phela ka dilo tša go hwa. Yeo ke tsela e nnoši le ka kgonago go phela. Gomme ge se sengwe se swanetše go hwa letšatši le lengwe le le lengwe gore le phele, tlhagong, gona a ga se therešo gore ge le . . . Mmele wa gago o swanetše go phela ka dilo tša go hwa, tša bophelo bja tlhago, le swanetše go ba le Sesengwe se se hwago, semoyeng, go phološa bophelo bja lena bja semoya. Gomme Modimo, o bile materiale, nama, gomme a hwa gore rena re phele. Ga go na le kereke, ga go selo se sengwe gape lefaseng se ka kgonago go go phološa ge e se Modimo. Ke selo se nnoši seo ba phelago ka gona.

⁴¹ Bjale kitimiša Mangwalo. Jesu ke Lentšu. “Mathomong go be go le Lentšu. Gomme Lentšu a dirwa nama gomme a aga magareng ga rena. Mathomong go be go le Lentšu, gomme Lentšu o be a na le Modimo. Gomme Lentšu a dirwa nama, gomme A phela, a dula magareng ga rena.” “Gomme motho a ka seke a phela ka senkgwa feela,” mo nameng, “eupša

ka Lentšu le lengwe le le lengwe le le tšwago molomong wa Modimo.” Ka gona, le a bona, re phela ka Lentšu, gomme leo ke Modimo.

⁴² Bjale letšatši le tla go putlaganya gomme la buduša leroro. Bjale, leka se kgona go le boduša ka moka ka nako e tee. Bjale ge le tšwela pele, go goleng, le butšwa kgafetšakgafetša go fihla le etla go tsebe ya go tlala.

Ka fao go bjalo, lehono, ka Kerke. E thomile boseeng, morago ka nako ya leswiswi, fao e bego e le ka tlase ga lefase. E goletše bjale ka go bogolong. Bjale re kgona go e bona, ka phethagalo, ka fao Modimo ka tlhago ka mehla. . .

⁴³ O ka se kgone go šitiša tlhago. Seo ke se e lego taba lehono. Re fofiša dipomo, gomme ka ntle kua ka lewatleng lela, ba le pšhatla le go le go le thuntšha go dikologa ka dipomo tša athomo. Le no ba le phatlola bogolo bja tšhila yela go e tloša nako ka moka, gomme le e ušetša ka go lona. Le ripela mehlare fase; madimo a tla le tšea. Le dira letamo nokeng; le tla šwahla ka godimo.

Le swanetše go hwetša tsela ya Modimo ya go dira dilo gomme le dule ka go yona. Re dirile batho bokereki bja leina ka dikerekeng le mekgatlong; lebelelang seo re nago naso! Dulang ka tseleng ye Modimo a e beetšego yona.

⁴⁴ Eupša, le a bona, “O romela pula,” morago go thuto ya rena, “godimo ga baloki le ba ba sa lokago.” Jesu o a le botša mo bjale, ka go Mateo 24, e tla ba seka ka nako ya mafelelo.

Bjale, ge seka se swanetše feela go tsebja ka nako ya mafelelo, gona e swanetše go ba ka morago ga go bulwa ga Mahuto ao. Le a bona? Ke seka sa mafelelong. E tla ba, ge dilo tše di direga, e tla ka nako ya mafelelo. Gomme e tla ba seka, bjale, gore Bakgethiwa ba ka seke ba gakantšhwa ka dilong tše. Le a se bona? Ka gona, se swanetše go utollwa, e bewe pepeneneng.

⁴⁵ Ela hloko, mmogo korong le ngwang di phela ka Tlotšo ye e swanago go tšwa Legodimong. Ka moka ga tšona di thaba ka Yona.

Ke elelwa se, ke šupa morago go mohlala wo godimo kua letšatši lela kua Green’s Mill. Ke—ke bone pono yela e etla godimo. Gomme go be go na le lefase le legolo lela, gomme le be le robaditšwe lesoi gabotse. Gomme go ile gwa tšwela Mabjadi pele, la mathomo. Ke nyaka go bea seo pele ga lena. Bona seo se yago pele la mathomo, ka morago seo seo se se latetšego. Gomme ge Monna yo a apere bošweu a tlile pele go dikologa lefase, a bjala peu, ka gona ka morago ga Gagwe go tla monna, a apere diaparo tše ntsho, a lebelelega e le moradia kudu, a khukhuna go latela ka morago ga Gagwe, a bjala ngwang. Gomme ge se se tšea sebaka, nako yeo ka bona mmogo dibjalo tšeo di etla godimo. Gomme ge di etla godimo, se tee e be e le korong gomme se sengwe e le ngwang.

Gomme fao gwa tla komelelo, ya re ge, go lebelelega o ka re, bobedi bja tšona di be di inamišeditše dihlogo tša tšona fase di no llela pula. Nako yeo gwa tla leru le legolo godimo ga lefase, gomme ya na. Gomme korong ya emelela godimo gomme ya re, “Tumišang Morena! Tumišang Morena!” Gomme ngwang wa emelela godimo gomme wa goelesa, “Tumišang Morena! Tumišang Morena!” Dipolo tše di swanago. Bobedi bja tšona di ehwa, bobedi bja tšona di tloga fao. Gomme ka gona korong e tla godimo gomme e swarwa ke lenyora. Gomme ka baka la gore e be e le tšhemong ye e swanago, tšhengwaneng ye e swanago, lefelong le le swanago, ka fase ga mosela o tee, fao go tla korong godimo gomme fao go tla mefoka godimo ka sona selo se se swanago. Ela hloko, meetse a a swanago a tlotšo a tlišago pele korong, a tliša pele ngwang.

⁴⁶ Wo o swanago Moya wo Mokgethwa wo o tlotšago Kereke, wo o ba fago tumo ya go phološa disoulo, wo o ba fago maatla a go dira mehlolo, O wela godimo ga ba ba sa lokago go swana le baloki. Wona wo wo o swanago Moya! Bjale, o ka se kgone go o dira ka tsela ye nngwe gomme wa kwišiša Mateo 24:24. O rile, “Go tla tšoga Bokriste ba maaka,” ba maaka, bao ba tloiditšwego. Ba tloiditšwe ka Selo sa mmakgonthe, eupša ba ba baporofeta ba maaka ba Sona, baruti ba maaka ba Sona.

Ke eng se se ka dirago monna go nyaka go ba moruti wa maaka wa se sengwe seo e lego Therešo? Bjale re tla fihla fase go leswao la sebata mo metsotsong e se mekae, gomme le tla bona gore ke kereke ya leina. Le a bona? Baruti ba maaka; ba maaka, batlotšwa. Bokriste ba ba tloiditšwego, eupša baruti ba maaka. Ke tsela e nnoši o ka kgonago go e bona.

⁴⁷ Go no swana le mo nako ye e fetilego, ke ile ka tsopola se. Nka no se tsopola ka gore re kgokagantšwe godimo go putlaganya setšhaba. Letšatši le lengwe ke be ke bolela le mogwera wa ka, fao ye e tlogo ka gare mosong wo, ka Arizona. Gomme o be a na le ya—ya legoro la namone polasa. Gomme o be a na le mohlare fao woo e bego e le mohlare wa monamo wo o bego o emule dienywa tša morara, le diswiri, tangarine, tangelo. Gomme ke lebetše gore e be e le dienywa tše kae tša go fapana tše di bego di le godimo ga mohlare woo wo motee. Gomme ka re go—go—go monna, ka re, “A o bjang? Ke mohlare wa mohuta mang wo?”

A re, “Mohlare, ka bowona, ke mohlare wa monamone.”

Ka re, “Ke eng o na le dienywa tša morara godimo ga wona? Ka baka la eng o na le diswiri godimo ga wona?”

A re, “E hlomeletšwe ka go wona.”

Ka re, “Ke a bona. Go lokile, bjale,” ka re, “bjale, ngwaga wo o tlogo ge mohlare wola o etla pele ka puno ye nngwe ya dienywe,” tšeo ka moka di butšwago ka nako e tee, ka re,

“gona o tliša pele dinamone ka go felela. Ge e le mohlare wa namone ya mokhubu, o tla tliša pele dinamone tša mokhubu, a o ka seke, mohlomphegi?”

A re, “Aowa, mohlomphegi. Le lengwe le le lengwe lekala le le hlomeletšwego le tla tliša pele mohuta wa lona.”

Ka re, “A o ra gore moswiri mobeini o tla tliša pele swiri go tšwa mohlareng wola wa monamone?”

A re, “Eye, mohlomphegi.”

“A na morara wa dienywa o tla tliša kenywa ya morara go tšwa mohlareng wola wa monamone?”

A re, “Eye, mohlomphegi. Yeo ke tlhago ya lekala leo le hlomeletšwego ka go wona.”

Ka re, “Tumišo a e be go Modimo!”

A re, “A na o ra eng?”

Ka re, “E tee gape potšišo. Bjale, a mohlare wola wa monamone o tla tsoge o tlišitše dinamone pele gape?”

A re, “Ge o ka bea pele lekala le lengwe.” Ge o ka bea pele le lengwe gape lekala, e sego ge le lengwe le hlomeletšwe ka go wona. Eupša, ka moka ke dikenywa tša legoro la namone, gomme di phela ka bophelo bja bonamone bjoo bo lego ka mohlareng wa bonamone.

⁴⁸ Ka re, “O wena fao! Methodist e tla tliša pele Mamethodist, nako ye nngwe le ye nngwe. Baptist e tla tliša pele Mabaptist, nako ye nngwe le ye nngwe. Katoliki e tla tliša pele Makatoliki, nako ye nngwe le ye nngwe. Eupša Kereke ya Modimo yo a phelago e tla tšweleletša Kriste go tšwa modung, Lentšung nako ye nngwe le ye nngwe, ge e kile ya beela pele mobeine wo mongwe wa yona ka Boyona.”

⁴⁹ Bjale, o ka kgona go o hlomeletša ka fao, le a bona. Ye nngwe le ye nngwe kenywa ya morara, swiri, tangelo, tangarine, e ka ba di fe goba di fe dikenywa tša bonamone e ka bago tšona, ye nngwe le ye nngwe ya tšona e ka kgona go phela ka mohlareng woo; eupša e bea bohlatse bja maaka ka mohlare, e phela ka mohlare. Le a e bona? Di phela le bile di ipshina ka bophelo bja mmakgonthe bjoo bo lego ka mohlareng woo.

Bjale, go na le Mateo 24:24, di phela ka Bophelo bjo bo swanago, eupša di be di se tša loka, mathomong. Di bea bohlatse bja maaka ka Mohlare wo! Ke mohlare wa monamone, le ge go le bjalo ke mohlare wa bonamone. Gomme ba re, “Kereke ye, kereke ye ya leina e bea bohlatse bja Kriste,” gomme e na le kolobetšo ya maaka, bohlatse bja maaka bja Lentšu, e leka go bolela gore maatla a Modimo a be a le a baru tiwa feela.

Jesu, ka Boyena, o rile, “Eyang lena ka lefaseng ka moka gomme le rere Ebangedi go lekala le lengwe le le lengwe leo

le kilego. . . mohlare wo o kilego wa tliša pele, e ka ba lefe lekala le le tla bago ka mohlareng. Gomme dika tše di tla latela makala a mmakgonthe.” Kae? Ge feela e le Mohlare, ge feela O bea pele makala, go fihla bofelong bja lefase. “Ka Leina Laka ba tla lelekela bodiabolo ntle; ba bolela ka maleme a maswa; ba swara dinoga; ba nwa dilo tše di bolayago; ba bea diatla godimo ga balwetši gomme ba tla fola.” Le bona nako ye re phelago ka go yona? Le bona seo Jesu a se boletšego?

⁵⁰ Elelwang, se e be e le nakong ya mafalelo, e sego morago ka fase go Wesley le morago kua. Bjale, nakong ya mafelelo, se se be se swanetše go tšea sebaka.

Bjale bogela Mangwalo; a dumelele A pake. Jesu o rile, “Phetlang Mangwalo, ka gore ka go Wona le a nagane, goba le a dumela, gore le na le Bophelo bjo Bosafelego, gomme ke Wona a pakago ka Nna.” Ka mantšu a mangwe, ge mohlare wo o kile wa tliša pele lekala. . . “Ke Nna Morara, Mohlare; lena le makala. Yo a dumelago go Nna, mediro ye Ke e dirago o tla e dira le yena,” Mokgethwa Johanne 14:12.

⁵¹ Bjale, “Yo a a dulago ka go Nna, yo a . . . yena yo a bego a le ka modung Waka mathomong.”

Ke ka lebaka leo Jesu e bego e le mmogo Modu le Lehlogedi la Davida. O be a le gona pele ga Davida, ka go Davida, le ka morago ga Davida, mmogo Modu le Lehlogedi la Davida; Naledi ya Meso, Rosa ya Sarena, Lili ya Moeding, Alefa le Omeka; Tate, Morwa, le Moya wo Mokgethwa. “Ka go Yena go dula botlalo bja Bomodimo ka lebopo la mmele.” Mmogo Modu le Lehlogedi la Davida!

“Yo a lego ka Bophelo bjo bo kgethilwego, Bophelo bjo bo kgethetšwego pele, bo lego ka go Nna,” gomme ke Yena Lentšu, “go tloga mathomong; ge a etla pele, o tla enywa dienywa Tšaka.” Mokgethwa Johanne 14:12.

Eupša ba bangwe ba tla phela ka selo se se swanago, ba ipitša ka bobona Bakriste le badumedi. “Ga se bohle ba ba rego, ‘Morena, Morena,’ ba tloga go tsena ka gare.”

Bjale, se se swanetše go tšea sebaka le go bonagatšwa ka matšatšing a mafelelo, “ge diphiri tša Modimo di tla be di feditšwe,” bjalo ka ge re tla fihla go sona morago ga nnyane.

⁵² Mehlare ye, morara wa mmakgenthe le morara wa maaka! Le nkwele ke rera ka seo e sale, go tloga mengwaga ya go feta, ka fao e godilego mmogo. Ka e tliša ka go motho ka motho gomme ka laetša seo, go tloga ka Kaine le Abele, merara ye mebedi ye e kopanego aletareng; bobedi bja bona e le ba bodumedi, bobedi bja bona ba tloiditšwe, bobedi bja bona ba hlologetše bophelo, gomme ba direla Modimo yo a swanago. Gomme yo motee o ile a ganwa gomme yo mongwe a amogelwa.

Gomme tsela e nnoši yeo yo motee yo a mogetšwego a bego a ka kgona go dira eng kapa eng se se fapanego le ngwanabo,

se be se utolotšwe go yena. Ka gore Beibele e rile, “Ka tumelo...” Baheberu, ya 11 tema, “Ka tumelo Abele o neetše go Modimo sehlabele se sekaone kudu go phala sa Kaine, seo Modimo a mo hlatsetšego gore e bile moloki.”

Jesu, o rile, kutollo ya semoya ya Seo A bego a le sona! “Na motho ge a bolela Nna Morwa motho o re ke mang?”

A re, Petro a re, “Wena o Kriste, Morwa wa Modimo yo a phelago.”

“O wa lehlogonolo wena, Simon—Simon, morwa Jona; nama le madi ga se tša go utollela se. Tate Waka yo a lego Legodimo o o utollotše sona. Godimo ga leswika le Ke tla aga Kereke Yaka,” (eng?) kutollo ya nnete ya Lentšu. Go na le Morara wa nnete gape. “Abele, ka tumelo!”

Le rile, “E be e se kutollo.”

⁵³ Na tumelo ke eng? Tumelo ke se sengwe seo se utolotšwego go wena; seo se sego sa be sa ba gona, eupša o a dumela gore se tla ba gona. Tumelo ke kutollo ya thato ya Modimo. Ka fao, ka kutollo!

⁵⁴ Gomme dikereke lehono ga di dumele le ge e ka ba go kutollo ya semoya. Ba dumela go go ruta thuto ya tshepedišo ye nngwe. “Ka kutollo Abele o neetše go Modimo sehlabele se se kaone kudu go feta sa Kaine, seo Modimo a se hlatsetšego a re e be e le toko.” Amene. Ke a holofela le bona seo. Le bona fao re phelago? Na le bona iri?

Ke be ke bolela le—le monnamohlomphegi e sego botelele go fetile, moithuti wa Bokriste le monnamohlomphegi. O ile a re, “Mna. Branham, re gana dikutollo ka moka.”

⁵⁵ Ka re, “Gona le swanetše go gana Jesu Kriste, ka gore ke Yena kutollo ya Modimo, Modimo o utollotšwe ka nameng ya motho.” Ntle le ge o ka e bona, o lahlegile.

Jesu o rile, “Ka ntle le go dumela gore ke Nna Yena, le tla hwela sebeng tša lena.” Ke Yena kutollo ya Modimo, Moya wa Modimo o utolotšwe ka sebopego sa motho. Ga le kgone go dumela seo, le lahlegile. Le Mmea motho wa boraro, motho wa bobedi, goba motho yo mongwe le yo mongwe ntle le Modimo, le la hlegile. “Ka ntle le go dumela gore ke Nna Yena, le tla hwela dibeng tša lena.” Kutollo!

⁵⁶ Ga go makatše ga se ba ke ba kgona go Mmona. “Ga go motho yo a ka kgonago go tla go Nna ntle le ge Tate Waka a mo gogile. Gomme ka moka ba Tate a Nneetšego bona,” ka medung, “ba tla tla go Nna.” Le a bona? Le a e hwetša? Oo, ka fao re swanetšego go Mo rata ka gona, go Mo hlankela, go Mo tumiša; go bona dienywa tša Moya ka matšatšing a mafelelo, le Mohlare Monyalwa o butšwa ka ntlhoraneng ya nako!

⁵⁷ Morara wa nnete le morara wa maaka, bobedi e bile le tlotšo ye e swanago. Meetse a wetše godimo ga yona ka mebedi. Ga go makatše ge A re sebotša, “E tla fora le bona Bakgethiwa ge go be go kgonega.”

⁵⁸ Ela hloko, e lebelelega go swana. E tloiditšwe go swana. Eupša ela hloko, “Ka dienywa . . .” A o o tseba bjang?

A o tseba bjang gore ga se namone? Ka baka la gore o enywa dienywa tša morara. Morara o gabotse, o phela ka mohlareng, eupša o enywa dienywa tša morara. Ga o swane le wa mathomo.

Gomme ge kereke e re ba “dumela Jesu Kriste wa go swana maabane, lehono, le ka gosafelego,” gomme ba gana Maatla a Gagwe, ba gana mediro ya Gagwe, ba gana Lentšu la Gagwe; ge—ge. . . Kereke ye e dumelago ka go Jesu Kriste, e tla dira mediro ya Jesu Kriste, e tla ba le Bophelo bja Jesu Kriste. Gomme ge e se yona, ga go kgathalege le ge Bophelo bo tšhologela ka go yona; ge e se ya kgethelwapele, go tšwa modung, e tla enywa kenywa ya morara nako le nako, goba se sengwe se se fapanego. Eupša ge e le Bophelo bjo bo kgethetšwego pele, ka medung, e tla enywa Jesu Kriste yo a swanago maabane, lehono, le ka gosafelego, ge e le Lentšu le etla godimo ka Modu. Yoo, Yena e lego Modu, mathomo a nako.

⁵⁹ Ela hloko, eupša ke se ba se tšweletšago seo se le botšago phapano. “Ka dienywa tša bona,” Jesu o rile, “le tla ba tseba.” “Motho ga a kgoboketše diterebe go tšwa mookeng,” le ge mooka o ka ba thwi ka go morara. Seo se ka kgonega, eupša dienywa di a o bolela.

Na dienywa ke eng? Lentšu, go ba kenywa ya sehla. Seo ke se le lego sona, thuto ya bona. Thuto ya eng? Thuto ya sehla, ya gore ke nako mang. Thuto ya monna, thuto ya kereke ya leina, eupša, goba Lentšu la Modimo la sehla?

Bjale, nako e tšhaba ka pela, gore re ka bea godimo ga seo nako e telele. Eupša ke na le nnete gore lena mo le lego gona, gomme ke na le nnete lena go kgabola setšhaba, le kgona go bona se ke lekago go le botša sona, ka gore ga re na le botelele kudu go dula godimo ga sona.

⁶⁰ Eupša le ka kgona go bona gore Tlotšo e fihlelela godimo ga ba ba sego ba loka, baruti ba maaka, gomme se ba dira go dira tlwa se Modimo a ba boditšego gore ba seke se ba dira; eupša ba a se dira, go le bjalo. Ka baka la eng? Ga ba kgone go se thuša. Mooka o ka kgona bjang go ba se sengwe gape eupša mooka? Ga go kgathalege gore pula ye botse e faditšwe bjang godimo ga wona, o swanetše go ba mooka. Ke ka lebaka leo Jesu a itšego, “E tla ba kgauswi kudu etla fora le bona Bakgethiwa,” e lego ka medung, “ge go be go kgonega,” eupša ga go kgonege. Korong e ka se kgone go dira selo eupša go enywa korong; ke selo ka moka e kgonago go se enywa.

⁶¹ Elang hloko. Elelwang, Modimo ga se mothomi wa mokgatlo. Diabolo ke mothomi wa mokgatlo. Ke netefaditše seo ka Lentšu, morago le pele, gomme gape le gape; nka seke ka ya ka go seo mosong woo. Re a tseba gore Modimo ga se a ke a kgoboketša batho mmogo ka mokgwa woo, a dira mokgatlo. Makgolo a mengwaga ka morago ga lehu la morutiwa wa mafelelo, pele ga ge ba e ba le mokgatlo wa mathomo. Ka mehla e iponagaditše go palelwa. Ge go se bjalo, ke ka baka la eng mmogo re se ka lerato lehono, Methodist, Baptist, Presbyterian, Makatoliki le bohle? Ka baka la eng mešomo ya Modimo e sa re latele, ka gona, kereke ye nngwe le ye nngwe godimo ga selo se se swanago, Lentšu? Dilo tšeo tše di aroganyago monna, boena. . . Re kgolekgole go tloga go Modimo go feta fao re kilego ra ba, dikereke, re boelago ka tšona.

⁶² Bjale, re a botšwa, gore, “Ka moka dilo tša kgale di diregile go ba mohlala, go re ruta, go re kgala, go re sola.” Gore, ka moka dilo tša kgale tša Tastamente ya Kgale di diregile, e bile merithi, go bona seo se bego se tlile go ba gona ka Tastamenteng ye Mpsaha, ka letšatšing la rena.

Go no swana le ge o se wa ke wa bona seatla sa gago, gomme wa lebelela godimo gomme o bone morithi godimo ga lebotu, bjalo ka ge seatla saka se ka ba ka gona go tšwa seetšeng, ge se na le menwana ye mehlano ka morithing, ge moriti; gomme o sepedišetša diatla tša gago go ya, e lego sa nnete, go ya go—go ya go moriti, se swanetše go tla go menwana ye mehlano.

Bjalo ka ge Beibele e re botša, gore, “Tastamente e Taala e lego morithi, seswantšho sa dilo tše mpsaha, goba dilo tšeo di bego di sa tla go tla; e sego tšona dilo tše di lego gona, eupša ke morithi, seswantšho sa dilo tšeo di sa tlilego go tla.”

⁶³ A re yeng morago gomme re bone ge e ba selo se se kile sa ba gona ka lebakeng le lengwe. A le a rata? [Phuthego e re, “Amene.”—Mor.] Ka fao re tla tseba, go netefatša se, morago le pele, ka Lentšu; e sego ka kgopolo ya monna yo mongwe, polelo kgopolo ye nngwe.

Ga ke kgathale gore ke mang; monna mang kapa mang, nna goba yo mongwe gape, “Ge a bolela e sego go ya ka molao le baporofeta, ga go na le Seetša ka go yena.” Le a bona? Seo ke se Beibele e se boletšego. “A lentšu la monna yo mongwe le yo mongwe e be maaka, gomme Laka e be therešo,” go sa kgathalege gore ke yena mang.

⁶⁴ Bjale a re yeng morago gomme re hwetšeng ge e ba se se kile sa direga, go re laetša mohlala.

Re ka kgona go ya morago ka kua ka Pukung ya Exodo gomme re bolele ka sebakadi se se bitšwago Moshe, yo e bego le moporofeta yo a tloiditšwego a romilwe ke Modimo, ka Lentšu la Modimo le thato ya Modimo go moloko wa gagwe.

Bjalo ka ge Lentšu la Modimo ka mehla le kitima ka go se kgaotše, O rile, “Yena ga a dire selo go fihla ge A se utolla go baporofeta ba Gagwe pele.” Ka gona O se dirile. Uh-huh.

Bjale, A ka se kgone go aketša. A ka se kgone go aketša gomme a ba Modimo. Aowa, mohlomphegi. O swanetše go dula a le therešong. Gago na le maaka ka go Yena. O . . .

Gomme A ka se kgone go Le fetola. Ge A ka dira, gona ga se Yena Modimo; O dirile phošo. O swanetše gore a be wa ka go sa felego. Gomme go sa felego go ka se kgone go dira phošo. Le a bona? Ka fao seo Modimo a ka se bolego, ke sa therešo ka Gosafelego. Le a bona? Gomme O tshephišitse seo. Ka fao, hlokomela, ga go mo gongwe ka Beibeleng ntle le ge se ka latela go se kgaotše go ya go yona.

⁶⁵ Bjale, Modimo o ile a tshephiša Abraham gore peu ya gagwe e tla ba basetsebje ka—ka nageng ya go se tsebje lebaka la makgolo a mane a mengwaga, ka gona O be a tla mo lokolla ka seatla se segolo sa maatla a magologolo, a laetša tša Gagwe dika le matete magareng ga batho bao ba dulago le bona. Nako ya tshephišo e ile ya batamela kgauswi. Batho ba be ba lebetše ka yona. Ba be ba na le Bafarasei le Basadutsei, le go ya pele, dikereke tša maina. Eupša, ka moka ka pela, gwa tla Modimo mmogo gomme a goga go tšwela, ntle, go tloga go tšwa go yo mongwe le yo mongwe wa bona.

Modimo a ka se tsoge, le ka letšatši le lengwe goba ka nako ye nngwe, a bitša moporofeta go tšwa kerekeng ya leina. Aowa, mohlomphegi. O tshophagantšwe, a ka se kgone go e dira; o swanetše go no dula le kereke yeo ya leina.

⁶⁶ Moshe, monna yo a rometšwego go tšwa go Modimo, ka Lentšu la Modimo, gomme a le leetong la gagwe a tšea Israele go tsena ka lefaseng la tshephišo, ntle le go šišinyega ka taelo ya Modimo, o ile a kopana le moporofeta yo mongwe, yo mongwe motlotšwa yo motee yo a bego a na le tlotšo ya nnete ya wo o swanago Moya wo Mokgethwa wo o bego o le godimo ga Moshe. Seo ke therešo. O be a le moporofeta. Moya wo Mokgethwa o be o le godimo ga monna yo. Leina la gagwe e be e le Biliama. Ka moka ga rena re tlwaetše monna yo. Go lokile, tšona dilo tše, tša go swana, dilo—dilo tšeo monna a di boletšego, di sa tšea sebaka, e ka ba makgolo a masomepedi seswai a mangwaga a go feta. “O bjalo ka phoofolo sephiri, O Israele. Yo a šegofatšago wena o tla šegofatšwa. Yo a rogakago wena o tla rogakwa. A gago maatla, le bokokoto, ditente tša gago ga se ka go loka, O Jakobo!” Bona, ga se a ke a kgona go ithuša ka boyena. O tlile kua a rerile ka pelong ya gagwe go rogaka batho.

⁶⁷ Oo, lena baruti ba maaka le theeeditšego ditheipi mengwaga ye ka moka, gomme le bona Modimo a phethagatša tlwa seo A se boletšego, gomme le dutše ka go ithuteng ga lena gomme le a tseba gore ke Therešo; gomme ka baka la

diphapano tša dikereke tša lena tša maina, le a di ganetša gomme le botša batho ba lena gore ga di bjalo. Madimabe go lena! Nako ya lena e kgauswi ka seatleng.

⁶⁸ Biliama, a tloditšwe ka Moya wo o swanago wo o bego o le godimo ga Moshe. Na phapano e be e le eng? Thuto ya Moshe e be e phethagetše. Beibele e bolela mo ka go wa Bobedi Petro, gore e be e le “thuto ya Biliama” yeo Israele e e amogetšego, yeo Modimo a sego a ke a e le balela. Sebe sa go se le balelwe! Ga go le o tee wa bona a ilego a phološwa, le ge ba tšwetše ka ntle ka fase ga ditšhegofatšo tša Modimo, gomme ba bone seatla sa Modimo se sepela ka moporofeta yo wa kokoto, gomme ba se bona se hlatsetšwa ke Modimo. Gomme, ka baka la gore, moporofeta yo mongwe o tlile ka gore le thuto, ye e lego kgahlanong, gomme e kgakgana le Moshe, gomme a leka go netefaletša batho gore Moshe o be a le phošong. Gomme Dathane, Kora, le ba bantšhi ba bona, ba dumelelana le yena gomme ba ruta bana ba Israele go dira bootswa, go ya ka morago ga mokgatlo wa gagwe, gore, “Rena ka moka re a swana.”

“Goba re Mamethodist, Baptist, Presbyterian, goba Pentecostal, le eng go fetiša, rena ka moka re a swana.”

⁶⁹ Ga re swane! Le batho bao ba arogantšwego, ba bakgethwa mo Moreneng, ba ba ikgafetšego go Lentšu le go Moya wa Modimo, go bea kenya ya tshephišo ya Gagwe ya letšatši le. Gomme ga se lena ba bona! Ke a tseba seo se maatla kudu, eupša seo ke Therešo go no swana. Le ikgafetše go tirelo mo matšatšing a mafelelo! “Etlang le tšwe magareng ga yona.”

⁷⁰ Bjale, “thuto ya Biliama,” e sego seporofeto sa Biliama. Seo ka moka se gabotse. Yoo e be e le Modimo. Ke ba bakae ba ba dumelago seo? [Phuthego e re, “Amene.”—Mor.] Seporofeto sa Biliama se be se le nnete tlwa, ka baka la gore o be a sa kgone go bolela selo gape. Tlotšo ya Modimo ga se nke e bolela selo gape, gomme Modimo o ile a se bonagatša ka go hlatsetša gore e be ele Therešo. Eupša e be e le “thuto ya Biliama.”

⁷¹ Bjale bapetša seo le Mateo 24:24. Bao ba tloditšwego, eupša thuto ya bona ke maaka. Ba thuto ya boraro, le dilo ka moka go swana le seo; phošo, molwalekriste!

Ke a holofela dikwi tša lena ga di gobale. Gomme le seke la retolla tšeo, la tima difoune. Gomme le seke la emelela gomme la tšwela ntle. Enong go dula le re tu, gomme a re boneng ge Moya wo Mokgethwa o ka se se utolle go rena, gomme wa re netefaletša sona. Le re, “Eupša seo. . .” Feela eng goba eng se o se dumelago, e nong go dula tu gomme le theeletše. Gomme kgopelang Modimo gore a bule pelo tša lena, ka gona le tla hwetša ge e ba ke lena preiri goba mooka, goba kae kapa kae moo o emego. Le a bona?

72 Bjale, le Judas, “yo a bego a beetšwepele go lahlwa o be,” a dutše fao pele ga Jesu. Gomme Jesu o ile a mmotša, “Ke wena yena. Eng kapa eng o yago go e dira, gomme eng kapa eng o swanetšego go se dira, sepela o se dire ka pela.” Yena a tseba seo a bego a swanetše go se dira, eupša, tšona diripana tše masometharo tša silibere, le botsebalegi, a rekiša Morena Jesu Kriste. Yo mongwe wa barutiwa ba Gagwe, ramatlotlo wa kereke, Jesu o be a mmitša “mogwera” wa Gagwe. Le a bona? Beibele e rile, “O belegwe e le morwa wa tahlego,” go no swana le ge Jesu a belegwe e le Morwa wa Modimo. “Go fora le bona Bakgethiwa ge go be go kgonega.”

73 Hlokomole ka sekgauswi ge re ithuta go ya pele. Re tla tšea mohlala wo mongwe, ka kua ka go Puku ya Dikgoši. Go be go na le—le moporofeta, gomme leina la gagwe e be e le Mika. E be e le morwa wa Imla, gomme e be e le moporofeta. O be a le.

Gomme go be go na le moporofeta wo mongwe, hlogo ya mokgatlo wa baporofeta, bao ba tloiditšwego. Beibele e boletše gore e be e le “baporofeta,” go no swana le ge A rile Biliama e be e le moporofeta, bao ba tloiditšwego.

Gomme go be go na le yo motee wa bona ka leina la Mika, yo a bego a tloiditšwe ke Modimo gomme a romilwe ke Modimo, ka Lentšu la Modimo.

Go be go le yo mongwe, Zedekia, yo a bego a nagana gore o be a romilwe ke Modimo. O be a tloiditšwe ke Modimo, eupša thuto ya gagwe e be e thulana le Lentšu la Modimo. “Go tsoga, Bokriste ba maaka ba laetša dika tše kgolo, ba be ba ka fora le Bakgethiwa ge go kgonega.”

74 Ela hloko, bobedi bja bona, bobedi bja bona ba tloiditšwe. Bjale, o be o ka kgona bjang go bolela gore ke o fe a bego a rereša, le wa phošo? Hlokomela se Lentšu le se tshephišitšego Ahaba. Moporofeta wo a bego a le pele ga gagwe, yo e bego e le Eliya, yo mongwe wa baporofeta ba bagologolo ba lebaka, yo e bego e le moporofeta yo a bonagaditšwego. Moporofeta yo a bonagaditšwego o boletše, gore, “Ka baka la gore Ahaba o dirile bobe bjo, dimpša di be di tla latswa madi a gagwe; ge a tšere bophelo bja Naboth. Gomme gore dimpša di be di tla ja Jezebel, gomme le... mmele wa gagwe o be o tla pealala godimo ga mašemo.” Bjale, o ka kgona bjang go šegofatše se Modimo a se rogakilego? Goba o ka kgona bjang go rogaka, bjalo ka ge Biliama a rile, seo Modimo a se šegofaditšego? Le a bona?

Eupša baporofeta ba ba be ba hlokofetše. Go be go se na le go kamaka gore e be e le banna ba go loka, banna ba go hlomphega. Ka gore, go ba moporofeta ka go Israele, o swanetše go ba mohlomphegi, goba go no ba MoIsraele. O be o kgatlwa ka maswika, ge go se bjalo. E be e le banna ba go hlomphega. E be e le banna ba bakaone. E be e le banna

ba go rutega. E be e le bahlaolwa ba Ahaba, ba setšhaba. (O bona seo, Kgaetšedi Wright?) Bahlaolwa ba setšhaba, ba lekaneditšwe gabotsa ka par- . . .

⁷⁵ Gomme bjale, ge Mika a bona pono, o be a tsebela ka pelong ya gagwe seo Lentšu le se boletšego, eupša o be a nyaka go bona Moya woo o bego o le ka go yena o tla se bolelago.

Ka fao ba ile ba mmotša, ba re, “O bolele selo se se swanago se baporofeta ba bangwe ba se bolelago. Gomme ge o dira, ka baka la eng, o tla ba, re tla go tšeela ka kopanelong, ntle le go kamaka, gape. Le a bona? Re tla go dira yo mongwe wa rena. Re tla go tšeela morago ka go kereke ya rena ya leina. O tla. . . Re a tseba o moporofeta, eupša ka mehla o bolela dilo tša go rogaka. Ka mehla o rogaka Ahaba. Bjale, Zedekia, monna wa molaodi, mopapa, goba. . .” eng goba eng a bego a le sona. “Bjale o ile a šegofatša Ahaba, gomme a re, ‘Sepela o e dire.’ Bjale o belela selo se se swanago, Imla. Ka baka la eng, o no ba mothaka wa go diila. Ga o na le phuthego, gabotse, ka moka. Gomme mathaka a a na le dimilione. Setšhaba sohle ke sa bona. Bjale o bolele go swana lege ba dire, bona se o tlogo go se dira, o tla—o tla ja mahumo a naga.” O bolela le monna wa go fošagala fao!

⁷⁶ Go be go ka ba bjang a bego a ka re, “A o kgona go hwetša phošo ye e itšego ka go Zedekia, Mika?” “Aowa.” “A o kile wa mo swara ka sebeng?” “Aowa.” “A o kile wa mo kwa a roga yo mongwe?” “Aowa.” “A o kile wa mo swara a tagilwe?” “Aowa.” “A o ka ganatše thuto ya gagwe?” “Aowa.” “A o dumela gore grada ya gagwe ya bongaka ke ya maaka?” “Aowa.” “A o dumela ya gagwe—ya gagwe Ph.D. ke ya maleba?”

“Nnete. Ka lekgotla la Sanhendrin; ke a thanka ke lekgotla ka moka, ke a thanka ke la maleba.”

“Go lokile, gona, ka baka la eng o sa tšoenane le bona?”

“Ka baka la gore o tšwele Lentšung!”

⁷⁷ Go lokile, re tla ba le makgaolakgang a yona, gona, go swana le Eliya moporofeta pele ga fao. Gomme ge o le ngwana wa Modimo, o tla dula le moporofeta wa Beibele ye. Ke Lentšu. Ela hloko iri, sehla.

⁷⁸ Go lokile, go be go ka reng ge Zedekia a ka re, “Oo, ke a tseba moporofeta o boletše seo, eupša ke sa moloko wa ka moso. Seo ke sa nako e telele go tloga bjale?”

A re, “Ema go fihla ke bona pono go tšwa go Modimo, gomme ke tla go botša.”

A re, “Gona o bolela selo se se swanago?”

A re, “Ke tla bolela feela se Modimo a se bofelago; e sego se sengwe gape, e sego e sengwe go fetiša. Nka se kgone go oketša lentšu le tee go Lona, goba go tloša Lentšu le tee go Lona.”

Ka fao bošego bjoo, thapelong, Morena o tlike go yena ponong. O ile a ya ntle mosong wo o latelago, a re . . .

Go na le baporofeta ba babedi!

⁷⁹ Monna yo mogologolo ka setšhabeng, ka sesoleng le ka mahlong a setšhaba, e be e le Zedekia. O be e le hlogo ya baporofeta, ka kgoši. O be a le hlogo ya bohle baporofeta, ka mokgatlo. O be a dirilwe, ke mokgatlo wa gagwe, hlogo ya bona bohle; gobotse mmadi yo mokaone, serutegi se sekaone, a na le maswanedi a mošomo go fetiša. Gomme o be a tloiditšwe ka Moya wo Mokgethwa, ka baka la gore o bitšwa “moporofeta.” Nnete, e sego feela moporofeta wa mehleng, o be a le moporofeta wa Moheberu. Bjale mo hlokomele.

⁸⁰ Zedekia o ile a re, “Morena o boletše le nna, ‘Ntirele dinaka tše pedi tše tša tshipi,’ seka.” Moporofeta ka mehla o fa dika. “O rile, ‘Dira dinaka tše tša tshipi.’ Moya wo Mokgethwa o rile go nna, ‘Tšea tše,’ Tlotšo ye e ntšhegofatšago.” Le seke la e nagana bjalo ka sehlabelo, eupša go tsen a ntlheng. “Moya wo Mokgethwa wo o bofelago ka maleme ka nna, Yena yo a mponagaditšego, O rile, ‘Tšea dinaka tše, gomme, ka se, botša kgoši gore o tla šušula Basiria go ba kgokološetša ka ntle ga naga. Gomme Ke tla mo neela morago naga yeo ka maleba e lego ya Israele, kereke.”

Ngwanešu, seo gabotse ke motheo, go no nyaka go swana le ka fao Biliama a bego a le godimo mo. Biliama o be go bolela ka semotheo a no ba bjalo ka ge Moshe a be a le bjalo. Moshe . . . Nomoro ya maleba ya Modimo ke šupa. Gomme Biliama o ile a re, “Nkageleng dialetare tše šupa; dihlabelo tša go hlweka tše šupa, dipholo, le dikgapana tše šupa.” Seo se bolela ka go tla go Morwa wa Modimo. Semotheong, o be a nno nepa go no swana le wo mongwe le wo mongwe wa bona.

⁸¹ Gomme Zedekia šo, semotheong o no ba therešong, “Ka gore naga ye ke ya rena. Ka baka la eng, bona Basiria le Bafilisita ka kua ba tlatša dimpa tša bona, le tša bana ba bona le go ya pele, manaba a rena, ka dijo tseo bana ba rena ba dirago ntle le tšona! Mola, Modimo a re file naga ye!”

Ngwanešu, yeo ke kgang ye botse. Ke a thank a kgonne go goelesa seo pele ga Israele, gomme ba kgonne go goelesa kudu ka mokgwa wo ba bego ba ka kgona. Bjale, ke bolela ka lehono bjale. Ke a holofela le a ntatela. Ka moka kgoeletšo, go goeletša!

⁸² Le elelwa Davida Lamorena la go feta? Le a bona? Lena kua ntle ka lefaseng la seyalemoya, goba lefase la kgokagano ya mogala; ga se la ke le hwetša Molaetša wa Lamorena, e

bang le nnete ya go o hwetša. *Go Leka Go Direla Modimo Tirelo Ntle Le Go Beelwa Go E Dira*, ga go kgathalege gore o hlokofetše bjang, o yo mobotse bjang, ga e amogelwe le gatee ke Modimo. Le a bona?

Bjale, Zedekia o be a le fao, a nagana gore o a rereša.

⁸³ Mika a re, “A nke ke botšiše Modimo.” Ka fao a tla tlase mosong wo o latelago le GO RIALO MORENA. O ile a kgonthiša pono ya gagwe le Lentšu.

⁸⁴ Bjale ge nka be a ile a re go Zedekia, “A o a tseba se moporofeta wa Beibele mo a boletšego gore se ya go diregela mothaka yo?”

⁸⁵ “Eupša e sego ka nako ye, ka baka la gore monna yo ke monna wa go hlomphego. O a leka.” Le seke la feila go hwetša se. “O leka go neela morago go kereke dilo tšeo e lego tša kereke. O leka go e neela phahlo ya yona morago,” e sego dilo tša Semoya; ge e ka dira, nka be a ile a šišinya setšhaba sohle go swana le ge Eliya a dirile. Eupša, go leka go ba fa dilo tša go swarwa, “Re na le phahlo. Ke rena mokgatlo wo mogolo. Ke rena ba wona. Rena ka moka, ka moka lena batho, lena Maporotesanta, ka moka le swanetše le tšoenane le rena.” Uh-huh.

Re tla go seo ga nnyane. “Ka moka ke banešu le dikgaetšedi, go le bjalo.” Ga se yona! Ga se ya ke ya ba le bile e ka se tsoge e bile, ka ya kgonthe ya nnete Kereke ya Modimo. E ka se kgone go ba!

⁸⁶ Ela hloko, o ile a bona pono. Gomme ka fao a re, “Modimo o boletše le nna.” Bjale, lebelelang, monna o be a hlokofetše. O ile a re, “O rile, ‘Dira dinaka tše, gomme o ye godimo kua pele ga kgoši gomme o kgoromeletše go ya bodikela,’” goba efe kapa efe tsela fao naga e letšego go tloga fao ba bego ba eme. “‘Kgorometša, gomme e tla ba GO RIALO MORENA, gore o ya go thopa phenyo gomme a tle morago, phenyo ya kereke.’ Go ya go ba gapela ka ntle!” Seo gabotse se kgauswi, a ga se bjalo? Na molato e be e le eng?

Mo go tla Mika go theoga. Ba re, “Bjale e fa seporofeto sa gago.”

⁸⁷ A re, “Eyang pele godimo! Eupša ke bona Israele e le bjalo ka dinku, di šwalalane, di se na le modiši.” Wee! Tlwa go fapana.

⁸⁸ Bjale, ke lena phuthago. Bjale ke mang yo a rerešago? Bobedi bja bona, ke baporofeta. Tsela e nnoši o ka kgonago go bolela phapano ka go bona, ke, e hlahlofe ka Lentšu.

A re, “A se o se hwetša bjang?”

A re, “Ke bone Modimo a dutše godimo ga Terone.” A re, “Ke bone khantshele ka moka go Mo dikologa.”

⁸⁹ Bjale elelwang, Zedekia o nno re o bone Modimo, le yena, gomme Moywa wo o swanago. “Ke bone Modimo. O mpoditše

gore ke dire dinaka tše ka—ka tshipi. Eya ntle kua gomme o kgoromeletše ditšhaba ka ntle ga mo, ka gore ye ke ya rena. Ba bangwe ga ba na le tokelo ka gare ga yona.” Ba be ba tla ba ge nka be ba ile ba dula gabotse le Modimo. Ba be ba swanetše go ba le yeo, eupša ba ile ba tloga go Modimo.

Ke ka tsela yeo mokgatlo o lego, kereke. E na le tokelo go dilo tše, eupša o foretšwe ka ntle ga yona, ka baka la gore o tlogile go tšwa go Lentšu la Modimo le Moya wa Modimo, tlotšo, go hlatsela Lentšu la sehla. Le seke la be la faile go hwetša Molaetša wo.

⁹⁰ Elang hloko seo se tšeago sebaka bjale. O rile, “Ke bone Modimo,” Mika o dirile, “a dutše godimo ga Terone Legodimong. Khantshele ya Gagwe e kgobokane go Mo dikologa. O rile, ‘Ke mang yo a ka kgonago go ya tlase gomme a ya go fora Ahaba, go dira Mantšu a Eliya a be therešo; moporofeta Waka yo a bonagaditšwego. Ke boletše gore o tla tla. Gomme Eliya o be a na le Lentšu Laka. Gomme magodimo le lefase di tla feta, eupša Lentšu Laka le ka seke la feila. Ga ke tshwenyege gore e ba ba sebjalebjae bjang, goba e ba ba bakaone bjang, goba ba rutega bjang, goba ke ba bagolo bjang, Mantšu Aka a ka se tsoega a feila.’”

“Gomme moya wa maaka wa tla godimo go tšwa heleng, wa wela fase godimo ga matolo a gagwe, gomme wa re, ‘Ge O ka no ntumelela, nka kgona go ba fa tlotšo ya ka, go ba dira gore ba dire mohuta wo mongwe le wo mongwe wa seka goba semaka, ge feela nka ba tloša go tšwa Lentšung. A ka seke a tseba le gore se Ke Lentšu la Gago. O tla Le hlokomolga, ka baka la botsebalegi.’” Ngwanešu, dinako ga se tša fetoga. Ngwanešu Neville, seo ke therešo. O a elelwa, seo ke therešo. “Ke tla ya godimo ga gagwe, ka mo dira gore a dire dilo tše di swanago tšeo ka moka ga bona ba di dirago. Ke tla mo dira gore a porofete, gomme a bolele maaka.” A se ka ba maaka bjang? Ka baka la gore se be se le kgahlanong le Lentšu.

⁹¹ O tšee ye nngwe ya dikolobetšo tše tša maaka, ya maaka *semang-mang le ya semang-mang*, ga ke tshwenyege gore e kwagala e le nnete bjang, ba leka go ekiša ga kaakang, ke maaka ge e ba e kgahlanong le Lentšu la Modimo la iri ye. Seo ke tlwa.

Le re, “Go lokile, ya rena, go lokile, re dirile *se*, gomme re dira *se*, gomme kereke ya rena e ka tsela *ye le yela*.”

Ga ke tshwenyege gore ke eng. Ge e le kgahlanong le Lentšu le le ngwadilwego la iri ye, ke maaka. Modimo a ka se be le selo go dira le yona, ga go tshwenye gore e hlokofetše bjang, e rutegile bjang, e kaone bjang, e kwagala therešo bjang, e kwagala e kwiši šega bjang, ge e le kgahlanong le Lentšu la iri ye. Re tla ya ka go seo go tiba ga nnyane metsotsong e se mekae, nako ge e re dumelela. Ge re sa dire, re tla e tšeela godimo gape bošegong bjo.

⁹² Elang hloko, o be a hlokofetše, monna wa go loka, ga go na le go ka maka. Gomme o ile a re. . . Ka gona, ka mokgwa wo mongwe, Mika o ile a re go yena, e sego thwi sefahlegong sa gagwe, eupša a mangwe mantšu, “O tloditšwe ka moya wa go fora.” A seo e be e ka se be se sengwe go botša pišopo? Eupša o se dirile.

⁹³ Gomme ka fao pišopo ye e ile ya sepelela godimo gomme ya re, “O ka se tsoge o bile le kopanelo gape,” gomme a mo phasola sefahlogong. A re, “O a tseba gore ke nna monna yo a hlatsetšwego. Kereke ya ka e ntirile hlogo ya yona, selo se. Bouto ya go tsebalega ya batho ba Modimo e ntirile se. Mokgatlo wa ka o ntirile se. Gomme Modimo o re file naga ye, gomme O e emišeditše gore e be ya rena. Gomme ke na le GO RIALO MORENA.” A mo phasola, gomme a re, “Ke efe tsela ye Moya wa Modimo o ilego ka yona ge O ntlogela?”

⁹⁴ Mika o ile a re, “O tla e hwetša, le lengwe la matšatšia,” ge California e le ka fase ga lewatle ntle kua, le ka moka dilo tše. Le a bona? “O tla bona gore O ile ka tsela efe, ge o dutše ka ditoronkong tša ka garegare.”

⁹⁵ Bjale, Ahaba, o a ya go reng? “Ke dumela moporofeta wa ka,” a rialo. Go ka reng ge e ba o sa tšwa go phetla Lentšu? Bona, o be a sa nyake go ipona ka boyena a rogakilwe. Nkweng! O be a sa nyake go ipona ka boyena a rogakilwe. Ga go motho le yo motee a dirago.

Gomme waka mokgatlo- . . . ngwanešu wa mokgatlo, seo ke se e lego taba ka wena. O nyaka go nagana gore o lokile, mola, o tseba ka pelong ya gago, ge o kolobetša o šomiša leina la “Tate, Morwa, Moya wo Mokgethwa,” o a aketša. O a tseba ge o bolela . . . bolela dilo tše o di dirago, gomme o tšea mabohlatse a mathomo, le ka moka dilo tša go swana le tše, o a phoša. Bohlatse bja mathomo bo ka kgona bjang go ba go bolela ka maleme, gomme wa bolela kgahlanong le tshephišo ya Modimo mo iring ye? E ka ba bjang bjalo? Ga o nyake thogako, ao a e nyaka? Eupša *Fa* e ngwadilwe, ka fao e tla ba ka gona. Seo ke leswao la sebata, o batameletše kudu o ka fora le Bakgethiwa ge go be go kgonega.

⁹⁶ Seka se sengwe le se sengwe, semaka se sengwe le se sengwe, monna yo a tloditšwego, seporofeto, ka moka mehuta ya dilo e yago pele; ka moka mehuta ya dika, ka moka mehuta ya dimaka, o ya go bolela phapano bjang? Hlokomela Lentšu la iri ye. Ke ka fao le tšeago . . .

⁹⁷ Hlokomela Moshe, ka fao a ka bego a boditše Biliama. Hlokomela Mika fa, re tsebile bjang gore o be a rereša? Lentšu, pele ga gagwe, le porofetetše Ahaba seo.

Gomme Lentšu, pele ga rena, le porofetetše mekgatlo ye ya letšatši le, le thogako ye godimo ga yona. Gomme dilo tše o di tla tšeago sebaka ka Kereke ya Gagwe ye e tloditšwego

ka nnete, di tla ba le Lentšu, Monyalwa Lentšu. Ke rena ba. A šele, lehono, go no swana le ka fao go bego go le ka gona nakong yeo.

⁹⁸ Beibele e rile, “Ka molomo wa dihlatse tše pedi goba tše tharo a lentšu le lengwe le le lengwe le tie.” Ke boletše ka Biliama, ke boletše ka Biliama le ka Moshe. Gomme ke boletše bjale ka Mika le Zedekia. Bjale ke ya go fa yo motee gape. Bao, go na le ba makgolo ba bona, eupša yo motee gape, go dira dihlatse tše tharo. Ke na wohle molokoloko wa bona ba ngwadilwe fase mo; eupša go boloka nako.

⁹⁹ Jeremia yo a bego a bonagaditšwe, molahlwa, eupša moporofeta yo a bonagaditšwego wa Modimo. Ba be ba hloile monna. Ba be ba beletša go sebuts-...dinywa tša go pheresegana go yena, le se sengwe le se sengwe gape. Gomme o ile a bea thogako godimo ga bona. Gomme dilo tše a go di dira, gomme a robetše fao ka mahlakori a gagwe, le dilo, gomme a fa dika gore Israele e be e le phošong.

Moporofeta yo mongwe le yo mongwe, moporofeta wa therešo yo a kilego a tsoga ka mo lefaseng, o ile a rogaka mekgatlo yeo ya dikereke tša maina tša kereke. A e ka fetoga bjang, ka Modimo yo a sa fetogego?

¹⁰⁰ Moya wo Mokgethwa ke Moporofeta wa iri ye; O hlatsela Lentšu la Gagwe, o a Le netefatša. Moya wo Mokgethwa e be e le Moporofeta wa iri ya Moshe. Moya wo Mokgethwa e be e le Moporofeta wa iri ya Mika. Moya wo Mokgethwa wo o ngwadilego Lentšu, o a tla gomme wa hlatsetša Lentšu.

¹⁰¹ Bjale go diregile eng ka nakong ya Mika? Ahaba o ile a bolawa, gomme dimpša tša latswa madi a gagwe, go ya ka Lentšu la Modimo.

Ka moka lena baruti ba maaka, go rialo Modimo, le lengwe letšatši le tla buna seo le se bjalago, lena baetapele ba difofu tša difofu! Ga se ka befelwa. Ke no le botša Therešo. Gomme nka be ke se ka ke ke bolela se ge nkabe godimo mo, ka gare ga kamora yela, ge Moya wo Mokgethwa nkabe o se wa re, “E bolele ka mokgwa woo.” A nkile ka le botša se sengwe sa phošo eupša seo Modimo a se netefaditšego go ba therešo? Tsogang, baena baka, pele ga ge go e ba llata kudu!

¹⁰² Eupša a nke ke bolele se. Na mootlwa o ka kgona go tsogela godimo bjang gomme wa ba tšehlo, ge o be o kgethetšwe pele go seo? Na Mokgethiwa a ka kgona bjang go palelwa ke go e bona? Ka baka la gore, o kgethetšwe go e bona. “Bohle ba Tate a Nneetšego bona ba tla tla,” go boletše Jesu, “eupša ga go yo mongwe wa bona a ka kgonago go tla ntle le ge A e neetše go Nna pele ga go thewa ga lefase, ge maina a bona a beilwe godimo ga Puku ya Kwana ya Bophelo,” e sego godimo ga hlogo ya kereke, eupša godimo ga Puku, Puku ya Kwana ya Bophelo.

103 Ela hloko, Jeremia o ile a ema, a hlatselwa pele ga batho, go le bjalo ba ile ba mo hloya.

104 Gomme ka fao ba ile ba ya ntle gomme ba dira joko, o e dirile, gomme a e bea godimo ga molala wa gagwe, gomme a ya pele ga batho. Ba ile ba re, “Oo, ke rena batho ba bagolo ba Modimo. Ka baka la eng, ke rena Israele. Re hlokofetše kudu ka senagogeng ya rena! Re tsena Lamorena le lengwe le le lengwe, re, re neela dihlabelo, gomme re lefa ka gare tšhelete ya rena. Nebukadenesara a ka kgona bjang go ka swara dilo tše kgethwa tša Modimo?” Huh! Dibe tša lena di e dirile.

Modimo o rile, “Ge le ka boloka melao Yaka, Nka se dire se. Eupša, ge le sa dire, e tla go lena.” Seo ke therešo tla. Go sa no swana. Boloka melao ya Gagwe, Lentšu la Gagwe la iri, leo A le tshephišitšego.

105 Bjale ela hloko. Bjale, Jeremia, ka thato ya Modimo, moporofeta yo a hlatsetšwego, le ge a be a hloilwe... Yo mongwe le yo mongwe wa bona o be a hloilwe ka matsatšing a bona. Ba dirile dilo tše di sego tša tlwaelega kgahlanong le kereke tša maina tša letšatši leo, yo mongwe le yo mongwe o be a mo hloile, le magoši le se sengwe le se sengwe gape. Ka fao a bea jo—jo joko godimo ga molala wa gagwe, gomme a re, “GO RIALO MORENA. Le ya go ba tlase kua mengwaga ye masomešupa,” ka baka la gore o bile le kwišišo go tšwa Lentšung la Modimo. “Mengwaga ye masomešupa!”

106 Ka gona Hananya, Hananya, ke a thank a le le bitša, H-a-n-a-ny-a. Hananya, moporofeta magareng ga batho, a tla godimo, a tšea joko go tloga molaleng wa Jeremia, gomme a e roba. Gomme a re, e le motsebalegi magareng ga batho, le a bona, ge a be a bolela kgahlanong le Lentšu la Modimo. Gomme o ile a re, “Ye mebedi mengwaga ba tla be ba boile. GO RIALO MORENA.”

Baporofeta ba babedi ba ba tloditšwego. Phapano e be e le bjang ka go bona? Yo motee o be a na le go bolela Lentšu, gomme yo mongwe a se nago. Jeremia a re, “Amene.”

107 Pele ga bagolo ka moka le phuthego, Israele ka moka, bona, o be a nyaka go laetša gore o be a kgona go ba yo mogolo bjalo ka Jeremia. “O a tseba gore ga ba go rate, go le bjalo. Ka fao ke nna moporofeta, le nna. Ke nna moporofeta go feta ka fao o lego, ka baka la gore o porofeta maaka. O mpotša gore batho ba Modimo ba ya go ba ka fase ga selo *se sebjalo-le-se sebjalo?*”

Seo ke se ba se bolelago lehono, eupša le tla ba fao go no swana, bjalo ka kereke. Le rogakilwe ka thogako. Ka moka dikereke tša lena, dikereke tša maina di swaretše go motlwae wa tšona wa monna sebakeng sa Lentšu la Modimo, le rogakilwe ke Modimo.

108 Bjale ela hloko, a šo o atla. Hananya o kuka joko ye go tloga molaleng wa gagwe, seka sa Modimo, a e roba, gomme a re, “GO RIALO MORENA. Ye mebedi mengwaga

ba tla be ba boile.” Feela go no laetša bobogo, “Ke nna *Semang-mang*.” Ka baka la gore o be a eme ka gore, e be e le moporofeta wa mokgatlo.

¹⁰⁹ Jeremia e be e le monna wa lešoka yo a bego a phela ka boyena. O be a porofeta bobo kgahlanong le bona nako ka moka, ka baka la gore e be e le ba babe.

Gomme monna yo o be a ba botša, “Oo, ka moka le lokile kgang ke ge le le ba se sengwe. Ge feela le le Baisraele, seo ka moka ke se bohlokwa. Bona, le, re . . . Modimo ga a ye go dira seo. Ke a tseba go na le se sengwe se sennyane se diregile mo, eupša le seke la nyama, le seke la boifa.”

Oo, ngwanešu, ba sa phela lehono. “Le seke la tshwenyega, se sengwe le se sengwe se lokile. Re na le se sengwe le se sengwe ka tlase ga taolo. Ke rena Kereke.” Le seka la gopola seo. Eye.

¹¹⁰ Ka fao o rile, “Se sengwe le se sengwe se lokile. Ba tla be ba boile mengwageng ye mebedi. Ke selo se sennyane se diregile. Ga se selo se se sego sa tlwaelega. Re na le seo. Feela Nebukadenesara o tla godimo mo, eupša Modimo wa rena o tla tšea tlhokomelo ya se ka moka.”

Eupša Lentšu le boletše gore ba be ba tla ba kua mengwaga ye masomešupa; go fihla ge moloko woo o timeletše, le moloko wo mongwe gape. Masomenne a mengwaga ke moloko. “Se gabotse ke meloko ye mebedi le ya go ba tla se ka kua.” Gomme Jeremia o e boletše go ya ka Lentšu la Modimo.

¹¹¹ Hananya o robile yeo! Jeremia a re, “Tšohle di gabotse. Amene. Eupša, Hananya, a re elelwe se, rena bobedi re baporofeta. Ke rena badiredi.”

Gomme ke bolela se go lena, banašu baka. A re elelweng go be go na le baporofeta pele ga rena, gomme ba ile ba porofeta kgahlanong le mebušo, gomme ba ile ba porofeta kgahlanong le dilo tše di itšego. Eupša, elelwang, ge moporofeta a boletše eng kapa eng, o swanetše go porofeta go ya ka Lentšu. Go swana le Mika, le Moshe, le bohle ka moka ga bona. Se swanetše go ba go ya ka Lentšu. Ge se sa dire, gona elelwang seo se diregilego.

¹¹² Nako yeo, Hananya, bogale bja gagwe bja tuka bja hlatlogela godimo. “Ke nna Hananya” (ntle le go kamaka), “moporofeta wa Morena, gomme ke re, ‘Mengwaga ye mebedi.’” Ka a mangwe mantšu, “Ga ke na le taba le seo Lentšu le se bolelago.” Tlotšo ya gagwe, “Ke re, ‘Mengwaga ye mebedi, ba tla be ba boile.’”

¹¹³ Jeremia a sepelela ntle go tloga pele ga gagwe, a ya ka ntle, a re, “Morena, ga ke na le taba le seo a se boletšego, ke sa dumela le go tseba gore Lentšu leo le boletše bjalo. Ke tla dula ke le wa therešo go Wena. Nka seke ka forwa ke yena.”

114 Modimo a re, “Sepela o botše Hananya. ‘Ke tla e dira ka tshipi, joko ye e latelago.’” Ka baka la gore o dirile seo, o ile a tšewa go tloga sefahlegong sa lefase, Hananya o bile, ngwago wo o swanago.

Fao ke mehlala ya rena, ka moka baporofeta. Tše ntšhi go feta di ka bolelwa gomme gwa bolelwa ka tšona ka nako ye.

115 Eupša hlokomela. Jesu o boletše, gore, mo nakong ya mafelelo, gape, meoya ye mebedi e tla batamelana ka nnete mmogo gape. A seo ke therešo? [Phuthego e re, “Amene.”—Mor.] Bjale ela hloko. E tla batamelana kudu go feta ka fao go bego go le ka gona. Ye ke nako ya mafelelo. Oo, bana! Modimo a ba le mogau godimo ga rena! Go fihla, “O tla ba gape wa nnete go fihla o ka fora le bona Bakgethiwa ge go kgonega.” Bjale o ya bjang, re be re o bolela bjang ka wona matsatšing ao? O ya go o bolela bjang lehono? Tsela ye e swanago, dula le Lentšu, “Jesu Kriste yo a swanago maabane, lehono, le ka gosafelego.”

Bjale hlokomela Molaetša wo ka moka. Gomme ge le theetša go theipi, le bile mohlomongwe ke tla be ke sepetše letšatši le lengwe ge Morena a feditše ka nna mo lefaseng, le tla hlola morago go ye. Theeletšang lentšu laka, seo ke le botšago sona. Ge A ka ntsea pele ga Gobowa ga Gagwe, e nong go elelwa, ke boletše le lena ka Leina la Morena, ka Lentšu la Morena. Eye.

116 Elang hloko, “E tla batamelana kudu mmogo go fihla o tla fora le Bakgethiwa ge go be go kgonega,” o tla dira dika tše di swanago, mehlolo ye e swanago, ka Moya wo o swanago. A seo ke therešo? [Phuthego e re, “Amene.”—Mor.] Go no swana le ka fao baporofeta ba bego ba le ka gona bao re boletšego ka bona, baporofeta. Bjale, gape go ngwadilwe . . .

117 A re phetleng go yona, ka e tee ye, ge le nyaka, wa Bobedi Timothy 3. A re sekeng ra tlogela e tee ye. Gomme ga ke nyake . . .

118 Ke lebelela sešupanako godimo kua, gomme ke—ke nyaka go tlogela bontšhi bja yona, gomme ga ke nagane gore re swanetše go e dira bjale. Le a bona? Elang hloko. Feela . . . Ge ke eme mo, ke tšuluka go swana le ka mo ke lego, bona, eupša ke thabile. Gomme ke a tseba gore se ke therešo. Wa Bobedi Timothy 3:8.

119 Paulo, monna yo a rilego, “Ge Morongwa a etla go tšwa Legodimong gomme a bolela lentšu le lengwe go lena e sego leo ke le boletšego, a e be morogwa,” bjale, Morongwa o tla fase. Yeo ke ba Bobedi Bathasalonika . . . Oo, ke kgopela tshwarelo.

120 Elang hloko ka go wa Bobedi Timothy 3:8. Hlokomelang Paulo o a bolela bjale. A re thomeng e ka ba . . . A re thomeng ka ya pele ya temana, gomme theeletšang bjale nnete ka sekgauswi. Wena yo o nago le Beibele ya gago, bala le nna. Wena yo o se nago le Beibele ya gago, theeletša sekgauswi. Yona . . .

Se tseba gape, gore matsatšing a bofelo . . .

Thalella seo, “matsatšing a bofelo.” Ke fao ge se eya go direga.

. . . mabaka a mathata a tla tla. (Re ka go wona.)

Ka gore batho e tla ba baithati ka bo bona, ba megabaru, ba lenyatšo, baikgogomoši, ba maroga, ba go se kwe batswadi, ba go se leboge, ba go hloka bokgethwa,

¹²¹ Lebelela sehlopha se re nago le sona lehono, se bodile. Le monna ntle seterateng, monna yo moswa, ba gogela moriri wa bona fase godimo ga phatla, go swana le go lekelela bjalo ka mosadi. Phapogo! Masotoma!

¹²² A le badile ka go ngwaga wo, ya kgwedi ye *Reader's Digest*? E rile, “Batho ba Amerika ka mengwaga,” yeo ke naganago gore e be e le, “magareng ga masomepedi le masomepedi tlhano ya mengwaga ka bokgale, o šetše ba le leemong la mengwaga ya magareng ya bona.” Ba fedile! Ba bodile! Saentshe e bolela seo, gore monna ka mengwageng ya gagwe ya magareng, le mosadi, ge ba sa le ka bosweng bja bo masomepedi. Mebele ya bona e bodile kudu gomme e neetšwe go tšhila.

¹²³ Oo, Amerika, ke ga kae Modimo a be a le alametše, eupša bjale iri ya gago e tlile! O etile lefase pele ka tšhila.

. . . ba maroga, ba go se kwe batswadi, ba go se leboge, ba go hloka bokgethwa,

Ba go se be le lerato la tlhago.

Ga go lerato la tlhago le mongwe go yo mongwe, monna go mosadi, mosadi go monna. “Ga go le ge e ka ba lerato la tlhago.” Tšhila, ka ga thobalano!

. . . babatasekgoro, dihvirihwiri, ba go se tsebe go itshwara, ba dintwa le bakweri ba tše bolo,

Ka mantšu a mangwe, ba re, “Lena sehlopha sa bapshikologi bokgethwa.” Yo mongwe o mpotšišitše letšatši le lengwe ka go tla godimo mo go ya kerekeng. A re, “O seke wa ya godimo kua. Ka moka e lego sona ke sehlopha se segolo sa lešata le go ya pele.”

Le a bona, “bakweri ba bao.”

Baeki, baipuši, ba dikgopolo tša godimo, barata maipshino go feta go ba barata Modimo;

Le re, “Ngwanešu Branham, seo ke makomonisi.” Na temana ye e latelago e reng?

Ba na le sebopego sa bomodimo, eupša (eng?) ba gana maatla a bjona: (Lentšu, Jesu Kriste yo a swanago maabane, lehono, le ka gosafelego, a bonagatšwa, tshepišo ya letšatši). . .

Go no ba tlwa bjalo ka Hananya, go no ba tlwa bjalo ka Zedekia, go no ba tlwa bjalo ka Biliama, godimo morago, ba bangwe baporofeta ba maaka.

Ba na le sebopego sa bomodimo, batlotšwa... Le a bona?

Ba na le sebopego, batlotšwa, badiredi bao ba beilwego...

Ba na le sebopego sa bomodimo, eupša ba gana gore O a swana maabane, lehono... Ba gana Lentšu la Gagwe!

Na ba ganne Jesu bjang ka letšatšing lela? Ke mang yo ba mo gannego ge ba be ba gana Jesu? Lentšu. E be e le ba bodumedi. Ba be ba ruta go tšwa Beibeleng ya bona, eupša ba gana Lentšu la letšatši la bjale.

Ke bona eng lehono? Selo se se swanago, ba tlotitšwe, ba rera Ebangedi ya pentecost, eupša ba gana tshephišo ya letšatši la-bjale ya Lentšu ge e hlatselwa, “Jesu Kriste yo a swanago, maabane, lehono, le ka gosafelego.” A le a e bona? [Phuthego e re, “Amene.”—Mor.]

Ka gore wo ke wona mohuta wa bao ba go tsenela ka dintlong, gomme ba thopa... basadi ba go seleka ba go imelwa ke sebe, ba ba gogwago ke dikganyogo tša mehutahuta,

“Diphathi tša rena tša go roka le bo *semang-mang* ba rena.” Yo mongwe o tla go dikologa o leka go hlatholla Lentšu ka go fošagala, gomme o bolela se, “Go lokile ka moka, kgaetšedi, wena go ba le moriri wo mokopana. O seke wa iša šedi go sephokophoko sela. Le a bona? Goba, ge o—o apara se; ga se seo, ‘ke seo se tšwelago ka ntle ga pelo ya monna seo se mo tšhilafatšago.’” Le a bona? Gomme a o a lemoga gore o tlotitšwe ka wo mobe, go tlala kganyo, wa ditšhila moya? Ga go tshwenye, o ka no ba o opela ka khwaereng, ka moriri wo mokopana, eupša o na le moya wo mobe. Seo se kgahlanong le Lentšu. Seo ke therešo. Seo ke se Beibele e se boletšego. Gomme wena o re, “Go lokile, ke apara tše kopana. Ga e mpee molato.”

“Mang le mang, ge mosadi a apara seaparo seo se swanago le sa monna, ke makgapa mo sefahlegong sa Modimo.” Modimo yo a sa fetogego o boletše seo.

¹²⁴ Oo, dilo tše ntšhi, re ka kgona bjang go no ya go e putla; nako ya rena e tla be e ile. Eupša le tseba ka go lekanela go tseba seo se lokilego le seo se fošagetšego. Gomme bjale a nka kgona go ba dira gore ba se dire? Na nka kgona go se dira bjang? Le re, “Go lokile, ke eng se o gagamollago megolo ka sona?” Ke nna hlatse kgahlanong le lena. Le lengwe letšatši, ka Letšatši la Kahlolo, le tla be le hloka sekhutlo sa go ya ka go sona.

¹²⁵ Na Mika o be a ka kgona bjang go emiša seo? Moshe o be a ka kgona bjang; a goeletša, a leka go se emiša, le Joshua le

bona ba kitima magareng ga batho, gomme Lefi o ile a be a hwamolla tšhoša ya gagwe gomme a ba bolaya, go le bjalo? Ba ile ba tšwela pele go no swana.

Go boleletšwe pele gore ba ya go se dira. Gomme ba ya go go se dira, ka gore ke GO RIALO MORENA ba ya go se dira. Le nagana gore tšona ditlhaolo di ka tsoge tša robega, dikereke tša bona tša maina di ka tla morago Lentšung? Ke GO RIALO MORENA, di ka seke! A di tla ya ka go molwalekriste? Tlwa. Ke GO RIALO MORENA, di tla dira! “Ka fao a le reng ka?” Ke swanetše go ba hlatse, gomme ka fao le lena, ka moka badumedi. Hlokomelang.

*...basadi ba go seleka ba go imelwa ke...
dikganyogo tša mehutahuta,*

¹²⁶ “Go lokile, ka moka bohle basadi ba a dira.” Baporofeta ba maaka! Bjale theeletšang. Baporofeta ba maaka, bao ke bolelago ka bona. Bjale ba tla dira eng ka letšatšing la mafelelo?

*...thopa basadi ba go seleka...gogwa ke
dikganyogo tša mehutahuta,*

“Go lokile, ke tseba ka moka bohle basadi...” Tšohle di lokile, eya pela.

¹²⁷ Na ke boletše eng feela pele ga tiragalo ye kgolo ye ka mo California? “Lena batho ka mo Los Angeles, ngwaga ka ngwaga ge ke etla morago go na le basadi ba bantšhi ba meriri ya-go kotwa le monna wa go sadifatšwa go feta ka fao ba bego ba le gona lefelo la pele, bareri ba bantšhi ba eya ka mokgatlong. Ga le na le sa go itshwarelela! Ge nka be mešomo ye maatla e dirilwe ka Sodoma le Gomora ye e dirilwego ka go lena, e ka be e sa eme le lehono. Oo, Kaperenaume, wena yo a ipitšago ka leina la barongwa, Los Angeles!” Le bona se se diregago? O ya thwi ka bokafase ga lewatle. Neng? Ga ke tsebe gore e ya neng, eupša e a ya. Lena batho ba baswa, ge nka se e bone ka letšatšing laka, le hlokomele. O ile!

*Ba ithuta ka mehla, . . . ga ba bile ba fihlelela tsebo ya
therešo.*

Bjale a še ya go šokiša, a še karolo ya go šokiša. Theelatšang se.

*Bjale go no swana le Jannes le Jamboro ge ba
ngangana le Moshe, ka fao le ba le bona ba phegišana
le therešo: banna ba megopolo ya go senyega, ba go se
amege mabapi le tumelo yeo e filwego bakgethwa ga
tee, ka nnete.*

“Mabapi le Tumelo.” “Gomme o tla retollela Tumelo ya botate, goba ya bana, morago go botate.”

128 “Go se amege mabapile le Tumelo.” Uh! A le tseba gore go se *amege* go ra go reng? Ge le na le Beibele ya Scofield, fao go na le “h” fao. Thwi godimo fao, e re, “go tlogela tumelo.” Go tlogela tumelo, seo ke se e lego sona.

129 Bjale, motsotso feela. Ke nyaka go lebelela se sengwe mo. Ke nagana gore ke ngwadile se fase ka go nepagala. Ga ke na le nnete, eupša ke nyaka go se bolela, gomme ke se lebelele pele ke—ke se bolela. Bjale, motsotso o tee feela. [Lefelo le le se nago selo godimo ga theipi—Mor.] “Go se amege mabapi le Therešo, mabapi le Tumelo.” “Yona Tumelo,” go na le Tumelo e tee feela. Seo ke therešo. “Mabapi le Tumelo, go se amege!”

Bjale ke nyaka go bala Luka 18. Motsotso feela. Ga le . . . Le ka kgona go e bea fase; ga le a swanela go e bala.

Gomme a bolela seswantšho go bona go iša mafelelong a, banna ba fele ka mehla ba rapela, gomme ba sa . . . lape;

A re—a re, Go be go le moahlodi ka motseng mogolo, yo a bego a sa boife Modimo, gomme a se na le taba le monna:

Gomme go be go na le mohlologadi ka toropong kgolo yona yeo ye e e swanago; gomme a tla go yena, a re, Ntefeletše go manaba a ka.

Gomme o ile—gomme o ile a seke lebakanyana: eupša ka morago ga fao a bolela bokagare yena mong, Le ge ke sa boife Modimo, goba go šetša monna;

Feela ka gore mohlologadi yo o a ntshwenya, ke tla mo lefeletša, go sego bjalo ka . . . o tla go ntapiša.

Gomme Morena a re, Ekwang se moahlodi yo yo a sa lokago a se boletšego.

Gomme a na Modimo a ka seke a lefeletša ba gagwe . . . bakgethiwa, bao ba llelago go yena mosegare le bošego go yena, le ge a ka tšea botelele le bona?

Ke a le botša gore o tla ba lefeletša ka bjako. Go le bjalo a ge Morwa motho a etla, a o tla hwetša tumelo lefaseng?

130 Bjale ye ke potšišo. Šifa fao ke nyakago go tla gona, ka go Kutollo 10. Re tla ya go yona ka metsotsong e se mekae, go temana ye nngwe ya Lengwalo. O rile, “Ka matšatšing a Molaetša wa morongwa wa bošupa, sephiri sa Modimo se swanetše go felela.” A še potšišo, ke gore, ge o latela ka go llaene yeo mo go iri ye, a se tla felela? “A Ke tla hwetša Tumelo?” A Maleaki 4 e tla phethagatšwa ka mo nakong ye, “Go bušetša Tumelo ya bana, morago go Tumelo ya botate, ya setlogo, Lentšu”? Le a bona?

¹³¹ “Ba go se amege, Jamboro le Jannes, bjalo ka ge ba ile ba phegišana.” Bjale, gape, theeletša, wa Bobedi Timothy 3:8. “Bjalo ka Jan-. . .ba phegišana le Moshe, gape ka matsatšing a bofelo ba ba go se amege ba tla tla,” bjale bonang fao E bolelago mo, “ba na le sebopego sa bomodimo,” bao ba tloditšwego. Bjale a re nong. . .Le ya morago gomme—gomme le e bale ge le fihla gae, gore ke kgone go fetša ntle se, mosong wo, ge nka kgona. “Ba go se amege mabapi. . .” E sego ba go se amege ka—ka—ka go phela; ba gabotse, banna ba go hlamega.

¹³² Bjale elang hloko ge Moshe a be a eya tlase Egepeta, ka molaetša wa GO RIALO MORENA, gomme o ile a hlatselwa; a bitša Israele, yeo e bego e le batho, e sego kereke. Israele e be e le batho; ga se ba ke ba ba kereke. Ka baka la gore, lentšu *kereke* le ra gore “ba ba beditšwego.” Ba be ba le batho ba Modimo. Ka gona ge ba etla go tlotšwa ka fase ga Lentšu, gomme ba biletšwa ntle, ba tla ba ba kereke ya Modimo. Gomme ka gona ba kgeloga, ka baka la gore ba be ba sa dumele Lentšu la Modimo, gomme ba theeletša moporofeta wa maaka. Ke a holofela seo se nwelella bogare.

Israele, e le batho ba Modimo, ba tlile ntle ka tlase ga seatla sa Modimo, ba tloditšwe ka Lentšu. . .ka Maatla a Modimo, ba bona dika le matete a Modimo. Gomme ka gona ge Modimo a sepelela pele le bona, moporofeta wa maaka a tla ka gare, a tloditšwe, gomme a ruta se sengwe kgahlanong le Lentšu la Modimo la setlogo leo ba bego ba le kwele; gomme yo mongwe le yo mongwe wa bona a hwela ka lešokeng, ka ntle le batho ba bararo. Bjale e sware.

¹³³ “Bjalo ka ge go bile bjalo matsatšing a Noage, fao disoulo tše seswai di ilego tša phološwa ke meetse, ka fao go tla ba bjalo ka go tleng ga Morwa wa motho.” “Bjalo ka ge go bile bjalo matsatšing Loto, fao ba bararo ba ilego ba tšwela ka ntle ga Sodoma, ka fao go tla ba bjalo ka nako ya ge Morwa wa motho a tla utollwa.” Ke no ba ke tsopola Lengwalo, Lentšu la Morena, leo, “Magodimo le lefase di tlogo feta. . .” E tla ba bao ba sego ba bakae!

¹³⁴ Ela hloko mo. Moshe o ya tlase go Aaron. Moshe o be a swanetše go ba Modimo. Modimo mmoditše gore a be Modimo, a re, “Wena o ba Modimo, gomme dira Aaron ngwaneno a be moporofeta wa gago. O bee mantšu ka molomong wa gagwe ge o sa kgone go bolela gabotse.” A re, “Eupša ke mang yo a dirilego monna go ba semuma? Ke mang yo a dirilego motho gore a bolele?” Morena o dirile.

Gomme a sepelela tlase kua. Na o dirile eng? O dirile wa nnete wa toko mohlolo wo Modimo a mmoditšego gore a o dire. Modimo o mmoditše gore, “Yaa o lahlele lepara la gago fase.” A le topela godimo, gomme le be le le noga. O ile a e topela godimo, gomme ya fetogela morago go lepara. A re, “Eya o dire seo pele ga Farao, gomme o re, ‘GO RIALO MORENA.’”

¹³⁵ Gomme ge Farao a bone se, re re, “Ka baka la eng, a boradia bja go tšhipha bja ramaselamotse.” A re, “Ga go na le selo ka go sona. Ke kopano ka monagano goba se sengwe, le a tseba. Re na le mathaka ka lekgotleng la rena ba kgona go dira selo sa go swana. ‘Etle mo, Pišopo *Semang-mang*. Gomme, wena, wena etla ntle mo.’ Re na le bona ba kgona go dira selo sa go swana.” Woo e be e le Sathane a bolela ka Farao.

Woo e be le Modimo a bolela ka Moshe.

¹³⁶ Eupša hlokomela moisa yo o tla ka ntle. Jannes le Jamboro ba sepelela ntle pele ga Moshe, gomme phatlalatša pele ga batho, gomme ba dira mohlolo wo mongwe le wo mongwe woo Moshe a bego a kgona go o dira. “Ba tla fora le bona Bakgethiwa ge go kgonega.” A seo ke therešo? Ba dira selo se se swanago seo Moshe a se dirilego. A le a e hwetša? Bjale elelwang, ke GO RIALO LENGWALO, gore se tla boeletša gape ka matšatšing a mafelelo.

Na phapano e be e le eng magareng ga Moshe le Jamboro?

Moshe o rile, “A madi a tšwe ka meetseng.”

Gomme baporofeta ba ba maaka ba re, “Nnete, re bea madi ka meetseng, le rena.” Gomme sa direga.

¹³⁷ Ka fao Moshe a re, “A go tle matsetse.” A o be a se hwetša kae? Thwi go tšwa go Modimo. Le a bona?

Gomme a o ile a dira eng? O rile, “Go lokile, nnete, re ka kgona go tliša matsetse, le rena.” Gomme ba se dira. Wo mongwe le wo mongwe mohlolo woo Moshe a bego a kgona go o dira, ba be ba kgona go o dira, le bona!

Elelwang, bolokang se ka kgopolong, re tla go sona, ka morago ga lebakana. Ba kgona go dira se sengwe le se sengwe ka moka ga bona ba kgonago go se dira, eupša ga ba kgone go dula le Lentšu. Ga ba kgone go dula le Lentšu.

¹³⁸ Bjale ela hloko, ba se dirile. Eupša Moshe, wa therešo moporofeta-serongwa go tšwa go Modimo, a romilwe ke Modimo, ga se a ke a phenkgišana le bona, a re, “Mo, le ka se kgone go dira seo! Le ka se kgone!” O ile a no ba tlogela ba nnoši, a no ba tlogela ba ya pele. Ke baporofeta ba mokgatlo, eupša eyang pele.

Moshe o ile a no ya thwi pele, a theeletša Modimo. Eng kapa eng se Modimo a se boletšego, “Bjale o dira *se*,” Moshe o be a eya gomme a se dira. O ile a dira selo se seswa. Ge ba se dira, yo mongwe le yo mongwe wa bona o be a na le maikutlo goba se sengwe, mo ba atla. Ba se dirile, le bona, thwi feela go swana le Moshe.

¹³⁹ Bjale elang hloko. Mathaka a a ile a tšwelela. . . Oo, lena batho, le seke la lahlelwa ke se! Baikaketši ba, baekiši ba,

ba tšweletše ka morago ga ge o tee wa therešo a tlile pele. Le a bona? Ba tlela go ekiša. Bonang, ba swanetše. Diabolo ga a kgone go bopa eng goba eng; o no ba mofapoši wa tša setlogo.

Gomme na sebe ke eng? Ke toko yeo e fapošitšwego. Na bootswa ke eng? Tiro ya go loka e fapošitšwe. Na maaka ke eng? Therešo e beilwe ka go fošagala. Phapašo!

Lebelelang Hananya, phapošo ya Lentšu la setlogo. Lebelelang Biliama, phapošo ya Lentšu la setlogo. Lebelelang Zedekia, phapošo ya Lentšu la setlogo.

Gomme Beibele e rile baisa ba ba tla tla ntle, ka morago ga phap. . . goba go fapoša Lentšu la setlogo leo le bonagaditšwego la hlatsetšwa goba Therešo.

¹⁴⁰ “Dira mošomo wa moebangedi,” ka sekhutlong seo ka kua, “dira bohlatse bja bodiredi bja gago. Ka gore nako e tla tla mo ba ka sekego ba phegelela Thuto ya mmakgonthe, eupša ka morago ga dikganyogo tša bona ba tla ikgobokanyetša ka bobona baruti, ka go hlohlonwa ke ditsebe; ka gona ba ya pele gomme ba dira eng kapa eng ba e nyakago, gomme, ‘Ka moka go lokile, re na le dika tše di swanago le dimaka.’ Gomme ba tla arošwa go tšwa Therešong, gomme ba tlišwa ka dinonwaneng, dithutotumelo.”

¹⁴¹ Oo, temošo ya Moya wo Mokgethwa, temošo yeo e itiago soulo ya monna ge a ema go nagana gore ke nnete bjang gomme go molaleng e thwi pele ga rena! Epolla leswika la sekhutlo lela ntle mo gomme o bale ntseka ya pampiri ye e beilwego ka fale, ye masometharo-tharo mengwaga ya go feta. O bone se A se boletšego ka godimo ka kua go—go Seventh Street, mosong wola ge leswika la sekhutlo le le bewa. Bjale e hlokomele. Hlokomela tlase fa mo nokeng, ge Morongwa wa Morena a tlile tlase ka sebopego sa Pilara ya Mollo, makgolo a dikereke, goba batho ba kereke, ba eme go dikologa godimo ga leši; se A se boletšego, bona ge e ba se tlile phethagalong. Bona seo se diregilego.

Ke mo go thata. Ke a tseba go lebelelega go le bothata, baena, ntle kua. Eupša ke. . . Beibele e rile, Jesu o rile ka Boyena, “O be o tla fora le bona Bakgethiwa ge go be go kgonega.” Ga go tsela go o dikologa. Ba ka se tsoge ba kgona go o bona. Ge go be go kgonega, bona Bakgethiwa ba be ba tla forwa ke wona.

¹⁴² Hlokomelang, baisa ba ba tšweletše ka morago ga ge wa therešo wa Modimo motlotšwa a romilwe; ka wa Gagwe wa therešo moporofeta, Moshe. Gomme ge Moshe a be a dira eng kapa eng, ba be ba se ekiša.

¹⁴³ Bjale, ngwanešu, kgaetšedi, ke. . . Ye ke kereke ya ka. Ke na le tokelo ya go rera se ke se nyakago, ge feela se etšwa go Lentšu la Modimo. Gomme ga ke le ahlole lena batho, eupša a re nong go nyaka seo nako fela le iri yeo re phelago go yona.

Maduma go Ngwanešu Ruddell, go Junior Jackson, le bona ntle mo, dikereke ngwanešu tša rena. Ke ba lebetše, lebakana la go feta. Ke a nagana ba kgokeletšwe ka gare mosong wo, le bona, ka baka la go se be—go se be ga kamora ka kerekeng.

¹⁴⁴ E no nagana ka yona bjale, motsotso feela. Ba dirile mehlolo ye e swanago ye Moshe a e dirilego. Moshe o tlišitše matsetse; ba o ekiša gomme ba tliša matsetse. Le a bona?

Modimo o rile, “Letšatši le le jago woo, lona letšatši leo le tla hwa.”

¹⁴⁵ Sathane a tla go dikologa gomme a re, “Ka nnete, le ka seke la hwa. Le tla no ba ba bohlalehlale. Le tla ba le mokgatlo wo mokaone, o mokaone. . .” Le a tseba. “Le a tseba, se sengwe le se sengwe e tla ba se sekaone go lena, le tla ba le Seetša sa go fetiša.” Le a bona, phapošo feela. Swanetše. . .

Gomme elelwang, GO RIALO MORENA, go ya ka Timoteo wa Bobedi 3:18, gore, “Matšatšing a mafelelo, gore yo Jamboro le Jannese ba tla ba gona lefaseng.” Bjale, ke rata gore le hlokomele go na le ba babedi ba bona, bonang, baekiši.

¹⁴⁶ Bjale re ya go boela morago Sodoma, ka morago ga lebakanyana, bona bo tharo, re hwetša bona Barongwa ba bararo ba ba tlilego fase, gomme re bone kekišo, le go ya pele, re bone, re bone se se lokilego le se se fosagetšego. Le a bona? Le a bona?

¹⁴⁷ Hlokomelang, ba dirile mehlolo ye e swanago. Eupša, hlokomelang, ba ekišitše ka morago ga ge Lentšu la therešo le tloditšwe, ka yo motee wa therešo yo Modimo a mo romilego; e latetše, ya bobedi.

Ke a makala ge e ba re ka kgona go gopola motsotso. Go tšea batho ka letsogo, e sego telele go fetile, e ka ba mengwaga ye masompedi go fetile, gomme seka sa laetša. Mošimane, go bego na le dika gohle godimo ga dilo, gomme yo mongwe le yo mongwe. . . Yo motee o be a na le sona ka letsogong la gagwe la go ja; yo motee a na le sona ka letsogong la gagwe la ngele; yo mongwe gape a se nkgga. Le a bona, ka moka mehuta ya. . . Gomme ke a makala. . . Modimo a ka seke a ntumelela go le botša ka nako ye gore ka nnete therešo e be e le eng, eupša letšatši le lengwe le ya go hwetša. Seo e be e no ba go dira gore bošilo bja bona bo bonagatšwe. Seo se be se se gabotse, mathomong. Ke tla le botša, letšatši le lengwe, ge Morena a dumelela.

¹⁴⁸ Hlokomelang, ba dirile mehlolo ye e swanago, eupša ga se ba ke ba. . . Hlokomelang, ga se ba ke ba e dira go fihla ka morago ga ge Lentšu la setlogo le ile pele, pele. Ke ka tsela ye Sathane a dirilego ka tšhemong ya Edene. Ke ka tsela ye a dirilego nako ka moka. Ke mang yo a porofetilego pele? Moshe. Ke mang yo a tlilego lefelong la tiragalo pele, Moshe goba Biliama? Moshe. Ke mang yo a tlile go lefelong la tiragalo pele, Jeremia goba Hananya? Le bona seo ke se rago? [Phuthego e re, “Amene.”—Mor.]

¹⁴⁹ Hlokomelang, ba kopisitše. Baekiši ba senama, ba hlokofetše, ba nagana gore ba be ba “direla Modimo tirelo,” bjalo ka ge Dafida a dirile, beke ya go feta, eupša kekišo ya senama. Ke nno letela motsotso. Ke nyaka le nagana magare ga mafelo a mabedi a. Ge ke sa e bolele, ka nnete Moya wo Mokgethwa o tla e utolla, gagolo go Mokgethiwa. Le a bona?

¹⁵⁰ Kereke ya Farao ya leina e re, “Re na le monna yo a ka kgonago go dira selo seo se se swanago,” gomme ba se dira. Le a bona? Ke ka baka la eng Farao a dira se? Ke ka baka la eng Modimo a se dumeletše? Ke ka baka la eng Modimo a romela wa therešo, moporofeta yo a tloiditšwego tlase kua go dira seka pele ga Farao, gomme a dira gore khophi ye bokereke ya maina e tle go dikologa gomme e e kope pele ga batho? Ke ka baka la eng A dumelela moekiši go emela godimo go e dira, gomme a dire selo se se swanago tlwa wa mmakgonthe Moya ya Modimo o se dirilego? Le a bona, Lengwalo le swanetše go phethagala.

¹⁵¹ Hlokomelang, O dirile se gore A thatafatše pelo ya Farao le Baegepete, go netefatša gore Moshe e be e yena a nnoši o tee yo a bego a nale Lentšu. Ba be ba kgona go dira se sengwe le se sengwe go no swana leka mo Moshe a bego a kgona go dira.

Gomme ke ka baka la eng Modimo a dumelela selo se go direga ka matšatšing a mafelelo? Ka fao, selo sa go swana bjalo ka moya wa go fora ge o ile wa re go Zedekia, “Na re ya go iša bjang Ahaba ntle kua, go dira dilo tše go tla phethagalong?” Na O ya go hwetša bjang batho ba, ba ba tshephilego dikereke tša bona, go tšwela ntle mo go dira gore selo se se tle phethagalong, seo A se boleletšego pele? Ba, ka mo go Lebaka la Phuthego ya Laoditšea, “Ka baka la gore o re o ‘mohumi, ga o hloke selo. Ke dutše bjalo ka mohumagadi.’ Ga o na le selo! Ga o tsebe gore o yo madimabe, o le moditšana, ge o le sefofu? Gomme Ke go eletša go tla go reka go Nna,” O rile, “oli le gauta.” Na ke ka lebaka la eng A se dirile?

¹⁵² Ke ka baka la eng A tlogela kekišo ye e tsogetla godimo ka matšatšing a a mafelelo, ge dilo tše di etla phethagalong ka la therešo Lentšu la Modimo; gomme a dumelela baekiši go tla godimo gomme ba dira dilo tše di swanago, gomme ba gana la therešo Lentšu la Modimo? O e diretše Moshe. Gomme Farao o e dirile kgahlanong le Moshe; gomme bao, Jannes le Kaboro, ba e dirile kgahlanong le Moshe. Gomme Beibele e boletše gore e tla ipoeletša gape ka matšatšing a mafelelo. Sefa ke rena ba. Bjale, ge se e se Lengwalo le phethagatšwa, a e kae?

¹⁵³ A e ka ba Moshe o ile a phegišana le bona gomme a re, “Mo! Mo! Le ka se kgone go dira seo. Ke nna ke yo motee ke nnoši ke beetšwego go dira seo. Mo! Le emiša seo, thwi bjale?” O ile a no ba dumelela ba ya.

E nong go ba dumelela ba ye pele. Elelwang, Beibele e rile, “Bjalo ka ge bošilo bja bona bo ile bja dirwa go bonagatšwa,

ka fao le ba ka letšatšing la mafelelo ba tla dirwa go bonagatšwa,” ge Monyalwa a tla hlatlošwa gomme a tšeelwa go ya sebakabakeng. Hlokomelang.

¹⁵⁴ Moshe, Lentšu la therešo la go bonagatšwa, ga se a ke a bolela selo, o ile a no e lesa e eya. Eupša O dirile seo gore A kgone go thatafatša pelo ya Farao, a fora Farao.

O dirile sona selo se se swanago gore A kgone go fora Ahaba. Gomme mothaka yo monnyane a bego a eme mola ka boyena, Mika yo monnyane, a ba botša, “GO RIALO MORENA.” Mo go be go eme yo mongwe gape, a tloditšwe, “GO RIALO MORENA.” Gomme kgahlanong, mongwe go yo mongwe.

¹⁵⁵ Re ema lehono le GO RIALO MORENA, gore kolobetšo ya meetse ka matšatšing a mafelelo e swanetše go ba ka Leineng la Jesu Kriste. Gomme monna yo mongwe o a emelela a dira mehlolo, gomme, le thirinithi.

Ntaetšeng lentšu *thirinithi* ka Beibeleng. Ntaetšeng fao go nago le Badimo ba bararo. Ntaetšeng fao go nago le dilo tše bjalo ka seo. Ga se ka go Lentšu la Modimo. Ga go na le selo se se bjalo fao e mongwe a kilego a kolobetšwa ka leina la “Tate, Morwa, Moya wo Mokgethwa,” a šomiša dithaetlele tšeo. Ka moka dilo tše, “Oo, tšohle di gabotse, kgaetšedi. Seo sohle se gabotse, e no ba le o motelele. . . moriri wa gago wo mokopana. Seo sohle se gabotse, ga wa swanela go dira *se, seo* goba se *sengwe*. Oo, seo ke go hloka kgopolo, e no ba muši wa kgale.”

Eupša Beibele e rile! Gomme O tshephišitše, “Ka matšatšing a mafelelo, O tla romela Moya wa Eliya, gomme o tla biletša batho, bana ba Modimo, morago go Tumelo ya setlogo go swana le ge go be go le mathomong, a Lentšu.” Lentšu le ile la kgonthišišwa, Morwa wa motho ka matšatši a mafelelo, go no swana le ge go be go le ka Sodoma; maabane, lehono, le ka gosafelego. O tshephišitše go e dira. Ke tshephišo ya Modimo. Ke GO RIALO MORENA.

¹⁵⁶ Hlokomela, ba dirile selo se se swanago, go no swana le ge Moshe a dirile, go fihla ge Modimo a hwetša mo go lekanetšego ga sona.

Bjale elelwang, ke GO RIALO MORENA, e tla tla go phethagaleng mo letšatšing le. Bjale, nyakang godimo ga lefase; tšeang tshepedišo nngwe le ye nngwe ya bodumedi, tšea sehlopha se sengwe le se sengwe, tšea monna yo mongwe le yo mongwe, tšea kereke ye nngwe le ye nngwe! Ke a le hlohla, ka Leina la Kriste, go dira se, lena bareri. Ke a le hlohla gore le bale dikuranta goba go tšea kgopolo ya go tiba kae goba kae o nyakago go ya, gomme o bone ge e ba ga se lefaseng thwi bjale. Le a bona?

Gona, Mateo 24:24 e nepagetše thwi. “Ba maaka, bao ba tloditšwego ba tla tsoga ka matšatšing a mafelelo, gomme e

tla ba baporofeta ba maaka, gomme ba tla fora ba bantšhi.” E hlokomele ka diswantšho bjale, ge e etla bjale, bonang, “Ba tla fora ba bantšhi.” “Baporofeta,” bontšhi; “Bokriste,” batlotšwa, bontšhi; ba bantšhi ba go fapana, Mamethodist, le a tseba, le Mabaptist, le Mapentecost, le go ya pele. Le a bona?

Eupša go na le o motee wa nnete Kriste, Moya, gomme leo ke Lentšu le dirilwe nama bjalo ka ge A tshephišitše go e dira.

Bjale re tla sepelela pele feela gannyane pejana, go Mangwalo a mangwe.

¹⁵⁷ Go fihla, Modimo o hweditše mo go lekanego ka yona, ka gona go be go fedile. Bošilo bja bona bo dirilwe go bonagatšwa.

¹⁵⁸ Hlokomelang. Elelwang, mooko o lebelelega tlwa bjalo ka leroro la korong. Le a bona? Bjale, le ka seke la kgona go bolela, morago kua ka lebakeng la Luther, “lehlaka e be e le korong,” le ge go le bjalo le na le Bophelo ka go lona. Lehlaka le lokile, Bophelo ka gare ga lehlaka bo be bo lokile, eupša, elelwang, Bophelo bo tšwetše pele; bo tšwetše pele go tloga go Elisa go ya go Eliya. Bophelo bo fela bo tšwela pele. Eupša, elelwang, bo ka legatong le lengwe. Bo ka se dule bo le ka legatong leo. Re ka se kgone go ja molatša wa lebaka le lengwe. Re ka se kgone go ja molatša wa Pentecost, Methodist, goba Baptist. Le a bona, e tlile ya ba molatša. Re na le Dijo tše mpsha, Lentšu la iri ye, go ya pele.

¹⁵⁹ Elelwang, mooko o swana tlwa bjalo ka leroro la korong. Le ka se kgone. . . Ga se wa ke wa swana le yona ka setaleng, ga se wa ke wa swana le yona ka lenonong, eupša o ka nnete o dirile ka mookong. Ga se wa ke wa lebelelego bjalo ka go. . . Jesu Kriste yo a swanago maabane, ka go Luther; ga se a ke a swana le yona ka go Wesley; eupša ka nnete e a dira ka go Pentecost, e “e fora le bona Bakgethiwa ge go be go kgonega.” Le a bona? A šea mabaka a lena.

¹⁶⁰ Eupša elelwang, kereke yela ya Pentecost, ka matšatšing a mafelelo, e be e le Lauditšea; gomme Kriste o ile a rakelwa ka ntle, Mooko, Korong, ka Boyona. Ge A be a leka. . . Elelwang, ge A be a leka go iponagatša ka Boyena ka kerekeng, O ile a ntšhetšwa ka ntle. E be e sa le kereke, e tleleima go ba; e tloditšwe.

Eupša *mo* ka Lentšung, Kriste ka Boyena, ke Lentšu leo le tloditšwego leo le tlogo go tlela ka moka Mmele wa Gagwe, Monyalwa. Batlotšwa, ba meetse ao a swanago ao a go nošetša korong, bjalo ka ge re boletše ka wona, gape a nošetša mefoka, bao ba tloditšwego. Ke feela Bakgethiwa, goba bakgethelwapele, ba tla kgona go hlaola phapano magareng ga tšona. Bjale, Baefeso 5:1 e go botša bjalo, le ka fao e bego e lego.

¹⁶¹ Ke bao ba tloditšwego. Yo mongwe le yo mongwe o re, “Letago go Modimo! Re na le tokologo tlase mo. Haleluya! Re. . . Oo, haleluya! Re bolela ka maleme, le go taboga. Re na

le tokologo ya basadi; lena batho le leka go ba bea ka fase ga ka moka dilo tše tša mehuta.” Le a bona? Eyang pele. Ga go na le selo le ka kgonago go se dira. Le re, “Go lokile, re bolela ka maleme. Re a goelela. Re bina ka Moya. Re rera Lentšu.” Ka therešo. Ga go selo kgahlanong le sona. Ka fao go dira le banna ba morago mo ka mo Beibeleng.

Jesu o rile, “O tla fora le bona Bakgethiwa ge go be go kgonega, bona Bakgethiwa.”

¹⁶² Bjale hlokomela mooko. Go tloga go Leroro la setlogo, Leroro leo le ilego ka mobung, E be e se mokgatlo. E be e le Leroro le tee, ka gare ga Bolona. Eupša ge le etla godimo, e be e se Leroro; e be e le mokgatlo, bona, matlakala, lebele.

Gomme La ya ka go legato le lengwe, leo e bego e le lenono. Go le bjalo le be le sa swane le mathomong. E be e le mokgatlo.

La ya ka go mooko, matlakala a mantšhi, Pentecost, gabotse le bopegetše ntle bjale. Le lebelelega bjalo ka lona. Le tšea sebopego nako ka moka, gabotse tlwa bjalo ka le le swanago, o lebelelega tlwa bjalo ka Leroro la korong ge o bona modula wo monnyane wola fale.

Eupša mafelelong Le a bonagatšwa, gomme e sego mokgatlo. Ga go sa na le dirwadi bjale. Mokgatlo e no ba serwadi. Ga go sa na le dirwadi bjale; lehlaka le swanetše go hwa, mooko o swanetše go hwa, se sengwe le se sengwe gape se swanetše go hwa, eupša korong e phela go ya pele. Woo ke mmele wa tsogo, o tla fase thwi gomme wa ba kukela godimo. “Bao e lego ba morago e tla ba ba pele, gomme ba e lego ba pele e tla ba ba morago.” Le a bona, go ba kukela thwi godimo ka tsogong. A le latela se? [Phuthego e re, “Amene.”—Mor.] Tšohle di gabotse. Hlokomelang, leroro ke . . .

¹⁶³ Mooko o lebelelega tlwa bjalo ka leroro. Gomme monna yo a godišago polasa ya korong, goba se sengwe gape, o tla lebelela gomme a re, “Tumišang Modimo, ke na le mabele a korong,” mola a se na le le ge e ka ba thoro ya korong. O lebelelega feela tlwa bjalo ka korong, eupša ke mooko.

¹⁶⁴ Bjale, bagwera, eyang morago le nna. Na tsošetšo ya mathomo e tšwa kae, ka morago (ga lehu) matšatšing ge leroro la korong le ile la swanelwa ke go wela ka mobung, Mmele, Monyalwa wa Kriste? Kriste o ile a beakanya Monyalwa wa Gagwe, a seo ke therešo, Kereke ya Gagwe? Ga se a ke a E beakanya; O ile a no bea baapostola, le baporofeta, le go ya pele, ke Kerekeng, go E boloka e hlwekile. Eupša ka Nicaea, Roma, mengwaga ye makgolo tharo le tshela morago, ba ile ba e beakanya gomme ba dira mokgatlo go tšwa go yona. A seo ke therešo? Gomme ya hwa. Se sengwe le se sengwe seo se bego se sa dumelelane le kereke se be se bewa lehung. Gomme ya robala e homotše, mengwaga ye makgolo, ka leroleng.

Eupša, ka morago ga lebaka, godimo ya tla ka Luther. Tša mathomo tše nnyane ditsebjana tša lebele tša tla godimo. Ya bobedi, e kukušeditše ntle go tšwa fao. Tša ya pele, tša ba le Zwingli le go ya pele, gomme le ye mengwe mekgatlo le go ya pele. Ka gona, ka morago ga lebaka, gwa tla Anglican mmogo.

Gomme ka gona gwa diraga eng? Mo gwa tla Wesley mmogo ka tsošeletšo ye mpsha, lenono, leo le lebelelegago gannyane go feta go swana le Korong. Ka gona go direga eng go leo? Le a ipeakanya, gomme la omelela le go hwa.

Bophelo bo ile thwi ka go mooko, gomme mooko o tla pele gabotse ka go phethagala go swana le Korong. Eupša, mafelelong, bošilo bja wona bo ile bja dirwa go bonagala mo go ya mafelelo ye seswai goba lesome mengwaga, gagologolo go ye meraro ya mafelelo mengwaga. Bjale na o dira eng? O goga go tloga go Korong.

¹⁶⁵ Bjale ke ka baka la eng go se gwa ke go e ba mokgatlo wo o thomago ka mo go ye ya mafelelo ye masomepedi mengwaga ya tsošeletšo ye kgolo ye; ke baporofeta ba ba tloditšwego, baruti ba ba tloditšwego, go ya pele, eupša ka baka le eng se se gona? Ga go selo ka godimo ga Leroro. Bona, E tlile morago, ntle le mokgatlo. Oo, nna, monna wa sefoku a ka kgona go bona seo. E ka se kgone go beakanya; E eme tse kgahlanong le wona. Ke leroro la Korong; ka Boyona. Morwa wa motho o tla dirwa go bonagatšwa. Leroro la Korong le tla tla morago go Bolona gape, Morwa wa motho ka matšatšing a mafelelo.

“Gomme go tla tla tša maaka, dikekišo tša Yona, ka matšatšing a mafelelo, tšeo gabotse di forago le Bakgethiwa ge go kgonega.” Lebelelang mooko wa mekgatlo ya bona o gogela go tloga bjale.

¹⁶⁶ E dira feela Korong gore e tsebege, go Bakgethiwa, bao e lego karolo ya Yona. Hlokomelang ka fao e tlišwago ka bobotse ka mo bjale. Feela...Hlokomelang, bao ba tloditšwego ba kgona; ba therešo, Bakgethiwa, bakgethetšwepele, Baefeso 5:1, goba 1:5, ke ra gore, ba tla bewa, ba kgethiwa. Ke bona feela batee bao o ka se ba forego.

Hlokomelang, baporofeta ba ba tloditšwego e tla ba ba maaka, gomme fao magareng ga yona go tla ba batlotšwa ba therešo. A o ya go e bolela bjang? Ka Lentšu. Bjale ka, re na le yona ka morithi. A le a e bona? E reng, “Amene.” [Phuthego e re, “Amene.”—Mor.] Le a bona?

¹⁶⁷ Hlokomelang, bao ba tloditšwego, ke feela Lentšu le tla ba aroganya, e sego dika. Oo, aowa. Ba tla dira dika tše di swanago, eupša Lentšu leo le ba arogantšego. Nnete. Ka moka ba porofetile. Ka moka ba dirile *se, sela le se sengwe*, feela, go swana. Jesu o rile ba tla dira selo sa go swana. Eupša Lentšu ke leo le ba arogantšego, hlokomela, e sego dika.

168 A o kile wa hlokomela? Jesu o boletše mo, ka go Mateo 24. Ga se a ke a re, “Go tla tsoga bo Jesu ba maaka ka matsatšing a mafelelo.” Oo, aowa, ba ka be ba se ba ema ka go homola ka seo. Aowa. O hwetša Mopentecost yo e lego Mopentecost wa nnete, o re, ka bona, ke “Jesu”? Le a bona? O hwetše Momethodist, goba Mobaptist, goba yo mongwe ka mokgwa woo, goba wo mongwe wa mekgatlo, o re, “Ke rena Jesu”? Ba tseba bokaone go feta seo. Ga ba ye go dira seo. Eupša Beibele e rile e tla ba “Bokriste ba maaka,” e sego bo Jesu, eupša “Bokriste ba maaka.” Ba ka se lemoge, ge o re, “Ke nna Jesu.” Oo, aowa.

169 Eupša ke “Bokriste ba maaka,” gomme ga ba e tsebe, ka baka la gore ba kgahlanong le Lentšu. Gomme Modimo o hlatsela se se swanago. Bjale, ke no tliša se thwi fase go makgaolakgang bjale, ka baka la gore le bone se se swanago se dirwa ke batho ba seo se dirilwego ka nneteng. Gomme Jesu o boletše bjalo.

170 Bjale, bjalo ka ge ke boletše, bjale go lena batho ntle godimo, ka lefaseng la mogala fao, nna—nna ga ke le ahlole, eupša ye ke kereke yaka gomme—gomme sehlopha sa ka seo Moya wo Mokgethwa o mpeilego go se okamela, gomme ke swanetše go ba botša Therešo. Iri e ya go latelweng.

171 Bjale, ba be ba ka se kgone go emela seo, eupša, “Bokriste ba maaka,” ba maaka, bao ba tlotitšwego, gabotse ka seka se sengwe le se sengwe le letere ye nngwe le ye nngwe ya Lentšu. “Ba dumela kolobetšo ya Moya wo Mokgethwa?” Ka nnete. “Ba dumela ka moka tše?” Eye. “Ba dumela go bolela ka maleme?” Eye. “Ba dumela dika le mehlolo di a latela, dika di tla ba latela?” Eye. Bao ga se Mamethodist, bao ga se Mabaptist. Aowa, aowa. Bao ke Mapentecost. Bona, le ke letšatši la mafelelo.

Bjale, lebaka la kereke ya pele le be le ka se tsoge la lemoga seo. Lebaka la kereke ya Methodist ga se la ke la o lemoga; lebaka la kereke ya Baptist, ga se ba ke ba lemoga; lebaka la kereke ya Presbyterian, ga se ba o lemoga. Eupša, Mapentecost, ba mo kgauswi go swana le Selo sa nnete! Fao ke mo, Korong, mooko gabotse o swanago le Korong. Ba be ba ka se kgone go o lemoga. Le a bona? Ba be ba ka seke. Eupša ke matsatši a mafelelo, letšatši le. Eye, mohlomphegi.

172 Hlokomelang, go no swana le ka fao go bego go le ka gona mathomong, ka fao go tla ba ka gona mafelelong. Bjalo ka ge Efa a ila a no hlatholla Lentšu le tee ka go fošagala, Sathane o dirile go Efa, gomme a le dumela. Mosadi, e sego monna; kereke, e sego Yena. Le a bona? Kereke e bile yona ya go hwetša lentšu la maaka. Le a bona? E sego Adam; Efa. E sego Kriste; kereke, monyalwa, motlotšwa, yo a bego a swanetše go ba, a ipitša ka boyena Monyalwa, bona, o ile a hwetša lentšu la maaka.

A ga le kgone go bona seo? Ka baka la eng, o logagana mmogo bjalo ka lerala la seeta, bjalo ka dintšhi godimo ga leihlo la gago.

Ka baka la eng, se sengwe le se sengwe se o ka retologelago go sona, Beibele, E no o itia thwi mmogo. Efa, e sego Adam; Efa o a dumetše, e sego Adam. Monyalwa lehono, yo a bitšwago, o o dumetše; e sego Kriste. Monyalwa o na le ka moka mehuta, yo a bitšwago monyalwa; dika tše di swanago, dimaka tše di swanago, tša go swana se sengwe le se sengwe; eupša e sego wa nnete Yena. “Go fora Bakgethiwa ge go be go kgonega.”

Bjale ka pela, ge re ka kgona go hwetša se gore se fele ka metsotso ye lesometlhano, re tla be re le nakong. Hlokomelang ka sekgauswi kudu bjale, gore le seke—le seke la se kwišiše, go lena.

¹⁷³ Bjale, aowa, ba be ba ka seke ba emela go bitšwa “Jesu wa maaka.” Ba be ba ka seke, ba emela go bitša, “Jesu.” Ka nnete aowa. Seo se pepeneng kudu. Yo mongwe le yo mongwe o be a ka tseba seo. Yo mongwe le yo mongwe o be a ka tseba gore e be e se bona Jesu. Ga ke kgathale ge e ba ba be ba na le oli godimo ga magetla a bona, le madi godimo ga diatla le godimo le fase mahlong a bona, ba sa no tseba ke. . . Yo mongwe le yo mongwe yo a nago le sekwi se se botse, o be a tseba gore e be e se Jesu. Le a bona? Ba be ba ka seke ba emela seo. Eupša ba ipitša ka bobona “bao ba tloiditšwego.” Gomme ba dira dika le dimaka, “gabotse go fora Bakgethiwa.” “Eupša Bokriste ba maaka, bao ba tloiditšwego, ba tla tsoaga, gomme ba tla fora Bakgethiwa ge go be go kgonega.”

¹⁷⁴ Bjale hlokomelang sekgauswi. Le seke la lahlelegelwa ke setatamente se, ka baka la gore se na le maswanedi go ka theeletšwa.

O no ba a bea theipi godimo ga maekhorofoune wokhi mo, go e dira gore e seke ya fofela godimo. Ke be ke tšuloka; ka wela godimo ga theipi, le a bona.

¹⁷⁵ Gomme ka fao e tla swana le Yona, Beibele, e rile e tla ba. Le a bona?

¹⁷⁶ Hlokomelang, e sego Bojesu ba maaka. “Bokriste ba maaka!” Ba a dumela gore ba tloiditšwe, eupša ba a tseba gore ga se bona Jesu. Bonang, seo se pepeneng kudu. Ge monna a ile a ya godimo gomme a re, lehono, “Lebelelang mabadi ka seatleng saka. Lebelelang dintšhi tšaka. Ke nna Jesu.” Go lokile, bjale, re a tseba gore seo se fošagetše. Gomme, elelwang, Jesu ga se a ke a re bona mathaka ao a be a tla tšwelela. O boletše gore go tla tšwelela “Bokriste ba maaka.” “Bokriste,” bontšhi, dikereke tša maina, le go ya pele, *bao ba tloiditšwego*; ba tloiditšwe ka moya wa kereke tša maina, gomme e sego Lentšu. Le a e latela? E sego Jesu wa maaka. “Bokriste ba maaka,” ba maaka, bao ba tloiditšwego. Le a bona? Oo, e pepeneng bjang! Ka fao re. . . Ka nnete e ka seke ya be ya go lahlelega!

¹⁷⁷ Bjale, elelwang, ka mehla ke be ke fela ke le botša gore go na le mehuta ye meraro ya batho. Go na le mehlofo ye

meraro ya batho; Ham, Shem, le Japheth, mehlofo ye meraro. Mehuta ye meraro, gomme ke ile ka re, ke modumedi, modumdi wa-go itiriša, le yo e sego modumedi. Ka mehla go bile bjalo, ka mehla go tla ba bjalo. Le a bona? Go be gole Moshe, modumedi; go be go le Jannes le Jamboro; bao e sego badumedi. Le a bona? Go be go na le Biliama; Moshe. . . Ka mehla mehuta ye meraro yeo ya batho, mehuta ye meraro; modumedi, modumedi wa-go itiriša, le yo e sego modumedi.

¹⁷⁸ Bjale elelwang, bao e sego badumedi, kereke ya leina, ga e dumele dika dife goba dife le gatee; e a tonya, e a iketla, e na le statše, kereke lefaseng, kereke ya leina. Eupša modumedi wa-go itiriša ke mooko wona wola. Wo ke mothaka yo a itirišago go dumela. Gomme ka gona go na le wa mannete modumedi yo ka nnete a lego therešo. Bjale, ba hlokomele ge ba e ya mmogo bjale, feela motsotso.

¹⁷⁹ Gomme bona ka fao bao e sego badumedi ba nago le sebete ka gona, goba ba badumedi ba-go itiriša le ba e sego badumedi. Nna! Ba na le sebete, lebelelang, le ge Sathane a eme thwi godimo ka Bogoneng bja Lentšu la therešo, gomme a re, “Go ngwadilwe!” A seo se lokile?

Ke ka baka la eng Sathane a dirile seo? Ke ka baka la gore o be a sa tseba Lentšu la seo. . . O be a tseba gore Lentšu e be e le la iri yeo, eupša o be a kamaka Monna yo monnyane yo wa go kokobela ge e le Lentšu. “Ge O le Morwa wa Modimo. Ke a tseba Morwa wa Modimo o a tla, ka baka la gore Le rile O tla dira seo. Gomme go ngwadilwe, ‘O tla fa Barongwa ba Gagwe taolo godimo ga Gago.’ Le a bona? E hlatsela go nna! Dira mohlo! A ke bone Wena o o dira.” Le a bona? Le a bona?

Bonang, wa go se be modumedi, modumedi wa-go itiriša, moekiši. Lebelelang Judas thwi magareng ga bona, nako ye e swanago, modumedi wa-go itiriša! Le a bona? Hlokomelang, gomme go be go na Lentšu la therešo.

¹⁸⁰ Ka fao ba nago le sebete ka gona! “Bjale, le seke la neela kelo hloko efe goba efe go go hloka kgopolo fao. Ga go na le selo go Sona. Le seke la ya godimo kua. E no ba feela sehlopha sa lešata. Ga go na le selo go Seo. Seo e no ba mainaganelo ka moka. Se no ba ka monaganong wa gago.” Le a bona, bona seo ke se rago? Ba ema thwi ka Bogoneng bja Lentšu gomme ba e bolela.

¹⁸¹ Sathane a sepelela thwi ka gare. Bjale ka ge Beibele e boletše ka kua mo go Jude, “Le Morongwamogolo, ge a ngangišana le Sathane, o rile, ‘Morena o a go ahlola.’” Kgahlanong le Lentšu ka Bolona!

Gomme a šo molwa le kriste, motlotšwa, o eme thwi fa kgahlanong le Lentšu la nnete la letšatši, Jesu Kriste, gomme o rile, “Go ngwadilwe.”

¹⁸² Lebelelang matšatšing a mafelelo. “O tla ba kgauswi kudu o tla fora le bona Bakgethiwa ge go be go kgonega.” Oo, nna!

Lebaka leo Bakgethiwa ba ka se forwego, le a tseba gore ke ka baka la eng? Ke ka baka la gore ke bona Lentšu. Le a bona? Go no swana le Bophelo bjo bo lego ka modung, ke boletše nakong ya go feta, Le ka se kgone go ikgana ka Bolona. Bonang, Ke Lentšu gomme ka sehle sa Lentšu. Seo se nepagetše.

¹⁸³ Go no swana le Jeremia, o be a tseba. Go sa kgathalege gore Hananya o boletše eng, o be a tseba moo a bego a le gona. Seo se no swana tlwa le ka fao Moshe a dirilego, le—le ba bangwe ba bona. Ke gore, o be a tseba, go sa kgathalege gore moporofeta wa maaka o be a reng, go be go le Lentšu la Modimo. Go be go ngwadilwe.

Ke ka lebaka leo Mika a bego a kgona gore, “Tšohle di gabotse, e nong go leta gomme le bone.”

Ahaba o ile a re, “Ke dumela baporofeta baka. Mokgatlo waka o a rereša. Ge ke bowa morago ka khutšo... Beang moisa yoo morago ka kua teronkong. Ke tla tšea tlhokomelo ya gagwe! Mo feng senkgwa sa mahloko. Mo raketeng ntle, le seke la ba le kopanelo le yena le ga nnyane. Ge ke bowa ka khutšo, ke tla tšea tlhokomelo ya mothaka yola.”

¹⁸⁴ Mika a re, “Ge o ka bao ka moka, Morena ga se a bolela le nna.” O be a tseba gore o be a na le GO RIALO MORENA, gomme pono ya gagwe e be e le tlwa le GO RIALO MORENA; ya sehla se e sego ya sehla se sengwe, eupša ya sehla seo. Amene! Haleluya! Sehla!

¹⁸⁵ Sebete, o emela godimo gomme a ngangišana le Morongwamogolo! Go boletšwe, gore, “Mašilo ba tla gata ka metomelwana ya dieta fao Barongwa ba boifago go sepela.” Seo ke therešo.

¹⁸⁶ Lebaka leo Bakgethiwa, Jesu a ilego, ba ka se forwe, ka baka la gore ke bona Lentšu. Ba ka se kgone go ba se sengwe gape. Ba ka se kgone go kwa se sengwe gape. Ga ba tsebe se sengwe gape. Seo ke therešo.

Elelwang, Moshe ga se a ke a rwalelwa kgole ke ka moka dikekišo tša bona. A o ile? Moshe o rile, “Bjale, ema motsotso, Farao. O a tseba ke eng? Morena o mpoeditše gore ke dire se, eupša, letago go Modimo, ke a bona gore bašimane ba gago ba kgona go dira selo se se swanago. Ka fao, ke tla go botša se ke tlogo go se dira, ke tla go tšoenana?” Huh! Seo ga se kwagale bjalo ka moporofeta wa Modimo. Aowa, ka nnete! O ile a no ema ka go se šišinyege ka fao a bego ka kgona go ema. O be a tseba, tlwa, Modimo o b a tla e hlakomela ka mokgwa wo o itšego, ka baka la gore O be a tšephešitše go dira. “Ke tla ba le wena. Nka seke ka go tlogela.”

¹⁸⁷ O be a tseba, ka fao ga se a ke a tšoenana lebona. Oo, aowa. O ile a dula thwi le bona. Ga se a ke a nyaka selo sa dikereke tša bona tša maina. O ile a dula thwi le Modimo. Ga se a ke

a rwalelwa kgole ke ka moka dilo tšeo ba bego ba kgona go di dira. Ge ba be ba dira selo se setee. . . O ile a tliša dintā; ba tliša dintā. O ile a tliša madi; ba tliša madi. O ile a tliša se sengwe le se sengwe; ba ile ba mo ekiša tsela ye nngwe le ye nngwe, thwi go bapela. O ile a no ema a ikhomoletše. O be a tseba tšwa eng. Modimo o be a le mošomong.

Le a kwišiša bjale? [Phuthego e re, “Amene.”—Mor.] Le tšea pedi le pedi, gomme la dira nne? [“Amene.”] Ga le nyake go fiša ga kudu. Ka fao, ka fao le—le a kwišiša, bona.

¹⁸⁸ Ka baka la eng? Ba ka se forwe ke wona. Modumedi wa mmakgonthe, ke bona Peu ye e kgethetšwegopele ye e swanetšego go ema ka letšatšing.

¹⁸⁹ Feela, gape, Jesu o boletše se, “Ba bantšhi ba tla tla ka letšatši leo, ka Leina Laka, gomme ba re, ‘Morena, a ga se nke ke lelekela bodiabolo ntle ka Leina la Gago?’” Jesu o rile, “Ka matšatši a mafelelo, ge nako ka moka e fedile gomme tšogo ye kgolo e etla, gore ba bantšhi ba tla tla gomme ba dula fase ka Mmušong.” Mmušo wa Modimo o ka gare ga lena.

Ba bantšhi, ngwang o tla tla gomme wa dula fase thwi le Korong, wa re, “Bjale, ema motsotso, Morena! Ke boletše ka maleme. Ke goeletše. Ke binne ka Moya. Ke leleketše bodiabolo ntle. Ke boletše ka maleme. Ke dirile ka moka dilo tše.”

Na O tla reng? Hlokomela. “Lena badiri ba bokgopo, Ga se ka ke ka le tseba.”

¹⁹⁰ Na *bokgopo* ke eng? Botšiša yo mongwe. Ke “se sengwe se o tsebago gore o swanetše go se dira, gomme ga o se dire.” Ba tseba Lentšu leo. Ba a Le kwa. Le theetša theipi ye. Le theeditše Molaetša wo. Le kwa Morena Modimo o bolega bjalo; le bona Yena a le hlatsela, a le dira gore e be therešo. Gomme le tseba Se feela ka mo go lego pepeneneng go no swana le letšatši ge le phadima ka ntle, eupša lena bao le tla swarelelago go kereke ya lena ya leina, le swarelela godimo ga dilo tšeo tša maaka; lena badiri ba bokgopo!

“Oo, eye, ke bile le dikhampheine tše kgolo. Ke dirile se. Ke dirile *sela*.”

A re, “Tlogang go Nna, lena badiri ba bokgopo, Nna ga se ka ke ka le tseba.”

¹⁹¹ “Go lokile, Moya wo Mokgethwa o wetše godimo gaka.” Ga ke kamake seo le gannyane. “Ke boletše ka maleme. Ke opetše ka Moya. Ke dirile. . .” Ga ke kamake seo le gannyane. Ga go potšišo go seo. Oo, ngwanešu, kgaetšedi, ke mohuta mang wa leemo!

Ye ke nako ya go roromela. Na re mo kae? Lentšu le le tla Bophelong bjale. Hlokomelang.

¹⁹² Eye, O rile ba tla dira seo. Hlokomela, “Lena badiri ba bokgopo.” Ke na le Lengwalo le ngwadilwe fase mo. Ga ke tsebe feela gore le be le le kae. Ke tšere nako ye ntšhi. Ke ya

go le lebelela, motsotso feela, gomme ke bone gore le be le le eng. Ke na le—ke na le Mateo 7:21. Ke—ke no se tsebe gore kae. Nna, nako ye nngwe ga ke ngwale se sengwe fase le lona, go lokile, ke ke rera ka tsela ye, ke—ke lebala seo ke bego ke se šupa godimo ga Lengwalo. Mateo 7:21.

Ga se yo mongwe le yo mongwe yo a rego go nna, Morena, Morena, a tla tsenago ka mmušong wa magodimo; eupša yo a dirago thato ya Tate waka yo a lego legodimong.

Ba bantšhi ba tla re go nna ka letšatši leo, Morena, Morena, a ga se rake ra porofeta . . .

Baporofeta, bao ba tloiditšwego! A seo ke therešo? “A re be re se moporofeta? A re be re se batlotšwa, bao ba tloiditšwego? A ga se nke ke porofeta ka Leina la Gago? Gomme ka Leina la Gago a ga se nke ke leleka bodiabolo?” A le ka kgona go dira seo bjang, gomme la gana go kolobetšwa ka Leina la Jesu? Le a bona? Oo, nna! Le bona ka fao e forago ka gona? Thwi godimo go ya ntlheng yeo, ka gona ya wela morago. Ba ya thwi godimo go Lentšu, ka gona ya wela morago. Bjale hlokomelang se. Re hwetša se ka ntle, motsotso feela.

Ba bantšhi ba tla re go nna . . . Morena, Morena, a ga ra ka ra porofeta, re be re le baporofeta? . . .

Eye, ke boletše ka seo ka go Mateo 24:24.

. . . gomme ka leina . . . leleketše bodiabolo ntle? gomme ka leina la gago re dirile tše ntšhi dima- . . . mešomo ye mentšhi?

Gomme ka gona Nna ke tla re go bona, Ga se ka ke ka le tseba: tlogang go nna, lena badiri ba bokgopo.

“Ge Le be le beilwe thwi pele ga lena gomme lena le Le bone, gomme le Le bone le sepela, le bone gore E be e le Lentšu; gomme ka baka la kereke ya lena ya leina le nno swarelela go yona. Ga se ka ke ka le tseba. Ga ke kgathale gore o leleketše ntle bodiabolo ba bakae, ke ga kae o dirilego se le sela; Ga se ka ke ka tseba selo ka lena.”

Biliama o rile, “Ke porofetile therešo, ka Leina la Gago. E ile ya tla phethagalong.”

¹⁹³ “Seo ke therešo tlwa, eupša, ge e etla go Lentšu, le Le ganne.”

Oo, ngwanešu, a o bona karolo ye e forago? E sego “moporofeta,” tlwa; eupša ka Lentšu, Lentšu la therešo, Lentšu le le hlatsetšwego la dirwa go bonagala. “Lena badiri ba bokgopo!”

¹⁹⁴ Go leka, Sathane o lekile mo go mabaka ka moka go ekiša Lentšu la therešo. Re tseba seo, a ga re?

¹⁹⁵ Hlokomela, o tla godimo go fihla mollwaneng gomme a tšwa. Lebelelang mo, O rile, ka go Baheberu ya 6 tema, bjale,

re be re bala nakong ya go feta. Ke le boditše lebelelang morago go yona, gomme re tla dira metsotso ye e sego ye mekae ya go latela. O rile:

...eupša meetlwa le ditshehlo...tšeo di lego kgauswe le go ganwa; tšeo mafelelo a tšona e lego go tšhungwa. (Mollwaneng!)

...bao ba latswitšego...mpho ya legodimo,...

“Ba latswitše,” ka mantšu a mangwe, le Le bone! Le ka se kgone [Ngwanešu Branham o tianya dipounama tša gagwe mmogo—Mor.] e nong go Le leka ka molomo wa gago. Eupša le Le bone, gomme le tsebile gore Le be le le Therešo. Le tsebile gore Le be le le Therešo. “Ba latswitše mpho ya Legodimo.”

...gomme la dirwa batšeakarolo ba Moya wo Mokgethwa, ge O wetše godimo ga lena.

...le latswitše lentšu le lebotse la Modimo,...

“Le latswitše,” le bone gore Le be e le la nnete. “Gomme Moya wo Mokgethwa ge o wela godimo ga lena,” ngwang mašemong.

...gomme ka gona la retologela go tloga,...

“Le gana yena Kriste yo a le hlwekišitšego, gomme a le beditšego, gomme a bea tlotšo yela godimo ga lena.”

...ga go sa na le sehlabelo se sengwe gape sa sebe, sa seo.

Ke sa go se lebalelwe! “Ga go kgonege go bona gore ba ka tsoga ba tla tsebong ya Therešo.”

Ka gore ga go kgonege go bao ba...dirilwego batšeakarolo ba Moya wo Mokgethwa,

E wetše godimo ga ngwang, bonang, “E thomile ka Jesu, gomme, ‘Morena, ke ya go kgabola,’” eupša ge o thula Lentšu leo, o boela morago. “Ba dirilwe batšeakarolo ba Moya wo Mokgethwa, gomme ba be ba latswa, goba ba bone Lentšu ka Bolona le bonagatšwa.” Gomme ka gona ba retologa go tloga go Lona, “Ga go kgonege ka go felela go bona go ka tsoga ba Le bona goba ba tla go Lona.”

Seo ke GO RIALO LENGWALO. Bjale, le... “Magodimo le lefase di tla feta, eupša Le ka seke.” Le a e bona? “Go se kgonege ka go felela.” Beibele e boletše bjalo, gomme Moya o bea bohlatse bja yona.

¹⁹⁶ Hlokomelang, a nke ke le feng mohlala wo monnyane. Lebelelang batho bale ba ba tšwetšego ntle ka fase ga seporofeto sa Moshe, ba tšwetše ka ntle ga mokgatlo wola, gomme ba tšwetše ka ntle ga selo se sengwe le se sengwe, ka fase ga seporofeto, ba bone mešomo ye megolo le dimaka, le dilo tša go swana le tšeo, gomme ba tla godimo mothalong wa mollwane wa go ya ka gare.

Bjale, Lee, fao go tla la gago “leina Pukung.” Le a bona? O le hweditše le beakantšwe. Gomme lena ba le sego gona mo, gomme le ntle ka go—ka go go kgokaganyweng-godimo, ke Ngaka Lee Vayle a dutšego mo. O iša puku ye ya Mabaka a Diphuthego tše Šupago go kerama. Gomme bothata bo tliile godimo, goba potšišo, ka la gago “leina le tšewa go tloga Pukung ya Kwana ya Bophelo.” Le a bona, e gakantšha badiredi ba bantšhi. Eupša letang go fihla le hwetša puku, le tla e kwišiša ge le no ba le Seetša se se itšego ka go lena. Le a bona?

¹⁹⁷ Hlokomelang, bjale, o tla retolla hlogo ya gago gomme o ka seke le go no lebelela go Lona ge o sa nyake go Le bona. Go swana le mme waka o be a fela a re, “O ka se kgone go hwetša madi go tšwa go thenipi, ka gore ga go na le madi ka go yona.”

¹⁹⁸ Hlokomelang, Seetša se swanetše go tla; ga se ka leswiswing. Seetša se tla go leswiswi, gomme leswiswi ga le Se lemoge. Hlokomelang bjale bao ba tloiditšwego ka letšatšing le.

Bjale ka Moshe a ntšheditše ntle bana ba le ba Israele; gomme ba ile ba theetša gomme ka moka ba gakanega le setšhaba se segolo sela godimo kua. Bjale, Israele e be e le kopano ya dikereke tša maina. E be e se na le naga, e se na le legae. E be e eya legaeng.

Ga re na le kereke. Ga se rena. . . Re ya—re ya Kerekeng, Kereke ya Maitšibulo, Kereke yeo e lego Letagong; e sego kereke yeo e lego lefaseng, ka monna. Kereke yeo e lego Letagong, bao ba bileditšwego-ntle, bakgethelwapele go ya Bophelong bjo Bosafelego, le a bona, ba ya Legaeng la bona.

Gomme ge ba etla lefelong go tshelela ka kua, ba ile ba kamaka Lentšu, gomme ba tla morago. Ka morago ga ge Joshua le Caleb le bona ba ile ka kua gomme ba tliša morago mokgotho wa diterebe, go hlatsela go bona gore naga e be e le gona, tshephišo ya Lentšu la Modimo, “Ke naga ye botse, maswi le todī.” Gomme ba e tliša morago, ka lehlakoring le, go e hlatsetša go bona. Gomme ba ile ba e latswa, gomme ba re, “Oo, oo, re ka se kgone go e dira, le ge go le bjalo.” Go diregile eng? Ba hwetše lešokeng. Ba ile ba dula thwi fao gomme ba ipopa ka bobona, gomme ba hwa, yo mongwe le yo mongwe wa bona.

Eupša ba ba ilego ka kua gomme ba tliša morago, Joshua le Caleb; Moshe o ile a fetolwa. Seswantšho sa go leta ga Kereke; le tsogo ya Tastamente ye Taala, Tastamente ye Mpsha; le Mmele wo o hlatlošitšwego. Le bone tše tharo fao? O swanetše go boloka tšona ditharo mo mothalong, bona, ka fao, ka go modumedi le yo e sego modumedi. Le a bona?

¹⁹⁹ Hlokomelang ka fao e bego e “feleletše.” Elelwang, Modimo ga se a ke a lebalela sebe seo. Bjale ba ya go tla bjang ka gare? Ge e le meetlwa, go thomeng ka yona, ke meetlwa ka mafelelong. Ke feela ba ba kgethetšwego pele ba tla Le bonago.

²⁰⁰ Hlokomelang ka sekgauswi bjale. Go no swana le matšatšing a Mokgethwa Martin, thwi pele ga Mabaka a Leswiswi; monna yo monnyane wa bomodimo. Ke ba bakae ba ba kilego ba bala dingwalwa tša Mokgethwa Martin? Ba bantšhi ba lena ba dirile. Re ile tlase go tšea dingwalwa tša Mokgethwa Martin; moprista a re, “Eupša o be a se a amogelwa go ba ka Beibeleng.” Nnete, o be a se; e sego ka bona, eupša o be a amogetšwe ke Modimo. Moya wo Mokgethwa o re boditše gore re mme fale godimo ga lebaka la phuthego ya boraro. Le a bona?

²⁰¹ Lebelelang ka fao e bego e le monna yo monnyane wa bomodimo; a beditšwe, a kgethetšwepele. Batswadi ba gagwe, bahetene. Tatagwe, lesole. O be a swanetše go latela llaene, go ba lesole. Gomme, ge a dirile, gomme ka mehla a dumela gore go be go na le Modimo felotsoko; monna wa dikoteng, gomme o be a kgona go bona Modimo. Letšatši le lengwe o ile a feta toropokgolong, gomme go be go na le mahlalela wa go tšofala a robetše fao, a ehwa, a kgopela yo mongwe. . . O be a tonya bošegong bjo. “Oo,” o ile a re, “mphe se sengwe sa go mpotoka; ke tla hwa bošegong bjo.”

²⁰² Ga go le yo motee yo a bego a ka e dira. Gomme Martin a dula lehlakoring le letee gomme a mo ela hloko lebakanyana. Ga go le yo motee yo a bego a ka e dira. O be a na le jase e tee feela. Ka fao o be a tla gatsela, ka boyena, o be a le mošomong, ge a—ge a mo fa jase yeo. Ka fao a gopola, “Bobedi bja rena re na le sebaka sa go phela ge nka abagana le yena.” Ka fao o ile a tšea jase ya gagwe mong, gomme a e pharoganya ga bedi ka tšhoša ya gagwe, gomme a potoka mahlalela wa go tšofala ka go yona. Gomme a potoka ya gagwe mmong jase go dikologa.

Yo mongwe le yo mongwe o be a re, “Lebelelang mohlapetši wa go lebelelega gampe. Lebelelang lesole la go lebelelega gampe, jase ya seripa e potokile go mo dikologa!”

²⁰³ Bošego bjo bo latelago, ge a be a se mošomong gomme a robetše ka mpeteng wa gagwe, o ile a tšošwa. A lebelela, go eme ka fao kamoreng, gomme fao go be go eme Jesu Kriste a ipotokile ka go seripa sa go tšofala sa seaparo sela a go se bea go mo dikologo. O ile a tseba thwi nako yeo, “Seo o se direlago ba bannyane ba Baka, seo o se diretše Nna, go motlotšwa waka,” a robetše fao.

E be e le modiredi yo mogolo wa Modimo. Kereke e ile ya dira metlae ka yena, ya mo tšaiša, ya mo ragela ka ntle, le se sengwe le se sengwe gape, eupša e be e le moporofeta wa Modimo. Seo a se boletšego se tla go phethega. Go na le ba bantšhi ba ba mo dumetšego lebakeng leo, gape.

²⁰⁴ Ke nyaka go le laetša ka fao Diabolo a forago ka gona. Letšatši le lengwe o be a dutše ka boithutong bja gagwe. Godimo gwa tla morongwa yo maatla, korone godimo ga hlogo ya gagwe,

a rwele dieta tša gauta, moketwana wa gauta go dikologa diaparo tša gagwe, gomme a re, “Martin, a o a ntseba?” A re, “Ke nna Morena le Mophološi wa gago. Ke nna Yo a go phološitšego. Nthapele, Martin.” Eupša moporofeta yoo, o be a tseba gore go na le sengwe se sennyane se se sego sa tlwaelega fao, a fela a mo lebeletše. A re, “Martin, Ke nna Mophološi wa gago, Jesu Kriste. Nthapele! A ga o ntseba, Martin?”

²⁰⁵ Martin a fela a mo lebeletše, Lengwalo le kitima go kgabola mogopolo wa gagwe. A re, “Sathane, tloga mo go nna.” A re, “O na le korone godimo ga hlogo ya gago. Gomme Lentšu la Modimo le re ‘bakgethwa ba Gagwe ba tla Mo’ rweša korone mafelelong a lebaka.”

A seo e be e ka se be tšeletšo ya Mapentecost? Hlokomela Lentšu lela, ngwanešu. Ke fao le lefago.

²⁰⁶ Letšatši le lengwe, gape, ka monasetering, ba be ba na le mokgethwa o motee wa go tšofala tlase kua, sehlopha sa dimonko. Go be go na le yo motee wa bona a na le go tshwenya. Hlokomelang se, fa go na le se sebotse—se sebotse seswantšho lehono. O be a nyaka go ba se sengwe ka godimo ga bona ka moka. O be a nyaka go iponagatša ka boyena, maatla a taolo, se sengwe se segolwane, se sengwe se sekaonana, maemo ka moka, le a tseba, gomme se sengwe se setona se segolo. O be a swanetše go ba wa maemo. Ka mehla a nyaka gore baena ba bangwe ba seke... Le a tseba, o be a swanetše go ba yo a fapanego. Le a bona? O, go sa kgathalege gore e be e le eng, o be a le senganga kudu. O be a le yena leswikana la go thelela lešing la lewatle a nnoši. Go be go se na le yo motee yo a bego a ka kgona go mo kgwatha. Bjale hlokomelang gore go ile gwa direga eng. O be a swanetše gore a be le se sengwe se segolo. O be a swanetše gore a bapele le—le disosaiti tše kgolo. A le a ntatela? Le a bona? Ka fao, o ile a re, o ile a porofeta. O ile a re, “Morena o ntirile moporofeta le nna. Ke nna moporofeta.”

Bjale, go be go na le moporofeta yo a tsebjago ka nageng, gomme yoo e be e le Mokgethwa Martin; o be a tswetšwe e le moporofeta.

²⁰⁷ Eupša ngwana yo o ile a re, mothaka yo moswa o ile a re, monko yo moswa a ka bago mengwaga ye masomepedi tlhano ka bokgale. O ile a re, “Morena o ntirile moporofeta, ke ya go e netefatša go lena.” A re, “Bošegong bjo Morena o ya go mpha ye kgolo, ye botse kobo, o ya go e bea godimo gaka, kobo ye tšhweu, gomme ke dule magareng ga lena. Ka gona ka moka ga lena le tla tla godimo go nna, le a bona, gomme le tla tšea ditaelo go tšwa go nna.”

²⁰⁸ Bjale bapetšang seo lehono, bonang, “Ke tla ba hlogo ya mokgatlo. Ke tla le hlokomela, ka moka ga lena dimonko.”

Gomme ka nnete go lekanela, “Bošego bjoo, dietša tša tla godimo ka moagong,” ka fao sengwalwa sa Mokgethwa Martin

se a bola. Se bale. Gomme se a rereša. Ke histori. Gomme mabone a tla godimo, gomme ka moka ga bona ba be ba lebeletše, gomme fa go tla... O apere kobo ye tšhweu, o eme magareng ga bona. A re, “Le bona seo ke le boditšego sona?” Eupša se be se le kgahlanong le Lentšu.

²⁰⁹ Gomme ge a ile gomme a hwetša deane ya go tšofala ya kholetšhe, o ile a sepelela godimo-le-fase ga nnyane, a re, “Morwa, seo ga se kwagala gabotse.” A re, “Go na le tsela e tee feela.” Še yona! “Go na le tsela e tee feela ya rena go tseba. E be e lebelelega e le ka godimo ga tlhago.” Mošimane, Pentecost nkabe e ile ya topa seo, modu, sesubeletši, laene, huku, le se sengwe le se sengwe gape! O ile a re, “Mohlole o ka no bonagala o le therešo, eupša ga o bonagale e se therešo go Lentšu. Bjale, re na le motho wa mohuta woo, moporofeta yo a tloiditšwego, wa leina le Martin. E tla, eya godimo pele ga gagwe.”

Moisa a re, “Aowa, aowa! Martin ga a na le go dira selo ka se.”

²¹⁰ Gomme a re, “O a ya, le ge go le bjalo.” Gomme ba mo swara ka letsogo, ba mo tšea ba mo iša pele ga Martin, gomme seaparo sa mo tlogela.

²¹¹ Le a bona, “Go fora Bakgethiwa ge go be go kgonega.” Le a bona, ba a ba tseba. Jesu o rile, “Dinku Tšaka di tseba Lentšu Laka.”

“Oo,” le re, “go kwa Laka Lentšu.”

Leo ke Lentšu la Gagwe. “Monna a ka se phele ka senkgwa feela, eupša ka Lentšu le lengwe le le lengwe.” Le a bona? Bakgethelwapele ba tseba se. “Lentšu leo le sego la tlwaelega, goba lentšu le le sego la tlwaelega, di ka se le latele.”

Ke ka tsela ye ka baisa bale morago kua; ba ile ba seke ba latela. Ba be ba tseba gore Martin o fao, moporofeta wa lebaka leo, a tsebaditšwego ke Modimo ka Lentšu, ba tseba Lentšu. Gomme monna yoo o be a ka seke a ema pele ga Lona.

²¹² Gape O rile, “Fao go lego Setoto,” goba Lentšu, “fao, ka sehla, dintšhu di tla kgobokana.” Bjale ke Mat-... Le nyaka go bea yeo fase, ke Mateo 24:28. Feela lebakana le lennyane pele, Mateo 24:24; ditimana tše nne ka fase ga yona, bona, ge o nyaka go e hwetša. “Fao go lego Setoto,” go lego Manna, go lego Lentšu, “fao dintšhu di tla kgobokanywa.”

²¹³ Bjale ke swanetše ke phakiše. Ke lebeletše godimo kua gomme ke bona gore ke nako... Ke—ke metsotso ye šupa goba ye seswai ka morago ga lesompedi. Ke tla phakiša ka lebelo kudu, goba re ka se kgone go o fetša bošego bjo, e tee ye le nyakago go e dira e direng. Mosong wo goba bošegong bjo? Huh? Ke ba bakae ba ba swanetšego go ya gae lehono ka morago ga tirelo, a re boneng seatla sa gago, bona. O, nna, bokaone re tšwele pele!

Ke kgopela tshwarelo go swarelela bona batho go yona ntle kua ka tsela yeo, eupša ke tla phakiša. Le tura go feta tšhelete ya gago. Ke a dumela le a dira, go nna, bona. Tšhelete ya gago e tla senyega. Le le ka seke; Ke Lentšu. Le a bona?

²¹⁴ “Fao go lego Setoto, moo dintšhu di tla kgobokanywa.” Fao go lego Setoto, fao se—se—se se bolailwego se lego, moo dintšhu di tla kgobokanywa. Fao Nama ye mpsha e lego, Lentšu la sehla, moo dintšhu di tla kgobokana.

Eupša ka morago ga ge e bodile, manong a tla kgeregela go yona. Eye. Le bona se ke se rago? Ge polao e direga, mo go tla dintšhu; eupša ka morago ga ge se robetše fale, gomme sa bola, ka gona mo go tla manong. Ntšhu e ka se be le selo go dira ka sona. Le a bona?

Jesu o rile, “Fao go lego Setoto,” fao Manna a welego, bošego bjo Manna a wa e le a maswa, “fao dintšhu di tla A kgobokanela.” Ao ke Manna a letšatši. Le a bona? Hlokomelang.

²¹⁵ Eupša ka morago ga ge se bodile, diboko di tsena ka go sona, ka gona mo go tla manong. Ga a kgone go se dupelela go fihla se hwetša go bola. Ga go makatše ge Jesu a ile a ema gomme a re, “Jerusalem, wena yo o kgalilego moporofeta yo mongwe le yo mongwe ka maswika!” Hlokomela lešala mong, bonang, “Jerusalem, Jerusalem, ke ga kae fao Ke. . .” E be e le Mang? “Ke ga kae mo Ke swanetšego go go kgobakgobela bjalo ka kgogo e dira mantswiana a yona, wena yo a kgalilego moporofeta yo mongwe le yo mongwe Nkilego ka mo romela go wena,” kereke ye kgolo yela, Jerusalem.

²¹⁶ Jerusalem yeo e sego ya mo lefaseng, “eupša Jerusalem ya Godimo,” fao Lentšu le tšwago gona, go tšwa kgethelongpele, bona. E sego Jerusalem ya kgale yeo e senyegago; Jerusalem ye Mpsha ye e ka se kgonego go senyega. E sego Jerusalem ya kgale, ya go agiwa ke monna; eupša Jerusalem ye Mpsha ya go agiwa ke Modimo, bona, Lentšu godimo kua bjale le dirwa go bonagatšwa. “Ka ntlong ya Tate Waka go na le dintlokgoparara tše ntšhi. Ke tla ya go le lokišetša tšona,” Mohlodi a dira mekgotha ya gauta, le go ya pele. Ke Yona e sa senyegago.

²¹⁷ “Jerusalem, Jerusalem, ke ga kae mo Nna,” go tloga mathomong a nako; e sego Motho wa boraro, yo mongwe gape, eupša, “Ke be nka be ke go alametše wa kgogo ge e alamela mantswiana a yona, eupša ga se wa ke wa dumela. Eupša bjale iri ya gago e tšile.” Le a bona?

“Fao go lego Setoto, dintšhu di tla kgobokana.” Eupša ka morago ga ge setoto se bodile, gona dibobodi di a kgobokana. Le a bona?

²¹⁸ Hlokomela. Moshe, ga se a ke a efa bana ba Modimo. . . Moshe e be e le ntšhu, gomme ga se a ke a efa bana ba Modimo

mašadiša a Noage. Le a bona? O be a na le Lentšu le leswa la Modimo. “Morena Modimo o kopane le nna ka lešokeng, gomme a tiišeletša Lentšu la Gagwe, gomme o nthometše tlase mo go le biletša ntle.” Ka gona fao go tla baekiši go dikologa, ba le ekiša. Le a bona? Eupša o be a na le Lentšu la iri.

Tharešo, Modimo o rile go Abraham, yena yo a bego a na le tshephišo, “Peu ya gago e tla diilela nageng ye šele, mengwaga ye makgolo a mane, eupša Ke tla ba etela gomme ka ba ntšhetša ntle ka letsogo le le maatla.”

219 Moshe a re, “Bjale, Morena Modimo o tla bolela le nna gomme a ntaetša, gomme o mpoditše se ke swanetšego go se dira, gomme ke tla le botša.” A re, “‘KE NNA’ o nthomile.”

“KE NNA!” E sego “Ke be ke le, goba ke tla ba.” “KE NNA,” lebaka la bjale, Lentšu bjale. E sego Lentšu le le bego le le, goba Lentšu le le tlogo go tla; Lentšu le le lego bjale. Le a bona? Le a e hwetša? “KE NNA!” “KE NNA” ke Lentšu. “Mathomong go be go le Lentšu, gomme Lentšu o be a le go Modimo.” A seo ke therešo? “KE NNA.” “Modimo o nthomile bjalo ka moporofeta wa Gagwe, go hlatsela se go ba therešo. Ke nna karabo go Lentšu le, o mpoditše go tla fase mo go dira se.”

220 Gomme ge a le dirile, Farao a re, “Go lokile, re na le bašimane ba bantšhi ka sehlopheng sa rena ba ka kgonago go dira seo, le bona,” baekiši.

Jesu o rile, “Bjale, seo se ya go ipoeletša gape ka matšatšing a mafelelo,” le a bona, ba tleleima selo se se swanago. Hlokomela gore ke mang yo a tlogo tlase pele. Hlokomela gore ke mang yo a dutšego le Lentšu. Seo ke yona. Ke ka fao e tsebegago, ka fao le a bona.

221 Re bona, Moshe ga se a ke a ba nea seo se bego se le nakong ya Noage, “Re tla aga areka bjale, ka baka la gore ke Lentšu, le a tseba. Noage o ile a aga areka letšatši le lengwe.” Aowa, dipekwa di be di ija seo. Aowa, aowa. Aowa.

222 Le ke Lentšu le le tshephišitšwego. Hlokomelang, ka gore molaetša wa gagwe o bile nawo go tšwa go Modimo, o bile le Lentšu la Modimo la mmannete le le kgethetšwegopele la iri yeo.

Le Jesu ga se a ke a ba fepe ka mašadišwa a Moshe. Moshe o be a na le Lentšu la iri yeo, eupša Moshe e be e le moporofeta. A šo Modimo ka Boyena, le a bona, ga se A ke a ba fepa ka a Moshe—Moshe mašadišwa.

Eupša e no lebelela dipekwa fale ka mokgatlong wola, di be di bokana ka godimo ga wona. “Re a tseba! Re na le Moshe! Ga re a swanela go ba le Wena.”

223 O ile a re, “Ge nka be le tsebile Moshe, le be le tla tseba Nna, ka baka la gore Moshe o boletše ka Nna.” Oo, nna! Le a bona?

“Fao go lego Setoto, dintšhu di tla kgobokana.” Dintšhu! Sebolawa se seswa sa Lentšu, Lentšu le godišeditšwego godimo gomme la nontšhwa, gomme la dirwa go bonagatšwa gomme la neelwa ntle go Dijo tša bana.

Bjale, setoto sa kgale se se robetšego fao makgolo a mengwaga, fao se tla ba gona.

Go swana le bjale! Luther o be a na le molaetša wa tshokologo; eupša, lena sehlopha dibobodi tša Maluther! Baptist e be e na le molaetša; eupša, le na dibobodi tša Mabaptist! Le a bona! Pentecost e be e na le molaetša; go tla gae bjale, dibobodi tša Mapentecost!

“Eupša fao go lego Setoto, moo dintšhu di tla kgobokana.”

²²⁴ Ellelwang, o be o ka se kgone go fepa Leluther, morago matšatšing a o (o ka kgona bjale), ka nama ya go hwa ya go bola ya Katoliki. Aowa, mohlomphegi. O be a na le nama ye mpsha. Leo e be e le leo la kereke lebaka.

O be o ka se kgone go fepa Momethodist, ka molaetša wa Luther. Oo, aowa, o be a sa nyake nama yeo ya go hwa ya go bola. E bodile. Le a bona, Bophelo bo be bo e tlogetše gomme bo ile ka go se sengwe gape. Leo ke lehlaka la go tšofala leo le hwilego, morago kua. Bophelo bo sepelela pele.

Le bile o ka se kgone go fepa Monyalwa wa Jesu Kriste ka Bopentecost. Aowa, le ga tee! Mekgatlo ya go tlala ka diboko; go go se se e se dirago! Aowa, aowa!

Ka gore tshephišo ke, “Gomme pele ga ge letšatši le legolo le le šiišago le etla, Ke tla romela go lena Eliya moporofeta. O tla bušetša dipelo tša bana morago go Tumelo ya botate gape.” “Ka moka ditshpehišo di dirilwego ka Beibeleng, Ke tla di dira, gomme fao dintšhu di tla kgobokana.” Bohle bao Tate a Mphilego ba tla tla go Nna.” Le a bona?

²²⁵ Jesu ga se a ke a leka seo. Eupša ge Jesu a etla, O hweditše tšona dihlopha tša manong, “Re na le Moshe le molao.” Le a bona? Go lokile, e be e le tsela e kaone ya goja morago kua ge se be se bolailwe gomme sa fiwa bona. Bona, seo se be se lokile nakong yeo.

Eupša se ke se sa go bolellwa pele ke Moshe, ka boyena, wa go bolaya sehlabelo, a re, “Morena Modimo wa lena o tla tsoša magareng ga lena, le bana ba bolena, Moporofeta. Go tla tla phethagalong, gore yo mongwe le yo mongwe yo a ka se kgomarelego Moporofeta yoo le seo A se bolelago, o tla kgaolwa go tšwa magareng ga batho.” Gomme go bile bjalo.

²²⁶ Lebelelang ka fao e ka bago makgolo a a tshellego a diporofeto tša go fapana di ilego tša phethagala fao, tša Tšament ye Taala, go Jesu Kriste. “Ba hlabile diatla Tšaka le maoto Aka.” E ka ba, ke lebala gore ke tše kae tša go phethagala ka tše šupa goba tše seswai diiri tša bophelo bja Gagwe, ka moka ga tšona baporofeta ba di boletšego, ka phethagalo.

²²⁷ Ge ke porofetile lehono gore selo se se itšego se tla direga ngwaga go tloga bjale, mohlomongwe ke na le—ke na le sebaka sa diperesente tše masomepedi gore sona se direge, goba se nepagetše goba se fošagetše. Gomme ge ke boleletše pele gore seo se tla direga, gomme ke se ka bolela gore neng, ke na le peresent ye nnyane. Ge ke boleletše pele gore se tla direga neng, se mpha mothalatša wo monyennyane. Ge ke boleletše pele lefelo le se tla diregago, se sa fele se mpha mothalatšana wo monyennyane. Ge ke boleletše pele gore se...tla ba godimo ga mang, ke sa na le e ka ba dikete tše lekgolo le tee la mothaledi gore se ka tsoga sa phethagala, ge e se therešo.

Gomme Lentšu le lengwe le le lengwe, haleluya, leo le ngwadilwego ka Mesia yoo, le ile la phethagatšwa go fihla lletereng. Le go fihla letšatši le lengwe, a bala Mangwalo, O ile a ema thwi ka bogareng bja lefoko, gomme a re, “Moya wa Modimo o godimo Gaka go rera Ebangedi, go abela ba . . .” Gomme a ema thwi fao ka bogareng bja lefoko, ka baka la gore karolo ye yona ka moka e Goboeng la bobedi ga Gagwe. Amene! “Magodimo le lefese di tla feta; Mantšu Aka a ka seke.” Le a bona?

²²⁸ O be a le Lentšu nakong yeo, leo le bego le ba fepa nakong yeo. Moshe o ba boditše Therešo; eupša, le a bona, ka mehla ba dira kereke ya leina ka ntle ga lona, gore manong a . . .

Go na le le lengwe la Lona le šadišwago ka morago ga ge dintšhu di jele gomme di ile gae. Gomme ba letile go bona se sengwe gape. “Lentšu,” ba re, “mo le swanetše go tla. Re bile le phohu maabane; re na le nku bosasa.” Le bona seo ke se rago? “Fao go na le setoto sa kgale sa phohu fase kua, se bodile, eupša re na le nku e etla lehono. A e mo kae?” Le bona se ke se rago? Dijo tša Barongwa! Batho ba ba jago manna letšatši le letee, ge ba leka go a bolokela letšatši le le latelago, a be a bola. A ga le bone ka moka diswantšho, ka fao di phethagetšego? Go no swana le bjale!

²²⁹ Hlokomelang, manong a letšatšing le Jesu le wona a be a rakela bodiabolo ntle; bao ba tloiditšwego godimo ga setoto sa kgale. A seo ke therešo? Ba be ba rakela diabololo ntle. Jesu o boletše bjalo.

Gomme elelwang, ba be ba na le baporofeta ka matšatšing ao. Kayafa, maprista yo mogolo, o ile a porofeta. Ke ba bakae ba tsebago seo? Kayafa o ile a porofeta. Hlokomela lefelo la ngwang ka tšhemong; o nošetšwa ke tlotšo yeo e swanago. Ke ka baka la eng Beibele e re o ile a porofeta? “Ka baka la gore e be e le moprista yo mogolo ngwageng woo.” Sejamašalela sa go bola, ngwang le ditshehlo, se dutše magareng ga Korong; eupša Moya o be o le godimo ga gagwe, wa mmakgonthe Moya wo Mokgethwa wa Modimo. Moya wo Mokgethwa wa Modimo o be o le godimo ga gagwe, gore a rere, a porofeta, gomme a e bolellapele go tla go phethega; gomme a latola a be a bapola lona Lentšu le le bonagaditšwego la iri.

Oo, mogau, ngwanešu! Ke botelele bjo bokae mo re swanetšego go bolela dilo tše, bonang, ga kae kudu go kgabola Lengwalo? Ke tla hlaganela. Ke na le e ka ba lesome la matlakala mo, a Mangwalo, ka fao re a netefatšago dilo ka moka. “Ke gona godimo ga baloki le ba ba sa lokago, go swana.”

²³⁰ Jesu a re, go netefatša se. “Ge Ke leleka bodiabolo ka monwana wa Modimo, ke ka wa mang wo bana ba lena ba ba lelekelago ntle ka wona?” Bjale, ba be ba lelekela bodiabolo ntle. Ba be ba porofeta. A seo ke therešo? Eupša ga se ba ke ba Mo lemoga ge e le Lentšu la iri, (ka baka la eng?) ka baka la gore O be a sa ikamanye le bona.

Bjale tšea Mateo 24:24, “Bokriste ba maaka,” bao ba tloditšwego, “ba tla tsoga, gomme go tla ba baporofeta ba maaka ba le porofete,” le a bona, “gomme ba tla fora le bona Bakgethiwa ge go be go kgonega.” Le a e hwetša bjale?

²³¹ Hlokomela bana. “Ka mang bana ba lena . . . Ge Ke leleka bodiabolo ka Lentšu la Modimo,” yoo, O be a le Lentšu la Modimo, “ke ka mang bana ba lena ba dikereke tša maina ba ba lelekelago ntle ka yena?” Bjale, gomme Modimo a nnoši o kgona go lelekela bodiabolo ntle, re tseba seo, Modimo a nnoši. Ka gore, monna wa maatla o swanetše go ba le maatla go feta yo a lego ka ntlong ya gagwe. Ba na le maatla a go se dira.

Le a tseba, ka go Kutullo fao, yena o re, . . . gore molwa le kriste yo a tlogo go tsoga ka matsatšing a mafelelo, “O dirile dika le matete, tšeo di ilego tša fora bao ba dulago godimo ga sefahlego sa lefase, gomme o forile yo mongwe le yo mongwe wa bona, Bakriste le bohle, bao maina a bona a sego a ngwalwa ka Pukung ya Kwana ya Bophelo,” karabo go Mateo 24:24, “bao maina a bona a bego a se a ngwalwa ka Pukung ya Kwana ya Bophelo go tlogo go theweng ga lefase.”

Bophelo bjo bo bego bo le ka modung wa—wa mohlare wola wa monamone wa mmannete, bjoo bo tlilego godimo ka go kgabola ka moka legoro leo la bo namone le se sengwe le se sengwe, gomme bja fetela pele gomme bja bea kenywa ka ntlhoraneng ya mohlare, bokagodimo bja kamoka mahlomesetšwa a dikereke tša maina le makala. Le a e hwetša? Ke tla hlaganela. Monna wa maatla . . .

²³² Elelwang Dafida bjale, o be a tshephega, a hlokafešše, a leka go direla Modimo mošomo, gomme o be a se a beelwa go o dira.

“Bona,” bao ba tloditšwego; eupša Jesu o ile a re, “Ba ruta Thuto ya ya tlhathollo (ya Mangwalo) ya monna,” le a bona, e sego Lentšu la Modimo, e sego Lentšu la Gagwe le le hlatsetšwego; ba ruta Kriste wa histori, bona, se sengwe seo se bego sele gona.

Gomme Beibele e rile, “Ke Yena.” “KE NNA,” e sego “Ke be ke le goba ke tla ba.” “KE NNA, thwi bjale.” Ke Yena Lentšu leo le phelago go kgabola mo.

O be a le gona, ka mathomong, O be a le gona ka go. . . O be a le ka—ka di tsebjaneng; o be a le ka lenonong, o be a le ka go mooko; eupša bjale O ka Lerorong.

²³³ Bjale, le ya morago gomme la leka go phela gape? Go ka ba bjang ge Bophelo bjola bo tšeešwe morago fase, le nagana gore bjoo (bo tlogilego) Bophelo bo ka tsoga bja bolela, bja boela morago ka morago ga ge mooko wola wa kgale o omeletše, bo ka tsoga bja boela morago gomme bja phela ka go wona gape? Ga se bjake bja dira. “Ka gore ga go kgonege gore bao ba kilego ba bonegelwa,” gomme ga se ba ke ba sepelela pele le Lentšu ge le etla phethagalong, “ba hwile, ba ile; gomme meetlwa le tshello tšeo di lego kgauswi le go ganwa, tšeo mafelelo a tšona ke go tšhungwa.” A seo ke therešo?

Bjale ke hlaganela ka potlako ka fao nka kgonago.

²³⁴ Hlokomela Lengwalo bjale. Ba ruta Modimo wa histori, le a bona, go no swana le ge ba leka go phela mabakeng ao a fetilego, go swana le, “Go lokile, Wesley o boletše ka mokgwa *wo-le-wo*. Goba *Semang-mang* o boletše ka mokgwa *wo-le-wo*.” Le gana Lentšu leo le tshephišitšwego la letšatši, Manna ao a tsebagaditšwego pepeneneng a letšatši. Ba leka go beini ya bona ya kgale ya Boluther, Bobaptist, Bopentecost ka lebotlelong le leswa. Ga e šome. Gomme Beini ya rena ye mpsha, ka mabotlelong a bona a kgale, e ka se šome. Ge ba leka go bea Beini ye ye mpsha ka kerekeng ya leina, bošilo bja bona bo dirwa go bonagatšwa. Ba ka se kgone go e dira. E a le thuntšha.

²³⁵ “Bjale, ngwanešu, ke bone Lentšu la Modimo, ka go phethagala ka Lentšu!”

“Bjale, lebelelang fa, ngaka, ge. . . Re—re ka se kgone go ba le Seo.” Ned, ke nagana gore o bile le se sengwe sa tšeo kgauswi. “Re, re ka no se kgone go ba le Seo mo bjale. Ke—ke kaoniša gore mohlomongwe le no ya pele.” Le a tseba. Bonang, e ka se šome. E a phatloga.

“Ga o bee setšhesa se seswa sa seaparo godimo ga seaparo sa kgale, ka baka la gore o se dira gore ka moka se gagoge.” Le a bona? Na Jesu ga se a bolela seo? O ka se kgone go bea Beini ye mpsha ka mabotlelong a kgale. E a a thuntšha. Beini ye mpsha e na le Bophelo ka gare ga yona. Tšohle di gabotse.

²³⁶ Hlokomelang mo sesengwe, gabotse ka potlako bjale, ge re fetša ya. . . polelo ya rena. Hlokomelang Kutollo 16:13 go ya go 14, ge le nyaka go bea yeo fase. Nka se be le nako mohlomongwe go ya go yona. Ke nyaka gore le be le nnete gomme le e bone. Bjale hlokomelang, wo ke moletšo magareng ga wa Boselela le wa Bošupa Moruswi.

²³⁷ Bjale re tla—re tla tswalela mo motsotsong feela, ge le ka no kgona go kgotlelela metsotso e se mekae boteletšana. Re a tswalela bjale.

238 Hlokomelang Kutollo 16:13 go ya go 14, magareng ga wa Boselela le wa Bošupa Moruswi, “Memoya ye meraro ya ditšhila bjalo ka digwegwe” (a le hlokometše seo?) “e tšwetše ntle molomong wa yo mongwe.” Bjale hlokomelang, ka potlako. A le loketše? E reng, “Amene.” [Phuthego e re, “Amene.”—Mor.] Thrinithi ya memoya!

239 Bjale ngwanešu wa kereke ya leina, dula ka go iketla motsotso feela. O seke wa emelela gomme wa sepelela ka ntle ga kamora, morago ka ntle fao mo go radio ye, kgokaganong ya mogala. O seke wa tima theipi ya gago ya go gatiša. Dula ka go iketla motsotso feela, gomme o theetše. O tswetšwe ke Modimo, o tla dira.

240 Boraro bja digwegwe! Segwegwe ke phoofolo yeo ka mehla e lebelelago morago. Ga seke se lebelela fao se yago; se lebelela fao se tšwago. Le a bona? A ga le bone? Na boraro bo tswetšwe kae? A le a elelwa, “memoya ye meraro ya ditšhila,” moya ka bowona. A le a e hwetša? [Phuthego e re, “Amene.”—Mor.]

241 Hlokomelang, di lebelela morago go Khantshele ya Nicaea fao thuto ya thrinithi ya go tswalwa gona, e sego ka Beibeleng. Ga go na le selo se sebjalo. E lebelela morago go Khantshele ya Nicaea, Roma, fao boraro bja go tswalwa gona.

Hlokomelang fao e tšwago gona. Hlokomelang. Gomme boraro bja digwegwe bo tšwetše ntle go tšwa go thrinithi ya kgale, e tswetše thrinithi ye mpsha, mmago bona. Bo tšwele kae? Thrinithi, “terakone,” bonang, “sebata,” le “moporofeta wa maaka.” Thrinithi, e mpsha. Ka gore ke neng fao digwegwe tše di tšwetšego ntle? Di dirile neng? Hlokomelang, di be di le fao nako ka moka, eupša ga se ya ke ya bonagatšwa go fihla magareng ga Moruswi wa Boselela le wa Bošupa, pele feela ga ge Mahuto a bulega go e bonagatša.

“Ka gore ka Molaetšeng wa morongwa wa bošupa, diphiri tša Modimo di tla tsebagatšwa,” ka moka dilo tše tša boraro, le dikolobetšo tša maaka, le se sengwe le se sengwe dibe di swanetše go dirwa di bonagale. Modimo a re thuše go bona se e lego Therešo! Gomme e sego go nagana gore ke yo mongwe o leka go bolela se sengwe go . . .

242 Ke kwa moya wola o ganana le Seo, le a bona. Ga ke bolele ka bonna, ngwanešu. Ke bolela sa Morongwa wa Morena yo a lego ka kampeng. Seo ke tlwa gabotse.

243 Hlokomelang, thrinithi! “Terakone,” ke ba bakae ba ba tsebago gore terakone e be e le eng? E be e le Roma. “Gomme terakone e be e eme pele ga mosadi go metša ngwana wa gagwe ka pela ge a fetša go belegwa.” Seo ke therešo? Na “sebata” se ra go reng ka Beibeleng? Maatla. Tšohle di gabotse. “Moporofeta wa maaka, moporofeta wa maaka,” yo a tloiditšwego, wa maaka. Le a bona?

²⁴⁴ E thomile kae? Yo ke “moporofeta wa maaka,” botee. “Moporofeta wa maaka,” mopapa wa pele; gomme go tloga fao go tšwela ntle “se—seotswa, le mmago diotswa,” selo sohle.

Bothrinithi bja maaka ke ge bo tsoaga; e sego ka matšatšing a pele, bo be bo ka se bonagatšwe ka matšatšing a pele, bo ile thwe go tšwela pele le wona. Eupša ge Mahuto a Šupa a etla, gomme a bula diphiri tšeo gomme a di utolla; ke nako ya ge “digwegwe, memoya ye meraro ya ditšhila bjalo ka digwegwe, e tšwela ntle go iponagatša ka boyona,” thuto ya boraro kgahlanong le Therešo. Le a bona? Huh!

Le bona fao e tšwago? Le bona fao e boelago morago gona? Khantshela ya Bodumedi. Ka moka ga bona ke baena, go le bjalo; moya wo o swanago, selo se se swanago.

Gomme šetša. O fora kudu, o dira mehlolo! Gomme ba ke bodiabolo ba ba yago pele go medimo ka moka ya lefase, ba šoma mehlolo, go ba fora ka matšatšing a mafelelo, gomme ba tla atlega go bo dira. Na Modimo o rileng ka moya woo wo mobe?

O rile, “Ke tla ya fase gomme ka tsena ka molomong wa baporofeta bao gomme ka ba dira gore ba porofete maaka, go dira Ahaba go tšwela ntle kua go ya go fedišwa.”

²⁴⁵ Modimo o ile a re, “Sepela. O tla atlega. O tla ba dira gore ba se dumele. Ga ba Lentšung leo, sa mathomo.” Le a bona? “Sepela, ka gore o tla mo phegelela. E tla ba wena yo a tlogo go o dira, ge o tsene ka go bona baporofeta ba maaka, ka baka la gore o ithekgile thwi ka bona. Gomme ga a tsebe selo ka Lentšu, le bile a ka se leke go ithuta ka ga Lona. A ka seke a kgona go le dira, ka baka la gore ke tshello, sa mathomo.” Le a bona? Le a bona? “O tla atlega.”

²⁴⁶ Lebelelang mo go digwegwe tše tša maaka, di lebelelago morago, “Ka baka la eng, a le tseba seo ba se boletšego morago kua ka Nicaea?”

Ga ke kgathale ka seo ba boletšego ka sona, kua ka Nicaea. Ke bolela seo ba se boletšego mo ka Teroneng ya Modimo; seo se bego se tla ba sona, e sego seo se bego sele; seo se tla bago sona, ka gore Yena ke “KE NNA.” Le a bona?

“Maaka.” Lebelelang seo. Huh! Hlokomelang fao ba tšwago.

²⁴⁷ Bjale theeletšang sekgauswi. Re bona phatlalatša, ka morago ga ge Mahuto a Šupa a butšwe, ke gore go utolla sephiri seo. Na thrinithi yeo ke eng? Le a bona? Ke kae fao e kilego ya bitšwa thrinithi? Le a bona? Ke kae ka Beibeleng E kilego ya no bolela lentšu thrinithi? Ke kae fao go kilego gwa kgonega go ba Badimo ba boraro, gore re direla Badimo ba boraro gomme ra seke ra ba bahetene?

Na ba ka kgona go aroganngwa bjang, mola A rile, “Nna le Tate Waka re Batee?” “Ka ntle le ge le ka dumela

gore ke Nna Yena, le tla hwela dibeng tša lena, bona, go se dumeleng ga lena.” Sebe ke go se dumele. “Le tla hwela go se dumeleng ga lena.”

Oo, a le re ke Nna mang, a le re Nna ke tšwa kae,

Oo, a le tseba Tate Waka, goba a le ka kgona go bolela Leina la Gagwe?

KE NNA Rosa ya Saronā, Naledi ya go Kganya ya Masa.

A le ka kgona go mpotša gore Yena ke Mang?

KE NNA yo a boletšego le Moshe ka sethokgweng se se tukago sa Mollo,

KE NNA Modimo wa Abraham, Naledi ya go Kganya ya Masa,

KE NNA Rosa ya Saronā, oo, a le re Nna ke tšwa kae;

Oo, a le tseba Tate Waka, goba a le ka kgona go bolela Leina la Gagwe? (Amen!)

KE NNA Alefa, Omeka, Mathomo go tloga Mafelelong;

KE NNA tlhōlo yohle, gomme Jesu ke Leina la Gagwe.

²⁴⁸ Seo ke therešo. Ga go thrinithi! Aowa, mohlomphegi. Seo ke selo sa maaka.

Mahuto a Šupa, a bula diphiri tšeo tše di “bego di swanetše go phethagatšwa,” go laetša. Lehuto le bulegile; le a hlagiša, le a laetša, le bea pepeneneng Ditherešo tšeo di utagetšego tšeo Mahuto a bego a di utile mengwaga ye ka moka, go kgabola ka moka dikereke tšeo le dikereke tša maina.

“Seotswa se segolo,” sa Kutollo šupa- . . . E be e le mang? Eupša ke “MMAGO DIOTSWA,” gape. Le a bona?

²⁴⁹ “Bjale, o ba bitša ‘manong’” o rialo, “Ngwanešu Branham.” Seo ke therešo.

Eupša, elelwang, lenong ke nonyana. E tloleditšwe gore e fofe, le yona. “Memoya ye mebedi e tla batamelana kudu e tla fora Bakgethiwa . . .” Lenong ke le legolo bjalo ka—bjalo ka ntšhu. E kgona go fafo bjalo ka ntšhu yeo; gomme e tloleditšwe go fofa, goba go rera, goba go porofeta, hlokomela, go swana le ntšhu. Eupša e ka se kgone go latela ntšhu ka bogodimo. Aowa, aowa. Ge e leka go latela ntšhu, bošilo bja yona bo tla dirwa go bonagatšwa. Eye, mohlomphegi. E ka se kgone go latela ntšhu.

Oo, e ka kgona gore, “Ke dumela go Jesu Kriste e le Morwa wa Modimo. Ke dumela Modimo Tate, Ramaatlaohle, Mohlodi wa magodimo le lefase; Jesu Kriste Morwa wa Gagwe, le go ya pele.” Oo, therešo, ba ka kgona go dira seo. Eupša go reng ka Yena e lego yo a swanago maabane, lehono, le ka gosafelego? Le a bona?

250 Ntšhu ke nonyana ye e agilwego ka mokgwa wa go ikgetha. Ga go na le selo se se swanago le yona, mo lefaseng. Le a bona? E—e. . . Ge sebobodi se leka go e latela, goba ye nngwe nonyana, e tla šwallana. Bošilo bja yona bo tla dirwa go bonagatšwa, ka nnete go lekanela. E tla phatloga ge e leka go bea Beine ye mpsha ka lebotlelong la kgale. Bonang, e tla phatloga. E tla šwallana. Ga se ya dirwa, ga se ya. . . Mmele wa yona go se wa bewa mmogo ka sebopego sa go e swaraganya godimo fao. Ge e fihla ka gare ga wona maemo a magolo godimo ka kua, ge e se ya dirwa, ya beelwa, ya kgethelwa pele, ya tswalwa e le ntšhu, e tla phatlogana go ba diripana. Le a bona? Mafofa a tla fofa go tšwa mafegong a yona, gomme e tla wela lefaseng. Therešo. E ka seke ya latela ntšhu, ka bogodimo. Ge e ka leka go dira, bošilo bja yona bo tla dirwa go bonagatšwa. Seo ke therešo. O ka se kgone.

251 Ka baka la eng? Ga e kgone go bona go swana le ntšhu. Ke bobotse bofe e bo dirago go leka go tabogela godimo, gomme o sa kgone go bona fao o lego ge o le godimo kua? Gomme ge e ka leka, le go leka go ekiša ntšhu ye, ka mabogodimo, e ba sefofu mo e lego gore ga e tsebe gore e šometše godimo go eng. Seo ke therešo. O a goeletša le go tlatša lešata, le go tšwelapela; eupša e no bolela Lentšu go yena, mošimane, fao bošilo bja gagwe bo dirwa go tsebja.

Bolela le yena ka kolobetšo Leineng la Jesu Kriste, goba, Yena e le yo a swanago maabane, lehono, le ka gosafelego, ka moka—ka moka ka tsela yeo, gomme wa mmošša. “Ka baka le eng, o, bjale ema motsotso feela!” Le a bona? Oo, eye, fao mafofa a gagwe a awa. Bona, ka moka o tabogetše godimo, gomme a porofeta, gomme a rakela bodiabolo ntle, gomme a bolela ka maleme, gomme a dira lešata, gomme a tšwela pele, a kitimela godimo lefase lebatong. Eupša le seke la leka go latela godimo Fao; ka baka la eng, ka therešo o tla dirwa go tsebja.

Go le bjalo, o beilwe. O tloditšwe. O kgona go fofa. O kgona go ithekga, a ya godimo kua, eupša e sego. . . go no fihla bokgole bjo. Bona, o kgona goja nama ya go bola, eupša a ka se kgone goja Nama ye mpsha yeo e tšwago Teroneng.

Ke sofofu. O šometše godimo ka moka, eupša ga a tsebe gore o be a šomela godimo ka eng. Bona, wona wo o swanago Moya wo o wetšego godimo ga gagwe, bjalo ka pula, go mo dira korong; ga se yena korong sa mathomo. O budulelwa godimo. “Oo, ga ke kgone go ya gape. . . Oo, aowa, mohlomphegi! Ke tseba Ngaka Jones o rile. . .” Tšohle di gabotse, eya pele. Le a bona? Eya pele, ge o nyaka.

252 Aowa, hlokomelang, ga se ya tswalwa, goba go agiwa, goba go kgethelwapele, go ba mohuta wa nonyana yeo. A ka kgona. . . Ke. . . eka ba swiri e medile godimo ga mohlare wa monamone, eupša ga a tšwe medung. Ke se sengwe seo se

okeditšwego. Gomme ge ba fihla bogodimo bjo ka dikerekeng tša bona tša maina gore ba seke ba kgona go bona Lentšu la Modimo le le kgethetšwegopele ge le bonagatšwa, gona bošilo bja bona bo dirilwe go tsebagatšwa. “Oo, selo sa mohuta wo, Ntikudiku bokagodimo bja hlogo, le ka moka, oo, Ke go hloka tllaologanyo.” Le a bona? Dirilwe go tsebja.

²⁵³ Ga se A agiwa go bona kgole. O kgona go bona bokgole bjoo digalase tša gagwe tša bokereki bja leina di tlogo go mo dumelela go lebelela. Eupša, ka morago ga fao, o foufetše bjalo ka mmankgagane. Ke nako ya gore bošilo bja gagwe bo dirwe go tsebja. Le a bona? Ke fao dintšhu ya mmakgonthe e dulago fase ya ja. Eye, mohlomphegi. Ke fao tša mmakgonthe, tšeo di kgethilwego dintšhu di bonago se e lego sona. Ge a sa kgone go tšea Lentšu leo, ba tseba nako yeo ke nong ya kereke ya leina.

²⁵⁴ Ka lebaka la eng, ka lebaka la eng a sa kgone go fofa? Ka baka la gore, lebelelang seo a bego a se ja. O be a ija dipodiša tša dikereke tša maina tša go bola. Tšeo di ka seke—tšeo di ka seke tša moyafatša mmele wa gagwe, di ka se mmele ka teng ga semoya, ka mantšu a mangwe, go mo rwalela bokagodimo ga diphapano tša dikereke tša maina. Le a bona? Bonang, o no iphepa ka dilo tša go bola; mmele wa gagwe o dirilwe go tšwa go tšeo. Ga a kgone go ya godimo kua fao Nama ye mpsha yela e rwelego ntšhu yela. O no se kgone go e dira. Le a bona?

²⁵⁵ Seo se phethagatša Mateo 24:24. O a fofa, o tshelela godimo ka moyeng, o pokapokiša mafego a gagwe, eupša o no se kgone go ya godimo go lekanela. Le a bona? Seo ke therešo. Bonang, ga a kgone go ya, ga a kgone go fihla godimo go lekanela go hwetša Manna a le a maswa. O kgona go ja manna a kgale a o a lego fase mo mo godimo ga mobu, legotlo la kgale le le hwilego leo e salego le tšhaišwa beke ya go feta, le kgwedi ya go feta, goba mengwaga ye masomenne ya go fetwa, podiša. O kgona go ja seo, go no se kgomarela, gomme go a le go goelela, gomme a tšwela pele, a tshelela godimo gomme a fofa bjalo ke ntšhu. O tloiditšwe, bjalo ka nonyana ye nngwe.

Gomme ke mohuta wa ntšhu, ke sebobodi. Re tseba seo. Ka nnete ke yona, eupša ga a kgone go latela ntšhu yela ya mmakgonthe. Le a bona? A ka se kgone go se dira. Aowa, mohlomphegi. Mmele wa gagwe ga se wa agiwa; o be a ija go dipodiša tša go fapana, bona, gomme o ka se be...o ka seke—o ka se be Nama ye mpsha, Manna a maswa. E tla ba se sengwe seo Luther a se boletšego, seo Wesley a se boletšego goba Ngaka *Semang-mang* a se boletšego. E ka se be se Jesu a se boletšego sa iri ye.

²⁵⁶ A re yeng bjale, go tswalela. Bao ba tloiditšwego, “Bokriste,” ka matsatšing a mafelelo, eupša “baruti ba maaka le baporofeta ba maaka.” Hlokomelang ka fao e itiago! Bjale ke nyaka lena le bapetša se; ga se ra ba le nako ya go e bala, Mateo 24:24 le wa Bobedi Timoteo 3:8.

Mateo 24:24 e rile, ka matšatšing a mafelelo, bona, “Go tla tla Bokriste ba maaka,” ba maaka, bao ba tloditšwego, “baporofeta ba maaka, gomme ba tla laetša dika le matete,” tlwa go no swana le ba Mmakgonthe—ba Mmakgonthe, “gomme ba tla—gomme ba tla fora gabotse le bona Bakgethiwa.” Bjale hlokomelang, yoo e be e le Jesu a bolela.

²⁵⁷ Mo go tla Paulo, thwi ka morago ga Gagwe, gomme a re, “Bjale, ka matšatšing a mafelelo, go tla tla batho ba bodumedi, bonang, ba na le sebopego sa bomodimo. Gomme ba goga basadi ba go seleka, bao ba gogwago ke mehuta ka moka ya dikganyogo tša lefase.”

Gomme ba a makala, ge o re, “Ka lebaka la eng le topa bona basadi?” Oo, go direla bose. . . Ga ba bile le go E bona ga ba e bone.

“Ba goga basadi ba go seleka, ba ba rwelego dikganyogo tša go fapana,” šatogang go tloga go dilo tše di swanago le tšeo ka. . . tša. . . Bonang, “Gomme bjalo ka Jannes le Jamboro. . .”

Mateo 24:24, “Bokriste ba maaka,” ba maaka, batlotšwa, ba dira dika le matete go fora Bakgethiwa.

“Bjale go no swana le Jannes le Jamboro ge ba phegiša Moshe, ka fao le baganetši ba; megopolo ya boganetši mabapi le Tumelo.” E sego “feela” tumelo. “Yona Tumelo!”

“Tumelo ke e tee, Morena yo motee, e tee kol-. . .” Le ka se kgone go ba le “Tumelo e tee” ntle le go dumela go “Morena o tee.” Le ka se kgone go ba le dikolobetšo tše pedi, gomme e sego e tee ya Tate, le Morwa, Moya wo Mokgethwa. “Kolobetšo e tee,” Jesu Kriste. Seo ke therešo. Bonang, kolobetšo ya maaka!

²⁵⁸ Hlokomela, di bapetše mmogo bjale ge o fihla gae. Hlokomela Mateo 24:24, Jesu o a bolela; Paulo, wa Bobedi Timoteo 3:8; le a mangwe a mantšhi. Gomme bjale bapetša seo.

²⁵⁹ Gomme gape bea le lengwe Lengwalo, Luka 17:30, Maleaki 4.

“Bjalo ka Jannes le Jamboro ge ba ile ba phegiša Moshe,” Lentšu leo le tloditšwego la iri, “ka fao ba tla dira le ba banna,” e sego monna, “banna,” bao ba tloditšwego, ba “ngangana le Therešo.”

²⁶⁰ “Ka lona letšatši leo Morwa motho a utollwago.” Kutollo 10:1 go ya go 7, e baleng ge le fihla gae, “Molaetša wa morongwa wa bošupa, o bula Mahuto.” Ke eng wona? E sego morongwa ke Morwa motho; eupša motseta o utolla Morwa motho. A le kgona go e hwetša gore e arogane bjale? Ke fao e bonalago e le e thata kudu go lena, le a bona. E sego Morwa motho, ka Boyena; eupša morongwa wa bošupa, motseta wa bošupa, o utollela setšhaba Morwa motho, ka baka la gore E tlogetše mooko. A ka se kgone go E kगतlofatša. Ke Lerero, ka Boyona, gape.

“Gomme ka letšatšing leo, Jannes le Jamboro ba tla phegiša,” bao ba tloiditšwego (badumedi ba go itiriša le bao e sego badumedi, kereke ya go itlhopha le Mapentecost) ba tla emela godimo kgahlanong le Leroro la mmakgonthe, “eupša ba tlogeleng ba nnoši; bošilo bja bona bo tla dirwa go bonagatšwa, bjalo ka bja bona bo ile bja dirwa.” Le a bona? Le a kwišiša bjale? [Phuthego e re, “Amene.”—Mor.]

²⁶¹ Kutollo 10, e rile, “Ka matšatšing a go letša ga morongwa wa bošupa.” Bjale elelwang, la bošupa, Lebaka la Kereke ya Laodikia. “Go letša ga morongwa yoo,” ge lebaka leo la kereke le šetše le dirilwe kereke ya leina gomme la ba lebaka la kereke, ge le šetše le ka go Pentecost ya lona ya mokgatlo; ge motseta go yeo . . .

Na motseta yo mongwe le yo mongwe o be a le eng? Na Martin Luther o be a le eng? Tsholo go Makatoliki. Na Wesley o be a le eng? Tsholo go bona Maluther. Na Pentecost e be e le eng? Tsholo go bona ba bangwe. Na Bophelo bo ile kae bjale? Bo tlogile go tšwa go mokgatlo. Ga e sa le mooko; ke Leroro. Na ke eng? Tsholo go Pentecost, bona, go phethagatšša Lengwalo la iri ye. Le a bona?

²⁶² Hlokomelang, lona letšatši leo ge motseta yo . . . E sego ge a thoma, eupša ge a thoma go bolela Molaetša wa gagwe. Le a bona? Kgogedi Ya Pele, phodišo; Kgogedi Ya Bobedi, go porofeta; Kgogedi Ya Boraro, go bulwa ga Lentšu, diphiri di a utollwa. Ga go sa le, fao ga go sa le tshapedišo ya godingwana go utolla Lentšu, go feta baporofeta. Eupša tsela e nnoši yeo moporofeta a ka kgonago go bonagatšwa ke ka Lentšu. Gomme, elelwang, Kgogedi ya Boraro e be e le go bula ga wona Mahuto a Šupa, go utolla Therešo yeo e bego e utilwe yeo e bego e tswaleletšwe ka Lentšung. A le a bona? [Phuthego e re, “Amene.”—Mor.]

Ke gona, ka letšatšing leo ge selo se se tla tšea sebaka, gore Jannes le Jamboro, baekiši, ba tlogo go tšwelela gape. Go no swana le ka fao ba dirilego ge Moshe a nyarela le Lentšu la setlogo, go Le bolela; ba tšwelela go Le ekiša. Therešo feela tlwa. Bjale le a bona seo Mateo 24:24 e lego sona? Le a bona, bao ba tloiditšwego!

²⁶³ Bjale go na le dilo tše tharo tšeo re yago go di bolela pele re tswalela. Ye ke yona. Ke nyaka gore le theeletše ka sekgauswi kudu ge re tswalela. Dilo tše tharo, elelwang, dilo tše tharo di phethagaditšwe. Dilo tše tharo di robetše pele ga lena thwi bjale.

²⁶⁴ Sa pele. Lefase le seemong sa Sodoma. Jesu o rile le tla dira. Lebelelang phapogo; basadi ba rena ba leka go dira bjalo ka banna; banna ba rena ba leka go dira bjalo ka basadi, ba sadifetše; ba bodile, ba tšhilafetše, ba theogetše-fase, ba swerwe-ke diabololo, gomme ga ba e tsebe. Beibele e boletše gore seo se tla direga, gomme ke fao le lego.

²⁶⁵ Sa bobedi. Ke ka mo iring yeo, go ya ka Lengwalo mo, fao Jannes le Jamboro ba tšwelelago. Sa bobedi.

²⁶⁶ Sa boraro. Ke ka go yona iri ye e swanago fao Morwa motho a tla utollwago.

²⁶⁷ Fao go modumedi wa gago, modumedi wa-go itiriša wa gago, le yo e sego modumedi wa gago. Go na le Lentšu la mmakgonthe le eme ntle, le bonagadišwe; go na le modumedi wa-go itiriša o A le ekiša; gomme go na le yo e sego modumedi o gana selo sohle.

Eupša go tla ba le Seetša e ka ba ka nako ya mantšibua,
Tsela ya go ya Letagong nnete le tla e hwetša.
(Seo ke therešo?)

Ditšhaba di a thubega, Israele e a tsoga,
Dika tšeo Beibele ya rena e di boleletšego pele;
Gomme matšatši a Bantle a badilwe (Sodoma), le diege di šitišwa.
Boelang, O bašwalalanywa, ga lena beng.

Letšatši la topollo le kgauswi,
Dipelo tša batho di a feila, ka letšhogong le;
Tlatšwang ka Moya wa Modimo, mabone a lena a goteditšwe a hlwekile, (gore le kgone go bona Lentšu la iri,)
Lebelelang godimo, topollo ya lena e kgauswi!

Baporofeta ba maaka ba aketša, (ba rile ba tla ba mo; bao ba tloiditšwego), Therešo ya Modimo ba a e gana,
Gore Jesu Kriste ke Modimo wa rena.

Go ra gore, ga ba E dumele. Beibele e rile go tla ba le selo seo mo. A se se!

Eupša re tla sepela fao baapostola ba gatilego. (Seetša se se swanago! “Gomme go bušetša Tumelo ya botate go bana.”)

Letšatši la topollo le kgauswi, mo kgauswi,
Dipelo tša batho di feila ka letšhogo, (lefase le phorimela ka gare);
Oo, tlatšwang ka Moya wa Modimo, mabone a lena a goteditšwe a hlwekile.
Lebelelang godimo, topollo ya lena e kgauswi.

A le dumela seo? [Phuthego e re, “Amene.”—Mor.] A re inamišeng dihlogo gona.

²⁶⁸ Ka ntle ka nageng fao Molaetša wo o yago, go tloga Lebopong la Bohlabela go ya go la Bodikela, go tloga

California go ya New York, fase go ya ka Borwa, godimo go ya ka Lebowa, ntle go ya ka boromiweng, le kae kapa kae mo O yago, le ka mo tabarenekeleng. Re a diila. Ga re na le tše tona, tše kgolo, tša mapolomo dilo tše, dikgašo tša thelebišene. Re no leka go dira bokaone bjo re ka bo kgonago. “Eupša bohle bao Tate a Nneetšego ba tla tla.”

²⁶⁹ Bjale, ke nyaka gore le tsebe gore se ke nnete, le lena ba le theeditšego theipi ye. Le ka no ba le be le gopola lehono gore ke be ke leka go bolela seo ka nna mong, gore ke be ke rwele Molaetša wo. Ga ke na le selo go dira ka Wona go feta lefeela, e sego selo go feta go no ba lentšu. Gomme, lentšu laka, gape le kgahlanong le kahlolo yaka e kaone; ke be ke no nyaka go no ba morei. Eupša ke thato ya Tate yeo ke enago go e dira, gomme ke ikemišeditšego go e dira.

Ke be ke se Yena yo a tšweletšego tlase ka nokeng; Ke be ke nno ema fao ge A tšwelela. Ga se nna Yena yo a dirago dilo tše gomme a bollelapele dilo tše tšeo di diregago ka go phethagala ka fao di lego ka gona; Ke no ba yo a lego kgauswi ge A se dira. Ke be ke no ba lentšu leo A le dirišitšego, go E bolela. E be e se seo ke bego ke se tseba; ke seo ke ilego ka no ikgafela go sona, gore A bolele ka nna. Ga se nna, e be e se morongwa wa bošupa, oo, aowa; e be e le ponagatšo ya Morwa motho. E be e se morongwa, molaetša wa gagwe; e be e le sephiri seo Modimo a se tatolotšego. Ga se monna; ke Modimo. Morongwa e be e se Morwa motho; e be e le motseta go tšwa go Morwa motho. Morwa motho ke Kriste; Ke Yena yo le iphepago ka yena. Ga le iphepe ka monna; monna, mantšu a gagwe a tla feila. Eupša le iphepa ka Mmele-Lentšu le le sa feilego la Morwa motho.

²⁷⁰ Ge e ba ga se la be la iphepa ka go felela ka Lentšu le lengwe le le lengwe, go ipha maatla ka bowena go fofela bokagodimo bja ka moka dikereke tše tša maina le dilo tša lefase, a le ka re ka nako ye la e dira, ge re rapela?

²⁷¹ Morategi Tate, se ke selo se se thata. Ga se bonolo go yo a hwago go se dira. Wena o tseba dilo ka moka. Gomme ke a Go rapela, morategi Modimo, gore le seke la se kwišišwe. Eupša, ka Seetšeng sa Lentšu la Gago, a nke batho ba sepele.

²⁷² Gomme, Tate Modimo, ga ke tsebe gore Mokgethiwa ke mang; Wena o a tseba. Ga ke tsebe gore Gotla ga Gago go neng. Eupša ke tseba feela gore O rile ge dilo tše di tšea sebaka, ba ba maaka, bao ba tloiditšwego; e sego thwi ge ba be ba thoma.

Moshe o ile a no ba tlogela ba nnoši, ka gore o be a ka se kgone go dira go feta ka yona. O be a kgona go bolela feela seo O bego o se bolela. O ile wa mmotša gore a bitše matsetse; ka gona le bona ba a bitša. O ile wa mmotša gore a fetole meetse go ba madi; ka gona le bona ba o dira. Moshe o rwaletše ntle, Lentšu ka Lentšu, bjalo ka ge O boletše, eupša O bile wena O nnoši Yo a dirilego bošilo go bonagatšwa.

273 Bjale, Tate, Wena o Modimo, le bjale. Lentšu le le swanago le boletše gore se se tla direga ka matsatšing a mafelelo. Batho ba bantšhi ba go botega, bjalo ka ge re boletše Lamorena la go feta, ba beile atla tša bona go Areka yela godimo ga koloi ye mpsha, gomme e sego magetleng a Balifi, ba ile ba wa ba hwa, “ba hwela sebeng le dikarogong,” ba phegišana kgahlanong le matswalo a bona.

274 Badiredi ba bantšhi ba dutše ka go ithuteng bja gagwe, ba badile Lentšu leo, gomme ba fetola letlakala ka potlako; go ipoloka gore ba se thungwe, ka go tseba gore o tla lahlegelwa ke maemo a gagwe a setšhabeng, le kereke ya gagwe le kereke ya gagwe ya leina. Modimo a re thuše re seke ra tsoge ra dira seo!

275 Hlwekiša dipelo tša rena, Morena, go tšwa go tšhila ka moka ya lefase. Morena, ke eme komana gore ke hlwekišwe. Ke eme komana, le kereke ye le bohle ba theeditšego ka gare, le mang kapa mang a ka theetšago theipi ye. Ke eme, Morena, gomme ke kgopela tlhwekišo. Morena, ntšee o nkiše ngwakong wa mmopi gomme o mpšhatle, mpopele go ba mohlanka yo O tla mo nyakago.

Ka gore, Morena Jesu, “Ke nna monna wa melomo ya ditšhila,” bjalo ka ge Jesaya a ile a lla, “ke dula le batho ba melomo ya ditšhila; gomme nna wa madibe, ka gore ke bona kutollo ya Modimo e dirwa go bonagatšwa,” ge Jesaya a bona Barongwa ka Tempeleng. Ke bona nako ya mafelelo, Morena, gomme wa madimabe ke nna le lapa laka; wa madimabe ke nna le batho baka. O Modimo wa ka Gosafelego, e ba le mogau go rena. Ke a ikgopelela ka bonna le batho. A nke re seke ra senyega le bao ba sa dumelego, eupša a nke re phele le badumedi.

276 Ye nngwe le ye nngwe kereke ya leina, Morena, yo mongwe le yo mongwe monna goba mosadi. . . nka se kgone go Go kgopela gore o šegofatše kereke ya leina, mola ke tseba gore O kgahlanong le yona. Eupša nka kgona feela gore, Morena, ge O na le ye nngwe ya dinku tša Gago ka ntle magareng ga bona, a nke ba kwe theipi ye. A nke ba E kwe, Morena, gomme ba E kwišiše ka kwišišo yeo O tla ba fago yona, gomme a nke ba tšwele ntle gomme ba amogele Wena. A nke ba seke ba forwa ke bofofu le setšo sa letšatši le. A nke ba se leke go ja se sengwe seo. . . goba e bego e le setoto ka go letšatši le lengwe. A nke ba tšee Lentšu.

Yeo ke ka tsela yeo Bafarasei ba Go bapotšego, Morena. Ba be ba tšea setoto sa letšatši la Moshe, gomme ba leka go kgomarela ka pefelo; ka morago ga ge O file seswantšho, ka leganatheng, sa manna a maswa bošego bjo bongwe le bjo bongwe, go ra gore molokong wa mongwe le wo mongwe. Fao ke moo ba feitšego. E ba file mpholo. E ba bolaile, go ja dijo tšeo di bodilego.

Gomme, semoyeng, e dira selo se se swanago lehono; go ba bolaya, semoyeng, ka kereke ya leina.

Re thuše, morategi Modimo, Ka moka e ka diatleng tša Gago bjale. Ka Leina la Jesu Kriste.

²⁷⁷ Ka dihlogo tša rena di inamišitšwe, re ya go opela yeo ge le sa dira sephetho. A le ka ya tsela ka moka?

Kgona go kwa waka Moph- . . . (gomme ke Yena
Lentsu) . . . -ši a bitša, ke kgona go kwa . . .

“Oo, ke tlarumile nako ye telele, eupša, ka nnete, thwi bjale ke a Mo kwa, ‘Etlang go Nna, ka moka bao le phopholetšago mmogo.’ Kwang, ‘Tšeang sefapano sa lena, latelang Nna letšatši ka letšatši.’ ‘Le, ge nka sepela go putla molapo wa morithi wa lehu, nka se boife bobee; tlase go putla mafulo a matala a morithing, le kgauswi le meets a makhutšo.’”

Gomme fao A ntlahlelago . . .

“Morena, ke bona bošilo bjola bja maborararo. Ke bona lefase lohle le bjaletšwe ka go wona; ngwang o mela mo gohle. Eupša moo O ntlahlelago gona bjale, Morena, ke tla ba bjalo ka bale ka go Ditiro 19. ‘Ge ba ekwa Seo, ba ile ba kolobetšwa gape ka Leineng la Jesu Kriste.’”

. . .latela, (“Ke sepetše karolo ya tsela,
Morena, go lekana go amogela Wena.”)
Bjale ke tla ya le Yena tsela ka moka.

[Ngwanešu Branham o thoma go bobola *Moo A Ntlahleago*—Mor.]

²⁷⁸ Morategi Modimo, ke a tshepha gore seo se tšwa pelong yaka. Ke a tshepha gore se tšwa pelong ya yo mongwe le yo mongwe yo a opelago ka nako ye, mohlomong ba bantšhi ba ba tlogo go kwa theipi ye, bao ba sego gona goba ba sa e kwa bjale. A nke re be ba ba ratago, Morena, go sa kgathalege ka poreisi. O rile, “Go swana le monna yo a yago go gahlana le masole a mangwe, lesole, kgoši; sa pele o dula fase gomme a bala, a o a kgona go e dira, a a ka kgona go tlogela dilo tša lefase? A le ka kgona go tlogela, la tšoenana masole a Lentšu la Modimo le le ngwadilwego; matšha le masole a Gagwe, fofa le dintšhu tša Gagwe?” Efe, Morena, ka Leina la Jesu.

²⁷⁹ A le a dumela? A le a Mo amogela? Tšohle di gabotse. Re tla le bona mo gape, bošegong bjo, Morena ge a rata. A le dumela seo go ba Therešo? [Phuthego e re, “Amene.”—Mor.] A e pepeneneng go lekanela? [“Amene.”]

Gona tšea Leina la Jesu le wena,
Ngwana wa mahloko le madimabe;
Le tla go fa thabo le khomotšo,
Le tšee mo gohle- . . .

Bjale, šišinyang diatla le yo mongwe kgauswi le wena bjale.

Leina le Bohlokwa, O bose bjang!
Kholofelo ya lefase, kholofelo ya lefase, thabo
ya Legodimo;

Leina le Bohlokwa, O bose bjang!
Kholofelo ya lefase le thabo ya Legodimo.

Mo Leineng la Jesu go khunangwa,
Go wiwa go ikala maotong a Gagwe,
Kgoši ya dikgoši Legodimong re tla rweša
korone. . . (Ke Yena Modimo, gona)
Ge leeto la rena le fedile.

Leina le Bohlokwa, Leina le bohlokwa, O
bose bjang! O bose bjang!
Kholofelo ya lefase le thabo ya Legodimo;
Leina le Bohlokwa, O bose bjang!
Kholofelo ya lefase le thabo ya Legodimo.

²⁸⁰ Ke a tsepha gore badiredi ka moka ba dirilwe go tsebišwa mosong wo, ba tsebilwe.

Ge monna a rapetše beke ka moka, a makala gore eng, a bone Mangwalo a, gomme a ema thwi pele ga lena. “Madimabe go nna,” go boletše Paulo, “ge ke sa rere Ebangedi.” Mafelelong a tsela ya gagwe, o rile, “Ga se ka tlogela go le botša Keletšo ka moka ya Modimo bjalo ka ge E be e filwe nna.”

²⁸¹ Ke a lebala nako ye nngwe go elelwa dilo, go hlagiša lego gafela masea.

Billy o rile, letšatši le lengwe, monna o tlike, a re, “Ke be ke etla mo lebaka la mengwaga ye mebedi, gore ngwanaka a gafelwe.”

Billy o rile, “O seke wa nagana ga mpe ka seo. Ke na le lesea, o na le ngwaga ka bokgale; ga se a be a gafelwa le bjale, bjale. Ka fao ke ya go no letela go fihla ge a eba yo mogolo go lekanele go itshepetša go ya godimo kua ka boyena, ke a thanka.”

²⁸² Ka fao re a hwetša ngwanešu, kgaetšedi, ga se—ga se, le a bona, ke. . . Selo se setee, re swanetše go gafela bana ba rena.

Re swanetše go kolobetša yo mongwe le yo mongwe. Go na le mogobe; meetse šia. Ge o se wake, ke eng seo se go šitišago? Meetse šia. Etna thwi bjale. O seke wa leta go fihla bošegong bjo; etla thwi bjale. Go na le monna yo a emego fa o tla kolobetša yo mongwe le yo mongwe yo a sokologilego gomme a dira boipolelo. Ge o kolobeditšwe makga a toseine, ba tla go kolobetša ka Leineng la Jesu Kriste tshwarelong ya dibe. Le a bona? Ke rena seo.

²⁸³ Eupša, bonang, Molaetša o pelong yaka. Ke swanetše go ntšhetša ka ntle. Ke morero wa ka wo mogolo, go sa kgathalege gore mogatšaka o reng, bana baka ba reng, modiša waka o reng eng, kapa eng yaka e reng. Ke Morena waka. Ke swanetše go ntšhetša Woo ka ntle. Wo ke morero waka wo mogolo.

²⁸⁴ Gomme bjale, dinako tše ntšhi, ke lebala go laetša gore ke bona badiredi. Ke a thanka mohlomongwe. . . ngwana wa bo rena, Ngwanešu Neville, monna yo bohlokwa. Ba bangwe ba baena mo, re thabetše goba le lena.

²⁸⁵ E sego gore ga re dumelelane le lena, ngwanešu, go ba ba ba fapanego. Ba bantšhi ba lena mo ba ka no ba bareri ba bothrinihi. Ga re nyake go le kwatela. Re a le rata. Ge nka be re be re sa dire, ge nkabe ke be ke sa dumele seo, ke be nka se tsoge ka tlogela kereke ye go fihla ke eya fase mola ka matolo gomme ka re, “Modimo, ntire ke loke.”

Ga ke nyake woo wa manganga, wa go rata go ikhola moya o hlakana le waka. Ke nyaka moya waka o hlweka o hlatswega, lerato la boena, bokgethwa ka Moya wo Mokgethwa. Bjale, ge yo mongwe a dira eng kapa eng ya go fošagala go nna, go lokile. Gomme le ge nka ba le tokelo go boela morago go bona, ga ke nyake seo ka bophelong bjaka. Aowa, ke—ke nyaka go ba le lerato. Ke nyaka go ba komana go phošolla ka lerato, ka lerato ka go felela le arabela ka kua ka lona.

²⁸⁶ Ga ke re go ba yo a fapanego. Methodist, Baptist, Katoliki, Presbyterian, le yoo o ka bago yena, ga ke bolele dilo tše go ba yo a fapanego, go ba wa manganga go lena. Ge ke dirile, ke nna moikaketši gomme ke swanetše go ba fase fa mo aletareng ye, ke rapela go kgabilela go Modimo.

Eupša ke a se bolele, ke ka baka la lerato, gomme ke bona mo le yago. Bjale, ga ke bolele se ka go nna mong, gomme ke re ke a akanya. Ke le fa GO RIALO MORENA. Seo ke Therešo. Gomme ke le ratela dilo tšeo. Modimo a le šegofatše.

²⁸⁷ Bjale ge re opela temana ye nngwe ya pina ye, a re, pele re eya. Re nyaka gore le be mo bošegong bjo, ge le ka kgona. Ge le ka se kgone, Modimo a be le lena go fihla re kopana. Re no rapela gore Modimo o tla—o tla le šegofatša gomme a le fa bokaone bja naga ya Gagwe, le a bona.

Tšea Leina la . . .



BAO BA TLODITŠWEGO NAKONG YA BOFELO NST65-0725M
(The Anointed Ones At The End Time)

Molaetša wo ka Ngwanešu William Marrion Branham, mathomong o abilwe ka Seisimane ka Sontaga mosong, Julae 25, 1965, mo ya Taberenekele ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org